

# APOSEL

## Aposel kame tuku piro

Lukas nu Teofilus tuku waŋe armba kuyarŋina. Nu amboŋga kuyarna ta Yesus Kristus tuku pasa mayenu. Kile waŋe arnu te aposel kame pirokinaig tuku kuyarna.

Yesus nu samba mbol kambim bafuna sulumba nuŋe dubiwanu taŋgo wam paguka saningina: Tane kilke tugu ŋakmba mbol kape sulumba ye tuku nyu saningap ŋgina. Taŋakina sulumba nu nane kusreka luka samba mbol kumba Tukul Guwa pilna le ndekina le nuŋe dubiwanu taŋgo ta nane Tukul Guwa ŋak Yesus tuku miŋge kumu-kumumba kilke tugu ŋakmba mbol lika nu tuku pasa mayenu taŋgo pino ŋakmba tumniŋmba saningge likinaig le nane suŋgomba ŋgamuŋgal biye mbilmba Yesus tuku son ŋga kule pisne kile-likinaig.

**1** <sup>1</sup>O Teofilus kaiye. Ye amboŋga waŋe ande kuyarmba ne tuku pilen ta Yesus nu wam ŋakmba ke lika pasa tumniŋmba minna le <sup>2</sup>ma ma Kuatenge te-duŋga samba mbol kina. Nu Tukul Guwa ŋak minmba kambim tuku ait mbolŋge aposel buk madiniŋgina ta wam paguniŋgina. Ye wam ta ŋakmba waŋe mbolŋge kubeu tinen.

<sup>3</sup>Yesus nu rar tumba kummba maŋ tingina sulumba mara 40 sinamŋge nu aposel tugumŋge mayok ka Kuate nuŋe gageu kulatkate maŋau ta tumniŋgina sulumba wam afu sangrinu ke likina le kaŋgerkumba nu tingina wam ta kila pilnaig. <sup>4</sup>Nu nane ndoŋ minmba teŋenmba saningina: Tane Yerusalem tumbraŋ suŋgo te kusre ndawap. Mam nu ande kukulwa le tane ndoŋ minmba minam tuku sakina ta nu tairŋga minap. Ye o buk tane ta tuku satinŋen. <sup>5</sup>Yohanus nu kulembi nane kule pisneniŋgina. Mine minemba ye tane Tukul Guwambi tane tuku ŋgamuŋgal kule pisne taŋaŋ tingamŋgit ŋgina.

<sup>6</sup>Mara ande nane maŋgurka nu kusnanaig: Suŋgo, ne kile sine Israel mbal tuku muskil kile-tidiŋga siŋgine kilke siŋgamŋgat e ŋginaig le <sup>7</sup>nu ndek saningina: Mam nu nuŋe nyu tambi wam kame mayok kambim tuku ait madiniŋgina ta ginu mara ame ait mbolŋge mayok kaŋgaig ta tane kila palmbim tuku maŋau kuga. <sup>8</sup>Tukul Guwa tane mbolŋge prowa

le tane sanjri njak minmba ambonja Yerusalemnge ngumnenja Yudea ma tugu Samaria ma tugu kilke tugu njakmba mbolnje lika ye tuku nyu saningap ngina.

<sup>9</sup>Tanjamba sanijmba minna le nane nu kanjgermba minnaig le Kuatenje nu te-dunja tumba samba mbol kina le gau kaukuk ande pro nu songina le nane man nu kanjer ndanaig. <sup>10</sup>Nane samba mbol tandeka nu kina ndin ta kanjer timba minnaig le kile tanjo armba kuminj kugen kaukuk njak tanje mayok kumba ndek nane saninginaig: <sup>11</sup>Galilea mbal, ndanam tane samba mbol te tandeka mambilmba minig. Kuatenje Yesus te-dunjat le tane kusreka samba mbol ket le kanjeraig tanjamba ndo nu man luka ndenunjat nga saninginaig.

### Tanjo ande Yudas tuku ma tina

<sup>12</sup>Kile nane tinja Olif tabe kusremba luka Yerusalem kinaig. Ndin ta kuen ndo kuga. <sup>13</sup>Nane kinaig ka Yerusalem promba nanjine wande minnaig ta ponja rum o mbolnje ta sinam kinaig. Nyu nanjine ta tejenmba. Petrus, Yohanus, Yakobus, Andreus, Filipus, Tomas, Bartolomeus, Mateus. Ande Alfeus tuku kinjo nuje Yakobus. Ande Simon mape nyu ta Selot. Ande Yakobus tuku kinjo nuje Yudas.

<sup>14</sup>Pino kame afu Yesus ina nuje Maria ndon, Yesus tuku maib kat nuje nane njakmba tanje manjurka ngamungal ulendimba Kuate yabanmba minnaig.

<sup>15</sup>Ait ande Yesus dubinaig kuasmbi 120 tanjan manjurka minnaig le Petrus nu nane ngamuknje tinja sakina: <sup>16</sup>Tira kame, o buk Tukul Guwanje David tuku minje mbolnje Yudas tuku sakina le kuyarna. Kuyar pasa ta ngisinu kumuñ kuga. Yudasnje Yesus minna ma ta tumningina le pro nu biye tinaig. <sup>17</sup>Tanjo ta nu sine piro tuma ande. Nu sine tuku piro inum nu biyna. <sup>18</sup>Nu mbar sunjokina le mbar ta tuku ndametinmbi kilke ande piyanaig. Nu gabat kumam te-tirka sanjrimba ndeka funjul puluka sina walelena le nu kumna. <sup>19</sup>Yerusalem mbal nane wam ta ismba kilke ta nyun ta Akeldama nginaig. Nyu ta tugunu Ndare Kutukina tuku Kilke.

<sup>20</sup>Mune waje mbolnje kuyar ande Yudas tuku tejenmba minit.

Nuje wande ake minwa.

Ande man tanje nda kinywa.

*Mune 69.12*

Kuyar ande mata tejenmba sakate.

Ande nu nu tuku piro tuwa.

*Mune 109.8*

Kuyar pasa tanjamba sakate nga saningina.

<sup>21-22</sup>Petrus nu man lato saningina: Sine tanjo ande te-silika madibe. Tanjo ta nu sine ndon Yesus tinjina wam ta saka te-mayokam tuku. Yesus nu sine ndon minna le nane afu mara mara sine dubika lika minnaig tanjan tanjo ande madibe. Ande nu Yohanus kule pisneningina

ait mboŋge sine ndoŋ minmba ka ka Yesus nu sine kusreka samba mbol kina taŋaŋ taŋgo inum madibe ŋgina.

<sup>23</sup>Taŋakina le nane taŋgo armba nyun kilnaig ta ande Yosef ande Matias. Yosef nu mape nyu ande Yastus ande Barsabas. <sup>24</sup>Nane taŋgo ar ta kile-tidiŋginaig sulumba yabaŋmba sakinaig: O Sungo, ne taŋgo ŋakmba tuku wamdus kila. Taŋgo ar te ima ne madina ta tumsinga. <sup>25</sup>Yudas nu nuŋe minam tuku mbili ŋayonu mbol kumba piro ta kusrena. Taŋgo ande tumsinga le nu piro ta biymba aposel nyu tamŋgat ŋginaig. <sup>26</sup>Taŋakinaig sulumba nane naŋgine maŋaumbi kinaig le Matias tuku nyu mayok kina le nu aposel 11 ndoŋ ulendikinaig.

### Tukul Guwa ndekina

**2** <sup>1</sup>Zu mbal tuku pagumba nye ait suŋgo ande nyunu Pentikos prona le Yesus dubinaig mbal wande ande mboŋge maŋgurka minnaig. <sup>2</sup>Minnaig le samba mboŋge fudu suŋgo ande bubre suk ndeka prona sulumba wande minnaig ta fudu suŋgo ta kumuŋgina. <sup>3</sup>Kile agaŋ ande pa mane suk denpur-denpurka nane ŋakmba mbol kine likina le kaŋgernaig. <sup>4</sup>Tukul Guwa nu nane ŋakmba mbol kumuŋgina le nane ndek pasa kuale gilai ta sake lika minnaig.

<sup>5</sup>Taŋamba minnaig le Zu afu Kuate tuku nyu kurauka ma tugu kise kise mboŋge promba Yerusalemŋge maŋgurkinaig ta <sup>6</sup>nane fudu suŋgo ta ismba pro nane tugumuŋge maŋgurka naŋgine pasa kuale yimyam ise lika nane piriri ŋayomba wamdus te-sulunaig sulumba <sup>7</sup>pirerek purka sakinaig: i ... Nane ŋakmba te Galilea mbal ndo. <sup>8</sup>Ndaŋam nane sine ŋakmba tuku pasa kuale yimyammbi sakade. <sup>9</sup>Sine afu Partianu, Medianu, Elamnu, Mesopotamianu. Sine afu Yudeanu, Kapadosianu, Pontusnu, afu Asianu. <sup>10</sup>Sine afu Frigianu, Pamfilianu, Isipnu, afu Sirene tumbraŋ suŋgo patuk patuk tumbraŋ foŋfoŋ Afrikaŋge progeŋ. Sine afu Romŋge te progeŋ ta afu Zu mbal afu kasomok mbal Zu mbal taŋaŋ Kuate dubiweg tuku. <sup>11</sup>Sine afu Kretanu, afu Arabianu. Sine taŋamba taŋamba ma tugu yimyam mboŋge prowe likeg. Kuate nu wam saŋgrinu kitek ke likate ta siŋgine pasa kualembi sakade le iseg ŋginaig.

<sup>12</sup>Nane ŋakmba pirerek purka wamdus te-sulumba muŋgu kusnaŋginaig: Wam te tugunu ndaŋmba tuku ŋginaig le <sup>13</sup>afu nane nzumil te-niŋmba sakinaig: Nane grep kule kamenu suŋgomba nyaig sulumba ŋgingŋgankade ŋginaig.

### Petrus nu Kuate tuku pasa kuklina

<sup>14</sup>Taŋakinaig le aposel 12 maŋgurka minnaig ta nane ŋgamukŋge Petrus nu tiŋga wi kuenka saningina: Tane Yerusalem mbal Zu mbal ma tugu afu mboŋge prowe likinaig tane ŋakmba kilba pilmba ye tuku pasa ise tiwap. <sup>15</sup>Kile maratukuk ki ait 9 tate. Sine grep kule nyumba

ngingankanu nga sasingig ta tanjamba kuga. <sup>16</sup>Tuan tanjo Yoel nu dir pasa sakina ta kile alonu mayok kinit. Nu tejenmba kuyarna.

<sup>17</sup>Kuate nu sakate. Kilke kugawam tuku ait patukuwa le ye yiye Guwa kilke mbol mbal ningamngit.

Tanjawi le tane tuku kiyo kulim kame Tukul Guwanje pasa saningua le ismba kile-mayokkamngai.

Tane tuku tanjo mo nane kijatanu suk aganj kanjerkamngai. Tane tuku saibo nane kinymba kiya alo njak kanjerkamngai.

<sup>18</sup>Ait ta mbolnje yiye piro tanjo piro pino yiye Guwa ningi le nu nane pasa saningua le ismba kile-mayokkamngai.

<sup>19-20</sup>Ye Sunjo, ye luka prowam tuku ait pro ndawa le tane katewam tuku ye samba mbolnje kilke mbolnje wam kitek sangrinu kile-mayokkamngit.

Samba mbolnje ki bulu kugamba dabuka tambun ndare suk gurnungat. Kilke mbolnje ndare pa sunjo pa guwa dabuknu mayok ke likamngai.

Tane wam njakmba ta kanjerka piriri njayowamngai.

<sup>21</sup>Ima nu Sunjonje turwa nga wikuwa ta ye nu tuku muskil te-tiwe tambimngit. *Yoel 2.28-32*

Yoel nu tanjamba Kuate tuku pasa kuyarna nga saningina.

<sup>22</sup>Petrus man lato saningina: Israel mbal, tane pasa te ise tiwap.

Nasaretnu tanjo Yesus Kuatenje kukulmba nu sanjri tuna ta tane kila. Nu wam sangrinu kitek tane ngamuknje ke likina le kanjerkinaig.

<sup>23</sup>Ande nu Yesus tumba tane wai mbolnje palmbim tuku Kuate nu o buk wamdus ta tina. Tane nu ail kazrai mbolnje kumwa nga une mbal wai mbolnje pilnaig le nane nu balenaig le kumna. <sup>24</sup>Kumna le Kuate nu Yesus tuku kume tuku sanjri pitaimba te-tina. Kume tuku sanjrinje Yesus biye dewam kumun kuga. <sup>25</sup>David nu wam ta tuku o buk Kristus tuku minje tejenmba kuyarna.

Sunjo nu mara mara ye ndonj minit le kanjeret.

Ye wamdus piti sulu ndawi nga nu ye ndinam kumamnje gemyumba minit.

<sup>26</sup>Ta tuku ye ngamungal bulok gare njak minet.

Ye kumam tuku minet ta ye piti ndayate.

<sup>27</sup>Ye tuku kanu kumanu mbal tuku tumbrañ kine nda.

Ye ne tuku piro tanjo yiye ngarosu menu tuku ndin tukulamngat.

<sup>28</sup>Abo minmba minam tuku ndin ne ye tumyate.

Ne ye ndonj mina le ye gare toramngit ngina. *Mune 16.8-11*

Petrus nu David tuku kuyar pasa tanjamba nane saningina sulumba sakina: <sup>29</sup>Tira kame, ye pasa satingamngit te tane kila. Singine mbun David nu kumna le ngukinaig. Nu tuku kumu ta kile minit le kanjereg.

<sup>30</sup>David nu Kuate tuku tuan tanjo minmba nu tuku mbun ande nu tuku

ma mbolŋge gabat suŋgo minam tuku Kuate nu pasa saŋgrinu sana ta nu kila minna. <sup>31</sup>Ta tuku David nu Kristus kummba tiŋgamŋgat wam ta kaŋgermba teŋenmba sakina: Kristus nu kumanu mbal tuku tumbraŋ kine nda. Nu tuku ŋgarosu mata menu tuku ndin tukulamŋgat ŋgina. <sup>32</sup>David nu pasa kuyarna ta Yesus tuku kuyarna. Nu kumna le Kuate nu te-tina le tiŋgina. Sine ŋakmba wam ta kaŋgergeŋ. <sup>33</sup>Kuate nu Yesus te-duŋga nuŋe ndinam kumamŋge pilna sulumba nuŋe pasa saŋgrinu sakina ta kumumba Yesus Tukul Guwa tuna. Taŋamba ndo kile nu sine Tukul Guwa siŋgat le nu tuku saŋgri ismba kaŋgerde te.

<sup>34</sup>David nu samba mbol kine ndakina ta nu teŋenmba Kristus tuku sakina.

Suŋgo Kuatenŋge ye tuku Suŋgo sana: Ne ye tuku ndinam kumam teŋge saŋgri ŋak minyok mina le ma ma <sup>35</sup>yeŋge ne tuku ŋgueu mbal ŋakmba kile-ibenŋka ne tuku kupe kumnemŋge patikamŋgit ŋgina. *Mune 110.1*

<sup>36</sup>Tane Israel mbal wamdus pulutiŋguwa. Tane Yesus tumba ail kazrai mbolŋge balenaig ta Kuate nu taŋgo ta tumba nuŋe madina taŋgo ŋga taŋgo ŋakmba tuku Suŋgo pilna ŋga saniŋgina.

### Nane gudommba ŋgamuŋgal mbilmba son ŋginaig

<sup>37</sup>Zu mbal pasa ta ismba sine siŋka mbargeŋ ŋga nane ŋgamuŋgal rar suŋgo kamusmba Petrus aposel afu turmba saniŋginaig: Tira kame, sine ndaŋbe o ŋginaig le <sup>38</sup>Petrus nu ndek nane saniŋgina: Tane ŋgamuŋgal biye mbilmba taŋgine maŋau ŋaigonu kusreka Yesus Kristus ndoŋ ulendika kule pisne tap. Tane taŋawap le Kuate nu tane tuku une ŋakmba sauka gilaiŋga Tukul Guwa tiŋgamŋgat. <sup>39</sup>Kuate nu tane taŋgine kiŋo kame kasomok mbal turmba idusniŋmba o buk Tukul Guwa taŋgo niŋgamŋgit ŋgina. Suŋgo Kuate nu ima kate wikate ta nu Guwa niŋgit ŋga saniŋgina.

<sup>40</sup>Petrus nu taŋamba pasa lato saniŋmba sakina: Taŋgine kuasmbi tuku maŋau ŋayonu kusrewap le Kuate nu tane tuku muskil kile-tidiŋguwa ŋgina le <sup>41</sup>nane nu tuku pasa ismba son ŋginaig mbal nane kule pisne tinaig. Ki ait ta mbolŋge nane gudommba 3,000 tajaŋ Yesus dubinaig mbal ndoŋ ulendikinaig sulumba <sup>42</sup>nane mara mindek aposel kame tuku wam pagu pasa ismba nane wamdus ulendi tuma isukusmba pasa nyumba Kuate yabaŋmba minnaig.

<sup>43</sup>Aposel kame nane wam kitek gudommba saŋgrinu ke likinaig le nane ŋakmba Kuate tuku nyu kurauka kuru-kuruka minnaig. <sup>44</sup>Nane son ŋginaig mbal ŋakmba tuma minmba naŋgine agaŋ ndende muŋgu ŋgail ŋgail ndakinaig. <sup>45</sup>Nane afu agaŋ denkanu ta naŋgine ŋgamukok agaŋ ta kilmba piyamba ndametiŋ tambi nane turkanu. <sup>46</sup>Mara mindek nane kusem wande suŋgo sinam taŋge maŋgurka naŋgine wande yimyam

mbolŋge tuma isukusmba gare-gareka wamdus bulok ŋak ulendi minanu. <sup>47</sup>Nane taŋamba Kuate tuku nyu te-duŋga minanu le taŋgo pino ŋakmba nane tuku saka minanu. Mara mindek Kuate nu afu tuku muskil kile-tidinganu le nane ka Yesus tuku kuasmbi ndoŋ ulendikanu.

### Taŋgo ande kupe baklelok mayekina

**3** <sup>1-2</sup>Taŋgo ande ina sinamŋge kupe baklelok mayok kina. Mara mindek nane afu taŋgo ta sukuŋga taŋgo pino ndametiŋ yabaŋŋam tuku kusem wande malaŋga ande nyunu Maditak tugum tange palmbinu.

Ait ande Petrus nale Yohanus ndoŋ Kuate yabaŋam tuku ait ki kanum **3** mbolŋge nale kusem wande ta mbol kinaik. Kinaik le nane afu maŋ taŋgo ta sukuŋga pro taŋge pilnaig.

<sup>3</sup>Kile Petrus nale kusem wande sinam kambim bafunaik le taŋgo ta nale kaŋgerka agaŋ inum tuwaik ŋga nale yabaŋnikina. <sup>4</sup>Yabaŋnikina le Petrus nale nu fumble timba sanaik: Ne sile kaŋgerka ŋginaik. <sup>5</sup>Taŋakinaik le nu idusna agaŋ ande ye sam tuku sayade ŋga idusmba nu nale kaŋger tidinga minna le <sup>6</sup>Petrus nu ndek sana: Ye gol silwa ndametiŋ kugatok ta ye ne agaŋ ande tanmbimŋgit. Ne Nasaretnu taŋgo Yesus Kristus tuku saŋgri mbolŋge ne tiŋga lika ŋgina.

<sup>7</sup>Taŋakina sulumba nu taŋgo ta tuku wai ndinam biymba te-duŋgina le rakukadu kupe mbain turmba saŋgri tiŋgina. <sup>8</sup>Taŋana le nu pitik ndo paŋtiŋga nale ndoŋ kusem wandek sinam kumba gare-gareka Kuate tuku nyu te-duŋga nu kumbaŋge pate-pateŋga kina. <sup>9</sup>Nu kumbaŋge Kuate tuku nyu te-duŋgina le taŋgo pino nu kaŋgermba kila pilmba sakinaig: <sup>10</sup>i ... Kusem wande malaŋga Maditak tugumŋge ndametiŋ yabaŋkate taŋgo ta not ŋginaig. Taŋamba nane pirerek purka wamdus te-sulumba minnaig.

<sup>11</sup>Taŋgo ta Petrus le Yohanus bigmba nane ma ande nyunu Solomon tuku kawaŋ pronaig le nane gudommmba pinder-pindermba pro taŋgo ta kaŋgermba pirerek purka wai makemba minnaig le <sup>12</sup>Petrus nu wam ta kaŋgermba nane saniŋgina: Israel mbal, ndaŋam saka tane pro wam te tuku pirerek purka am goka sine kaŋger tidingade. Sile taŋgo magenu sikile saŋgrimbi taŋgo te wakeiwanu ŋga idusde e? Taŋamba kuga. <sup>13</sup>Abraham Isak Yakob singine mbuŋ ŋakmba tuku Mbara nu nuŋe piro taŋgo Yesus tuku nyu mbol kuwa ŋga nu wam te kate. Tane Yesus tumba gafman tuku wai mbolŋge pilnaig le Pilatus nu Yesus paskam tuku sakina ta tane saŋgri maramba mbulnaig. <sup>14</sup>Kuate tuku taŋgo purfeŋnu ta tane mbulmba taŋgo balewanu taŋgo paska te-mayokam tuku Pilatus sanaig. <sup>15</sup>Tane abo tugu miro balenaig. Tane balenaig ta Kuate nu te-tina le tiŋgina le sile Yohanus ndoŋ kaŋgerkeŋ. <sup>16</sup>Tane taŋgo kaŋgerde te sile Yesus tuku saŋgri tomba tiŋga taŋgo te kupe te-tiwe tukik le tane ŋakmba am mbolŋge nu mayekat.

<sup>17</sup>Yinje tira kame, tane gabat kame ndonj Yesus mbolnje wam njayonaig ta tane nu tuku tugu katese ndamba tananaig ta ye kila. <sup>18</sup>Kuate nu o buk nuje tuan tanjo kame tuku minje mbolnje nuje madina tanjo rar tam tuku sakinaig ta alonu Yesus mbolnje kumungina. <sup>19</sup>Ta tuku tanjine manau njagonu kusreka njgamunggal biye mbilap le Kuate nu tane tuku une njakmba sauke sulumba tane wamdus bul sertingwa le gare njak minamngaig. <sup>20</sup>Nu Yesus kukulwa le tane tugum prowamngat. Nu o buk tane muskil kile-tidinge tingam tuku nu pilna. <sup>21</sup>Kile nu samba mbolnje minmba Kuate nu wam njakmba kile-tidingwa le wam tugusek ndo minam tuku ait tairnja minit. O buk Kuate nu nuje tuan tanjo kame tuku minje mbolnje ait ta tuku sakina. <sup>22</sup>Moses nu tejenmba sakina.

Sungo Kuate nuje pasa te-mayokam tuku ye tuan tanjo pilna tanjamba ndo nu sine Israel njgamuknje tuan tanjo ande palmbimngat. Tane nu tuku pasa njakmba ise tiwap.

<sup>23</sup>Ande nu nu tuku pasa talawa ta Kuatenje nuje mbal njgamuknje paska tumba kasomnje pilwa le nu njgisikamngat. *Lo 18.15-19*  
Moses nu tanjamba sakina.

<sup>24</sup>Kuate tuku tuan tanjo Samuel tuan tanjo afu nu njgumnemnje mayok kinaig ta nane njakmba ait te mbolnje wam prowam tuku sake likinaig. <sup>25</sup>Tane Kuate tuku tuan tanjo kame tuku mbutj. Kuate nu pasa sanjrinu tanjine mbutj nijmba Abraham ndonj wamdus ulendika sinja son pasa sakina ta tane tuku turmba sakina. Nu tejenmba Abraham sana. Ne tuku mbutj kat naje mbolnje kilke tugu njakmba mbolnje ye wam mayenu kamngit njgina. <sup>26</sup>Kuate nu nuje piro tanjo te-tina sulumba sine Israel mbal manau njagonu kusreka gare manau mbolnje minbe nga nu Yesus kukulna le ambonja sine tugum prona nga saningina.

#### Nane Petrus nale mulij kilmba wandeknje patikinaig

**4** <sup>1</sup>Petrus nale Zu mbal pasa nijmba minnaik le kusem wande tuku polis gabat kame pris mbal Sadusi afu nane njakmba manjur ta tugum pronaig. <sup>2</sup>Pro Petrus nale Yesus kummba manj tingina tanjamba tanjo mata kumbe sulumba tingamngig nga pasa tumnijmba minnaik le nane ismba palsejningina. <sup>3</sup>Palsejningina le nale bige tidinga kilmba furirte nga indole nale pasa te-tiwaik nga mulij kilmba wandeknje patikinaig. <sup>4</sup>Tananaig ta nane Petrus tuku pasa isnaig mbal ta gudommba Yesus dubinaig mbal ndonj ulendika tanjo 5,000 tana mayok kinaig.

<sup>5</sup>Mafena le Israel gabat sugo Israel mage mage kusem pasa biteknjanu mbal nane njakmba pro Yerusalemnje manjurkinaig. <sup>6</sup>Pris gabat sungo Anas nu tuku ndare tuma Kaiafas Yohanus Aleksander nane mata pronaig. <sup>7</sup>Nane manjurka polis kame kukulninginaig le nane ka Petrus nale kilmba pro pasa mbolnje kile-tidinginaig le gabat sugo nale kusnanikinaig; Tale wam kinaik ta sanjri ta imanje tikina? Imanje

tale kukultikina nginaig le <sup>8</sup>Tukul Guwanje Petrus wamdus tuna le nu nane saningina: Singine gabat, singine mage mage tane isap. <sup>9</sup>Sile tanjo kupe baklelok turkik le nu mayekat. Tane ta tuku sile pasa mbolnje kile-tidingaig ndeta <sup>10</sup>tane gabat mbal Israel njakmba pasa te ismba kila palpe. Tanjo kupe baklelok mayekat le kile kanjerde te tugunu tejenmba. Nasaretu tanjo Yesus Kristus nu tuku sangrimbi tanjo te kupe te-tiwik. Tane nu ail kazrai mbolnje balenaig ta Kuate nu tumba tedungina. <sup>11</sup>Kuyar pasa ande tejenmba sakate.

Ndame ande tane ndame wande pilig mbal gisleknu nga te-sinaig ta kile wande ta tuku ndame njakmba nu mbolnje sangri tingade ngate. *Mune 118.22*

Ndame ta Yesus. <sup>12</sup>Kilke mbol mbal ngamuknje sine kile-luka kilam tuku Kuatenje Yesus singina. Ande nu singine muskil kile-tidinge singam tuku mine ndakate nga saningina.

<sup>13</sup>Petrus le Yohanus kuru kuru kugatok minge bulok sakinaik le gabat mbal nane wam ta kanjermba tanjo ar te ake tanjo ndo kila kugatok nga wamdus te-sulunaig. Tanjamba nale Yesus ndon minnaik ta katesenaig.

<sup>14</sup>Kupe baklelok tanjo mayekina ta Petrus nale ndon tanje tin minna tukunu nane kanjermba nale tuku pasa pitaiwam tuku ndin ande kanjer ndanaig. <sup>15</sup>Tanjamba nane polis kame saninginaig le nale kilmba mayok kinaig. Mayok kinaig le nangine nangine munju kusnanga ndin sota <sup>16</sup>sakinaig: Sine tanjo ar te mbolnje ndanbe. Nale wam kitek sangri njak kinaik ta Yerusalem mbal njakmba isnaig. Sine wam ta tomba yabukam kumun kuga. <sup>17</sup>Nale tuku pasa tanjo pino ngamuknje sungokikat. Ta tuku sine manau te peuwam tuku nale Yesus tuku kuasmbi afu man saka tum ndaningap nga rironj pasa ninbe nginaig.

<sup>18</sup>Tanjakinaig sulumba nale manj wika pasa sangrinu sanikinaig: Tale Yesus tuku manj afu saka tum ndaningap nginaig le <sup>19</sup>nale ndek lafumba sakinaik: Sile Kuate tuku minge dubipe e ko tanjo tuku minge dubipe? Ame wam Kuate am mbolnje mayenu. Tanjine wamdus sinamnje pilewap. <sup>20</sup>Sikile ammbi aganj kanjerka pasa iskenj ta minge tukule nda nginaig. <sup>21</sup>Tanjakinaik le gabat mbal manj lato rironj pasa sangrinu sanikmba nale kukulnikinaig le kinaik.

Tanjo pino njakmba tanjo mayekina le kanjermba Kuate tuku nyu te-dunginaig. Ta tuku gabat sugo nane tanjo pino tuku kuru-kuruka nale ake kukulnikinaig le kinaik. <sup>22</sup>Tanjo wakeinaik ta nu yar 40 buk kusrena tuku.

<sup>23</sup>Kile Petrus nale kumba ka nakile mbal kile-siglika pris gabat kame Israel mage mage tanjamba tanjamba manau sake likaig nga kubeu ninginaig le <sup>24</sup>nane pasa ta ismba wamdus ndindo ulendi pilmba ndek Kuate yabanmba sakinaig: O Sunjo, ne sangri tugu. Ne samba kilke yu aganj ndende njakmba nenje ndo kile-mayokkina. <sup>25</sup>O buk nanje piro



tango siŋgine mbuŋ David nu Tukul Guwanŋe wamdus tuna le pasa ande tenjenmba kuyarna.

Ndaŋam kasomok mbal nane Kuate tuku gubra kagli tornaig.

Ndaŋam nane ake sinaŋ wam ŋayonu kam idusnaig.

<sup>26</sup> Kilke te tuku nyu ŋak mbal kame buwam saka tiŋga

gabab sugo afu ndoŋ ulendika maŋgurka Kuate nuŋe madina tango

ndoŋ kame buwam idusnaig ŋgina.

*Mune 2.1-2*

<sup>27</sup>O son. Sine ne tuku pasa ta alonu kilimok kaŋgergeŋ. Herodus, Pontius Pilatus, kasomok mbal Israel mbal afu turmba nane Yerusalemŋe maŋgurka ne madina taŋgo Yesus balewam tuku sakinaig. <sup>28</sup>Nane Yesus tumba balenaig ta ne o buk naŋe saŋgri naŋe wamdusmbi wam afu mayok kambim tuku idusna ta nane ta kumunaig.

<sup>29</sup>O Suŋgo, nane sine mata ŋaigo siglikam tuku saka minig. Ta tuku sine ne tuku piro mbal kuru kuru kugatok miŋge bulokmbi ne tuku pasa kukliwam tuku sine sinzaŋsiŋga. <sup>30</sup>Ne naŋe saŋgri te-mayokmba naŋe piro taŋgo purfeŋnu Yesus tuku nyu mbolŋge guaze mbal wakeika wam saŋgrinu kitek ke lika ŋginaig.

<sup>31</sup>Nane yabaŋ deŋpurnaig le nane minnaig wande ta buru-burukina. Buru-buruka Tukul Guwa nane tuku wamdus kumuŋgina le nane wamdus bulka Kuate tuku pasa miŋge bulokmbi saka minnaig.

### Yesus tuku son ŋginaig mbal tuku maŋau

<sup>32</sup>Yesus tuku son ŋginaig mbal nane ŋakmba ŋgamuŋgal wamdus ulendimba minnaig. Naŋgine agaŋ ndende mata ulendimba ŋakmba tuma minam tuku patikinaig.

<sup>33</sup>Aposele nane Suŋgo Yesus tiŋgina le kaŋgergeŋ ŋga pasa saŋgri ŋak saka minnaig le Kuate nu nane sinzaŋniŋgina le nane mine magenaig.

<sup>34</sup>Nane afu kilke ŋak wande ŋak afu tugumuŋge piyaniŋmba ndametiŋ kilmba pro aposel kame niŋganu. <sup>35</sup>Naŋgine mbal afu agaŋ denkanu ta nane ndametiŋ ta kilmba walmba niŋganu.

<sup>36</sup>Nane tuku taŋgo ande Siprusnu nyunu Yosef nu Levi tuku ndare. Nane aposel kame nu tuku mape nyu Barnabas ŋginaig. (Barnabas nyu ta tugunu: Nu taŋgo wamdus bul serniŋgit tuku). <sup>37</sup>Nu mata nuŋe kilke piyamba ndametiŋ kilmba aposel kame niŋgina.

### Ananias le Safira

**5** <sup>1</sup>Taŋgo ande nyunu Ananias nu piyo nuŋe Safira ndoŋ kilke inum piyamba ndametiŋ kilnaik. <sup>2</sup>Kilnaik sulumba Ananias nu ndametiŋ ŋgamuŋge paplamba inumnu nakile pilmba inumnu aposel niŋgam tuku idusmba piyo nuŋe sana le wokina. Nu ndametiŋ inumnu tumba pro aposel niŋgina sulumba sakina: Sile sikile kilke piyamba ndametiŋ kilik ta noten ndo ŋgina.

<sup>3</sup>Tañakina le Petrus ndek nu sana: Ananias, ne ndañam Satanŋe wamdus tanet le ne ndametiŋ paplamba inumnu naŋe kusremba inumnu tumba pro Tukul Guwa yabri pakte. <sup>4</sup>Naŋe kilke minat ta ne kile piyawat sulumba ndametiŋ kilat. Ndametiŋ ta naŋe agaŋ. Ndametiŋ ta paplamba afu sine siŋgam idusmba ko naŋe ŋakmba kilam idusmba ndeta ta maye. Naŋe ndametiŋ. Ndaŋam ne maŋau ŋayonu kam tuku idusat. Ne sine yabri ndasiŋgit. Ne Kuate yabrite ŋga sana.

<sup>5-6</sup>Ananias nu pasa ta ismba nu kumaknu ndekina. Kumna le taŋgo mo afu promba wandek taŋge nu tuku mindesiŋ tawimbi songa tumba ka ŋgukinaig. Ananias nu kumna le nane wam ta isnaig mbal nane kuru kuru suŋgo tinaig.

<sup>7</sup>Tañamba minnaig ma ma ki kanum keŋmba kinaig le piyo nuŋe Safira nu taŋgo nuŋe wam kina ta nu katese ndamba wande ta mbol prona. <sup>8</sup>Prona le Petrus ndek nu kusnana: Takile kilke piyamba ndametiŋ kilaik ta noten ndo e ŋga kusnana le nu lafumba au not ndo ŋgina. <sup>9</sup>Tañakina le Petrus ndek nu sana: Tale ndañam saka Suŋgo tuku Guwa tagowam tuku pasa ulendiwaik. Ata. Taŋgo mo taŋgo naŋe tuku mindesiŋ ŋgukaig ta kupe fudu isa. Malaŋga tugum prode ta. Nane kile ne mata taŋawamŋgaig ŋgina le <sup>10</sup>nu pitik ndo Petrus tuku kupe tugum taŋge kumaknu ndekina le taŋgo mo pro nu kaŋgermba nu tuku mindesiŋ mata tumba ka taŋgo nuŋe gemmba ŋgukinaig.

<sup>11</sup>Tañanaig le Yesus tuku kuasmbi nane kuru kuru suŋgo tinaig. Mbal afu kasomŋge minnaig mata pasa ta ismba nane kuru-kurukinaig.

### **Aposel kame wam saŋgrinu ke likinaig**

<sup>12</sup>Aposel kame taŋgo pino ŋgamukŋge wam afu kitek saŋgrinu ke likinaig. Nane mara mindek kusem wande ta mbol kumba Solomon tuku kawaŋŋge maŋgurka minanu. <sup>13</sup>Maŋgurka minnaig le nane ŋakmba nane tuku saka minmba pro nane ndoŋ ulendikam tuku kuru-kurukinaig.

<sup>14</sup>Nane gudommmba son ŋga nane ndoŋ ulendikinaig le Suŋgo tuku mbal tugekina. <sup>15</sup>Yerusalem mbal nane guaze mbal kilmba pro ndinŋge yango farniŋge lika patikinaig. Ta ndañam? Petrus nu kuwa le nu tuku kanumnunŋe ndo nane mbol kuwa le nane magekuwaig ŋga idusmba patike likinaig. <sup>16</sup>Yerusalem patukŋge tumbraŋ mine likinaig nane mata guaze mbal afu guwa ŋaigonu ŋak kilmba pro patike likinaig le ŋakmba magekinaig.

### **Nane aposel kame piti niŋginaig**

<sup>17</sup>Pris mbal tuku gabat suŋgo Sadusi mbal nu ndoŋ wamdus ulendi minnaig ta nane aposel kame piro kinaig ta ismba nane sine tuku piro lide ŋga nane gubra kagli firkiniaig sulumba <sup>18</sup>nane kumba aposel kame bige tidiŋga muliŋ kilmba wandekŋge patikinaig.

<sup>19</sup>Nane tanje minnaig le ka furirna le Sunjo tuku enjel ande pro wande malaŋga talka nane kilmba kile-mayokka saningina: <sup>20</sup>Tane kape sulumba kusem wande sinam tanje tanjo pino abo tugu tam tuku ndin tumningap ngina le <sup>21</sup>nane pasa ta ismba mafewam patukina le nane kumba ka kusem wande sinam tanje pasa kuklimba minnaig.

Kile pris gabat sunjo nane nu ndonj minnaig mbal pro Israel pasa pilewanu sugo nanjine mage mage turmba mangurkam tuku saninginaig sulumba aposel kame kilmba te prowaig nga polis mbal kukulninginaig le muli wande sinam kinaig. <sup>22</sup>Nane pro muli wande sinam kumba nane kiringa luka kumba saninginaig: <sup>23</sup>Sine kumba ka muli wande su ndinanu kanjergig. Polis mbal malaŋga kulat mayemba minnaig le sine malaŋga talka sinam kumba nane kanjer ndakigig nginaig. <sup>24</sup>Tanjakinaig le kusem wande tuku polis gabat pris gabat mbal nane pasa ta ismba nane kuru-kuruka pasa te tugeka kumunga ka animnge tinungat o nga wamodus te-sulumba minnaig.

<sup>25</sup>Tanjamba minnaig le tanjo ande nane tugum promba saningina: Tane tanjo kame mulij kilmba wandeknge patikaig ta nane kusem wande mbol sinje tanjo pino pasa tumningmba minig ngina. <sup>26</sup>Tanjakina le kusem wande kulat gabat nuje polis tanjo afu ndonj nane kumba ka aposel kame ngan kilmba pronaig. Nane tanjonje ndamembi bale farsinbekaig nga idusmba tanjanaig.

<sup>27</sup>Kilmba promba Israel mbal tuku pasa pilewanu sugo tumailamnge kile-tidinginaig le pris gabat sunjo nu nane kusnaningina: <sup>28</sup>Sine buk Yesus tuku manau nane afu sa ndaningap nga peutingigenj ta tane ise ndaka saka saka likade le Yerusalemnge buk sungoka tugekate. Tane tanjo kumna ta tuku ndare sine pasokuwa nga tanjade e ngina le <sup>29</sup>Petrus aposel kame nane lafumba nu sanaig: Sine Kuate tuku minje pitaimba tanjo tuku minje dubiwam kumun kuga. <sup>30</sup>Tane Yesus kumwa nga ail kazrai mbolnge balenaig ta sinjine mbutj kame tuku Mbarange te-tina le abonga tingina. <sup>31</sup>Sine Israel mbal ngamunggal biye mbilbe le Kuate nu sine tuku une saukamngat. Ta tuku nu Yesus tumba te-dunga nuje ndinam kumamnge pilna le kile nu sine njakmba tuku gabat sunjo minit. Nu sine tuku muskil kile-tidinge singit tuku tanjo. <sup>32</sup>Sine wam ta njakmba kile-mayokka sakam tuku mineg. Sine ndo kuga. Tukul Guwa nu mata wam ta kile-mayokkate. Kuate tuku minje pasa ismba dubide mbal nane njakmba nu Tukul Guwa ningit nga pris gabat sunjo ta sanaig.

<sup>33</sup>Tanjakinaig le gabat kame nane pasa ta ismba gubra kagli tormba nane aposel baleningam tuku idusmba saka minnaig.

### **Gamaliel nu aposel kame mapekina**

<sup>34</sup>Pasa pilewanu tanjo ngamuknge Farisi tanjo ande nyunu Gamaliel minna. Nu Moses tuku wam pagu pasa kukliwam tuku tanjo. Tanjo pino njakmba nu tuku saka minnaig.

Tango ta tinja aposel kame ka kilimnje ait fagnu minap ngina le nane kinaig. <sup>35</sup>Nane kilimnje minnaig le Gamaliel nu gabat sugo saningina: Israel gabat kame, tane wam ande nane mbolnje kam tuku idusde ta ambonga tane wamdus te-mayewap sulumba. <sup>36</sup>O buk tango ande nyunu Teudas nu mayok ka ye nyu njak ngina le nane gudommba 400 taranj nu dubinaig. Dubimba minnaig ma ma tango afunje nu balenaig le nu dubinaig mbal kua ka sili-silinaig le nu tuku piro kumna. <sup>37</sup>Ijgumnerja tango nyu kuyaram tuku ait ande mbolnje Galileanu tango nyunu Yudas nu mayok ka nane gudommba didike likina. Didike likina le nane afunje nu balenaig le nu dubinaig mbal kua ka sili-silinaig. <sup>38</sup>Ta tuku ye tane satinjamngit. Tango kame te njaijo sigli ndaka kusrekap. Nane nanjine wamdusmbi pirokade ndeta piro ta kugamba njisikamngat. <sup>39</sup>Piro te Kuate mbolnje prote ndeta sine kume seram kumuŋ kuga. Sine kume seram tagobe ta Kuate ndoŋ kame bumba minbekig ngina.

<sup>40</sup>Tanjakina le gabat sugo nu tuku pasa dubimba aposel kame maŋ wika polis kameŋge nane njusninguwaig nga saninginaig. Ijgusnjimba riroŋ pasa sanijmba Yesus tuku nyu afu sa ndaningap nga kukulninginaig le mayok kinaig. <sup>41</sup>Mayok ka mangur wande kusremba nane ndek sakinaig: Ese. Sine Yesus ndoŋ mineg tukunu rar te kuraweg. Sine nu mbolnje rar te tam tuku Kuate nu sine madisingina nga gare-gareka kinaig.

<sup>42</sup>Tanjamba nane nanjine piro kusre ndanaig. Nane mara mindek kusem wandeknje nanjine wande yimyam mbolnje tango pino tumnijmba Yesus nu Kristus Kuatenje madina tango nga saka minnaig.

### Aposel kame turningam tuku afu madininginaig

**6** <sup>1</sup>Ait ta mbolnje Yesus dubinaig mbal gudommba mayok kinaig. Nane afu Grik pasa tinaig tuku afu Hibru pasa tinaig tuku. Grik pasa tinaig mbalnje Hibru pasa tinaig mbal ndoŋ gubra pilnaig. Ta ndaŋam? Mara mindek aposel kame nyamagaŋ paplamba walanu le Hibru mbal nanjine pino kuembol nijmba Grik mbal tuku pino kuembol nda nijganu.

<sup>2</sup>Aposel kame 12 gubra pasa ta ismba nane njakmba kile-mangurka saninginaig: Tira kame, sine aposel Kuate tuku pasa kukliwam tuku piro kusremba nyamagaŋ ndo walam kumuŋ kuga. <sup>3</sup>Ta tuku kile tanjine tango 7 madiningap. Tango afu Tukul Guwa nane tuku wamdus kumuŋganu tango pino nane tuku saka minig ta kanjerka madiningap. <sup>4</sup>Tanjawap le sine Kuate yabaŋmba nu tuku pasa kukliwam tuku piro ta ndo idusbe nginaig.

<sup>5</sup>Tanjakinaig le nane pasa ta ismba njakmba gareningina le nane tango 7 madininginaig. Ande nyunu Stefanus nu njgamuŋgal son sanjri njak. Tukul Guwa nu tuku wamdus kumuŋgina. Afu Filipus, Prokorus, Nikanor, Timon, Parmenas, Nikolaus. (Nikolaus nu Antioknu. Nu Zu tango kuga

ta nu Zu taŋaŋ Kuate dubina). <sup>6</sup>Nane taŋgo kame ta kilmba aposel kame tugum pronaig le aposel kame wai nane mbolŋge patika yabaŋnaig.

<sup>7</sup>Kuate tuku pasa Yerusalemŋge suŋgoka tugekina le nane gudomma mbilka ŋgamuŋgal son ŋginaig le Yesus dubinaig mbal tugeka suŋgomba pronaig. Pris gudomma mata Yesus son ŋga nu dubinaig.

### Zu mbal Stefanus tumba pasa mbolŋge pilnaig

<sup>8</sup>Kuate nu Stefanus make pilmba saŋgri tuna le nu wam kitek saŋgrinu taŋgo pino ŋgamukŋge ke likina. <sup>9</sup>Taŋana le Zu mbal afu nu ndoŋ pasambi kualeyaukam bafunaig. Nane tuku kusem wande nyunu Friman. Nane afu Sirenu afu Aleksandrianu afu Silisianu afu Asianu nane Friman mbal ndoŋ ulendika Stefanus tugum promba pasambi kualeyaukinaig. <sup>10</sup>Taŋanaig le Tukul Guwa nu Stefanus wamdus mayenu tuna le nu pasa tina ta nane pasa lafu fugunaig. <sup>11</sup>Lafu fugunaig sulumba nane ka taŋgo afu ndametij niŋmba saniŋginaig: Stefanus nu Moses le Kuate tuku nyu ŋaigo siglikina le isgeŋ ŋga taŋgo pino ŋgamukŋge sakap ŋginaig.

<sup>12</sup>Nane kumba taŋamba sakinaig le taŋgo pino Israel mage mage kusem pasa bitekŋganu mbal nane ŋakmba ismba wamdus pa suŋgo tumba kumba Stefanus biye timba ka Israel mbal pasa pilewanu sugo tugumŋge te-tinaig. <sup>13</sup>Te-tinaig sulumba nane taŋgo afu buk wam paguniŋginaig ta nane tiŋga yabri pasa sakinaig: Taŋgo te nu mara mara siŋgine kusem wande tukul pasa turmba nuŋe pasambi kilmba ŋaigo siglikate. <sup>14</sup>Nasaretnu taŋgo Yesus nu wande te sambrimba Moses tuku wam pagu pasa sine dubikam tuku siŋgina ta nu mbilmba maŋau kitek kile-mayokkamŋgat ŋga sakina le isgeŋ ŋginaig.

<sup>15</sup>Israel pasa pilewanu taŋgo sugo nane Stefanus kaŋger timba minnaig le nu tuku tumail pasi mbilka eŋel tumail suk mayok kina le kaŋgernaig.

**7** <sup>1</sup>Nane Stefanus kaŋger timba minnaig le pris gabat suŋgo ndek nu kusnana: Nane ne mbolŋge pasa pilig te son e ŋgina le <sup>2</sup>nu lafumba sakina: Yiŋe tira kame yiŋe mam kame tane isap. Siŋgine mbuŋ Abraham nu Haran kilke mbol nda kina sulumba nu Mesopotamia kilke mbolŋge minna le Suŋgo Kuate kilŋa ŋak nu tugumŋge mayok ka sana: <sup>3</sup>Ne naje kuasmbi naje kilke kusreka kaye. Yeŋge kilke kise ande tumnamŋgit ŋgina.

<sup>4</sup>Taŋaka sana le nu ndek nuŋe kilke tuguk Kaldea kusremba kumba ka ka Haran kilke mbol prona. Pro taŋge minna le mam nuŋe kumna. Kumna le Kuateŋge kilke kise ande mbol kaye ŋgina le nu tiŋga kumba ka ka kile sine mineg ma te mbol prona. <sup>5</sup>Nu abo abo kilke te mbol prona le Kuate nu kilke te fudiŋmba tuwe ndaka nu pasa saŋgrimbi nu kilke te Abraham nuŋe ndare ŋakmba niŋgam tuku sana. Kuate nu sana ait ta nu kiŋo kugatok minna.

<sup>6</sup>Nu teŋenmba Abraham sana: Ne tuku mbuŋ kilke te kusremba kilke kise

mbolŋge rawe taŋgo taŋaŋ minamŋgaig. Minwaig le kilke ta mbolok mbal nane piti sunŋo niŋguwaig le nane tuku piro agaŋ taŋaŋ minmba ka yar 400 kugawamŋgaig. 7Yar 400 kugawaig le ye kilke ta mbolok mbal piti niŋgi le naŋe mbuŋ kusrekuwaig le nane kilke ta kusremba luka ma te mbol promba ye tuku nyu te-duŋga mbariŋyumba minamŋgaig ŋgina.

8Taŋakina sulumba Kuate nu Abraham ndoŋ pasa katmba ŋgaro pikam tuku maŋau te-mayokna. Ŋgumneŋga nuŋe kiŋo Isak te-pilmba mara 8 mbolŋge nu tuku ŋgaro pikna. Isak nu sunŋoka Yakob te-pilmba nu mata Yakob mbolŋge taŋana. Yakob nu sunŋoka kiŋo 12 kile-patikina ta nane sine tuku asitibud. 9Singine asitibud 11 maib naŋgine Yosef mam nu make pilit ŋga gubra kagli firka nu tumba mbal kise tugumŋge piyanaig le nane nu tumba naŋgine kilke Isip kinaig. Taŋanaig le Kuate nu Yosef kusre ndana. 10Piti gudommba nu mbolŋge prowe likinaig ta Kuate nu Yosef kulat mayena. Mara ande nu Isip gabat tugumŋge tiŋgina le Kuate nu wamdus kuyar sunŋo tuna le Farao nu nzalinu nuŋe piro mbal Isip ŋakmba kulatkam tuku nu gabat pilna.

11Kile guba sunŋo Isip le Kanan kilke mbolŋge prona le nane nyamagaŋ kiriŋga sinamanzer sunŋo tinaig. Singine asitibud mata Kanan kilke mbolŋge nyamagaŋ kiriŋginaig. 12Singine mbuŋ Yakob nu Isipŋge wit minig ŋginaig pasa ta ismba nuŋe kiŋo kame wit afu piyaningam tuku kukulniŋgina le kinaig. 13Taŋamba minmba ma ma maŋ lato kukulniŋgina le kinaig le kile Yosef nu nuŋe nyu te-mayokna le aba kat nuŋe kila pilnaig. Farao nu mata Yosef tuku ndare kila patikina.

14Kile Yosef nu mam nuŋe, nuŋe tugu kame Isip prowam tuku pasa pilna. Nane ŋakmba 75. 15Taŋamba Yakob nane Isip kilke mbol kinaig. Kinaig ka taŋge minnaig ma ma Yakob nu kumna. Kumna le minnaig ma ma singine mbuŋ afu mata kume likinaig. 16Kume likinaig le naŋgine mbalŋge nane tuku isu kilmba luka Sikem tumbraŋ ndame burok sinam taŋge patikinaig. Hamor mbal tuku ndame burok ta Abraham nu o buk piyamba ndametiŋ afu nane niŋgina.

17Kuate nu o buk Abraham pasa sanŋrinu sana ait ta buk patukina le Abraham tuku mbuŋ Isipŋge tuge ŋayona. 18Kile taŋgo kise nu Yosef gilai nu Isip mbal tuku gabat tiŋgina sulumba 19nu singine mbuŋ piti sunŋo niŋmba nane tuku kiŋo dabro kitek kumwaig ŋga wandekŋge minam tuku tukulmba mayokŋge patikam tuku saningina.

20Moses ina nuŋe piti ta sinamŋge te-pilna. Kiŋo ta mayenu le ina nuŋe naŋgine wandek taŋge tambun keŋmba yubengga kulatka minna. 21Taŋamba nu yubenggam kumuŋ kuga le kiŋo nuŋe mayokŋge pilna le Farao tuku kulim nu Moses kaŋgermba yiŋe kiŋo ŋga madimba tumba nuŋe wande mbol kina ka 22taŋge minmba ma ma Moses nu Isip mbal tuku kila ŋakmba kila pilmba nu taŋgo sunŋo mayok kina. Nu pasa saka wam ke lika nyu ŋak minna.

<sup>23</sup>Tañamba minna ma ma Moses nu yar 40 kusremba nuje tugu Israel mbal kanjerkam idusmba nane tugum kina. <sup>24</sup>Nu pro Isip tanjo andenje Israel tanjo ande kat ñayona le kanjerna. Tanjamba nu kumba Israel tanjo ta te-simba Isip tanjo ta balena le kumna. <sup>25</sup>Moses nu tanjo ta balemba tejenmba idusna. Kile yiñe mbal Kuateñge nane tuku muskil kile-tidiñge ningam tuku ye kukulyat ta nane katesewamñgaig nga idusna ta nane tanjamba idus ndanaig.

<sup>26</sup>Mafena le nuje mbal armba kame bumba minnaik le kanjerka nale tumawaik nga ka sanikina: Tira kame, ndañam takile takile tira ndo kame bude ñgina. <sup>27</sup>Tañakina le tanjo nu kame tugu pilna ta nu Moses waimbi pitaimba nzumilmba sana: Imañge ne sine tuku pile tanjo gabat tanjo pilna. <sup>28</sup>Ne kubele Isip tanjo balena tanjamba ne ye baleyam tanjate e ñgina le <sup>29</sup>nu pasa ta ismba kuru-kuruka Isip kilke kusremba kua ka Midian kilke mbol kina. Kina ka tanje rawe tanjo tanjan minna sulumba ma ta mbolñge nu kiño armba kile-patikina.

<sup>30</sup>Minna ma ma yar 40 mañ kusrena. Mara ande nu ma baknu Sinai tabe tugunu tugum tanje minmba ail fudiñndo sinamñge pa mane mayok kina le nu eñel ande kanjerna. <sup>31</sup>Kanjermba nu wamdus pilemba pa ta tugusemba kanjer tiwam tuku kumba minna le Sunjo tuku miñge pasa mayok ka Moses sana: <sup>32</sup>Ye nañe mbuñ kame Abraham Isak Yakob nane tuku Mbara minet ñgina le nu ismba piriri ñayomba kanjeram mbulmba am te-kasona le <sup>33</sup>Sunjoñge nu sana: Ne tiñ minit ma ta tukul ma. Ne kupe ñgaro paska. <sup>34</sup>Isip mbalñge yiñe mbal piti sunjo ningig le kanjerket. Nane tuku malmbi mata iset. Ta tuku ye nane muskil kile-tidiñge ningam tuku ndeket. Ne tinga le kukulni le Isip kaye nga Moses sana.

<sup>35</sup>Israel mbal buk Moses pitaimba sakinaig: Imañge ne sine tuku pile tanjo gabat tanjo pilna nga Moses sanaig ta Kuateñge tanjo ta madimba nuje eñel ail fudiñndo sinamñge mayok kina ta mbolñge Moses nu Israel mbal tuku gabat sunjo minmba nane muskil kile-tidiñgam tuku kukulna. <sup>36</sup>Kukulna le nu ka Isipñge wam kitek sanjrinu ke lika Israel mbal kilmba kina. Tanjamba nu Yu Gurgur tugumñge ma baknu mbolñge yar 40 sinamñge mata wam kitek sanjrinu ke likina. <sup>37</sup>Moses ndui ta nu Israel mbal saniñgina: Kuate nuje pasa te-mayokam tuku ye tuan tanjo pilna tanjamba ndo nu sine Israel ñgamukñge nuje tuan tanjo ande palmbimñgat ñgina. <sup>38</sup>Moses nu Israel mbal ndoñ ma baknu mbolñge minna. Nu Sinai tabe poñgina le eñelñge wam pagumba abo ñak minam tuku ndin siñgine mbuñ kame tumniñmba saniñgam tuku Moses sana. <sup>39</sup>Saniñgina ta nane siñgine mbuñ Moses tuku miñge kumnemñge minam mbulmba nu pitaimba mañ luka Isip kambim mindesimba minnaig.

<sup>40</sup>Moses nu Sinai tabe mbolñge minna le nane ndek Aron sanaig: Moses nu buk Isipñge sine kilmba prona ta nu animbi kina. Ne siñgine

mbariŋam tuku agaŋ afu wakeika le ndin tumsingwaig ŋginaig sulumba  
<sup>41</sup>nane makau pail kanunu wakeimba agaŋmor balemba nu atraukinaig.  
 Taŋamba nane agaŋ wakeinaig ta tuku gare-garekinaig. <sup>42</sup>Taŋanaig le  
 Kuate nu nane wai kusrekina le nane tambun ki mbai kame naŋgine  
 mbara ŋga mbariŋniŋmba minnaig le tuan taŋgo ande nu wam ta tuku  
 teŋenmba Kuate tuku miŋge kuyarna.

Israel mbal tane ma baknu mbolŋge yar 40 minmba agaŋmor  
 baleniŋmba atraukinaig ta ye tuku idusmba taŋa ndanaig.

<sup>43</sup>Tane kambim ŋga yabri mbara nyunu Molok nu tuku tawi wande  
 tumba kinaig.

Mbai suk yabri mbara nyunu Refan ŋgade ta turmba tumba kinaig.  
 Tane kanunu ta mbariŋniŋgam tuku wakeikinaig.

Ta tuku yiŋe nzali dubimba nane afu tane kilmba kilke masken

Babilon sim kaŋgaig ŋgina.

*Amos 5.25-26*

Tuan taŋgo nu taŋamba kuyarna.

<sup>44</sup>Siŋgine mbuŋ kame ma baknu mbolŋge Kuate tuku pasa isam tuku  
 tawi wande ŋak minnaig. Kuate nu tawi wande ta palmbim tuku Moses  
 wam paguna sulumba kanunu te-mayokmba tumna taŋamba ndo pilna.  
<sup>45</sup>Iŋgumneŋga Kuateŋge Kanan mbal pitaikeli likina le siŋgine mbuŋ nane  
 Yosua ndoŋ kilke tinaig ta nane tawi wande ta kuramba kilke te mbol  
 pronaig. Tawi wande ta minmba minna le David prona.

<sup>46</sup>Kuate nu David make pilna le nu Kuate kusnana: Sine Yakob tuku  
 ndare sine ne mbariŋnam tuku wande ande pilbe e ŋga kusnana ta  
<sup>47</sup>David nu wande ta pile ndakina. Nu tuku kiŋo nuŋe Solomonŋge Kuate  
 mbariŋam tuku wande ta pilna. <sup>48</sup>Taŋgo kame naŋgine waimbi wande  
 patikade ta Suŋgo Kuate nu wande ta sinamŋge mine ndakate. Tuan  
 taŋgo ande teŋenmba kuyarna.

<sup>49</sup>Suŋgo nu sakate: Samba ta ye Suŋgo Kuate minyoket tuku ma. Kilke  
 ta ye kupe patiket tuku ma.

Kilke mbol mbal ye minam tuku wande ndaŋndaŋmba  
 palmbimŋgaig? Ko ye aniŋge minmba mabti?

<sup>50</sup>Ye yiŋe saŋgrimbi agaŋ ndende ŋakmba te kile-mayokken ŋgate.

*Aisaia 66.1-2*

Tuan taŋgo nu taŋamba kuyarna.

<sup>51</sup>Tane siŋka ŋgamuŋgal tukulok mbal. Tane Kuate gilai mbal taŋaŋ  
 ŋgamuŋgalmbi nu idus ndamba pasa tugusek isam mbulig. Tane siŋgine  
 mbuŋ kame taŋaŋ tane Tukul Guwa mara mara pitaide. <sup>52</sup>Nane Kuate  
 tuku tuan taŋgo ŋakmba kilmba ŋaigo siglika ande mape ndanaig. Tuan  
 taŋgo ande purfeŋnu prowamŋgat ŋga sakinaig le mbuŋ kame nane bale  
 fariŋge likinaig. Taŋgo purfeŋnu ta tane nu tuku kupet minmba tumba  
 balenaig. <sup>53</sup>Eŋel kame Kuateŋge kukulniŋgina le sine tukul dubikam  
 tuku mbuŋ kame niŋginaig ta tane lukakade ŋga saniŋgina.



<sup>54</sup>Stefanus nu taŋamba Israel gabat sugo saniŋgina le nane nu tuku pasa ta ismba gubra suŋgo tumba amain makemba maketiŋ tikuŋga minnaig. <sup>55</sup>Taŋamba minnaig le Tukul Guwa Stefanus tuku wamduis kumuŋgina le nu samba mbol ambe mambilmba am tidiŋga Kuate tuku kilŋa kaŋgermba Yesus nu tuku ndinam kumamŋge tiŋ minna le kaŋgerna. <sup>56</sup>Kaŋgermba nu ndek sakina: Ambe kaŋgerap. Samba talkat le Katesek Taŋgo nu Kuate tuku ndinam kumamŋge tiŋ minit le kaŋgeret ŋgina.

<sup>57</sup>Taŋakina le nane isam mbulmba kilba tukulmba ŋgumbeyumba pinder-pindermba nu biye tinaig sulumba <sup>58</sup>nane nu tumba tumbraŋ suŋgo kusremba mayok ka kasomŋge pilnaig. Pilmba nu pasa mbolŋge pilnaig mbal nane naŋgine tawi paska taŋgo mo ande nyunu Saulus nu tuku kupe tugumŋge patika ndame kilmba Stefanus katmba minnaig. <sup>59</sup>Nane katmba minnaig le nu yabaŋmba sakina: Sungo Yesus, ye tuku kanu ta ŋgina. <sup>60</sup>Taŋaka nu ndek dagol tidroŋga wi kueŋka sakina: Sungo, nane ye mbolŋge mbarde te ne nane tuku mbar sauka gilaiŋga ŋgina. Nu taŋamba sakina sulumba kumna.

**8** <sup>1-2</sup>Stefanus kumna le Saulus nu wam ta kaŋgermba nane mayewaig ŋga idusna le Kuate tuku nyu kurauka dubinaig taŋgo afu Stefanus ŋguka nu tuku malmbi suŋgonaig.

Stefanus balenaig ait mbolŋge Yesus tuku kuasmbi Yerusalemŋge minnaig ta nane afuŋge piti serniŋginaig le nane kua ka afu Yudea ma tugu afu Samaria ma tugu mbol kine likinaig. Aposel kame ndo Yerusalemŋge minnaig.

<sup>3</sup>Saulus nu Yesus tuku kuasmbi kilmba ŋaigo siglika nane tuku wande mindek poŋga bige tidiŋga muliŋ kilmba didika wandekŋge patika taŋamba kine promba likina.

### Samaria mbal pasa mayenu isnaig

<sup>4</sup>Nane kua ka sili-silinaig mbal nane ma ŋakmba mbol lika pasa mayenu kuklimba kinaig. <sup>5</sup>Taŋamba Filipus nu Samaria tumbraŋ ande mbol kina sulumba Yesus nu Kuatenge madina taŋgo Kristus ŋga nane saniŋmba minna le <sup>6</sup>Samaria mbal gudommmba nu tuku pasa ismba maŋau kitek saŋgrinu ke likina ta kaŋgerka nane ŋakmba kilba pilmba nu tuku pasa ise mayenaig. <sup>7</sup>Nu afu guwa ŋaigonu ŋak nane kusrekuwaig ŋgina le nane wikaraumba nane kusreka kinaig. Kupe wai baklelkanu afu kupe ŋaigonu ŋakmba mageke likinaig le <sup>8</sup>tumbraŋ ta tuku mbal gare suŋgo tinaig.

<sup>9</sup>Tumbraŋ taŋge taŋgo ande nyunu Simon minna. Taŋgo ta ye nyu ŋak ŋga nu wam saŋgrinu afu nuŋge kuanyembi ke likanu le nane kaŋgerka ŋakmba pirerek purka minanu. <sup>10</sup>Samaria mbal nyu ŋak nyu kugatok nane ŋakmba Simon tuku pasa ise mayenaig sulumba sakinaig: Taŋgo

te nu sunjo. Nu Kuate tuku sanjri sunjo te-mayokte nga saka minnaig. <sup>11</sup>Ait kuennu Simon nuje kuanje manjau kina le nane pirerek purka minmba nane nu tuku pasa ise mayenaig.

<sup>12</sup>Kile Filipus nu pro Kuate nuje gageu kulatkate wam sanijmba Yesus Kristus tuku nyu te-mayokna le nane son nga kule pisne tinaig. <sup>13</sup>Simon nu mata son nga kule pisne tina. Nu Filipus ndoj minna le nu wam kitek afu sanjrinu ke likina le nu kanjerka pirerek purka am go sulumba minna.

<sup>14</sup>Samaria mbal Kuate tuku pasa ismba son nginaig le aposel kame Yerusalemnge wam ta ismba Petrus le Yohanus kukulnikinaig le nale ndek kinaik. <sup>15</sup>Kinaik ka Samaria ma tugu mbol pronaik. <sup>16</sup>Samaria mbal nane Yesus tuku nyu mbolnge kule pisne tinaig ta nane Tukul Guwa nda tumba minnaig le Petrus le Yohanus nale ndek wam ta katesenaik sulumba nane Tukul Guwa tuwaig nga Kuate yabanjaik sulumba <sup>17</sup>wai nane mbolnge patikinaik le Tukul Guwa nane njakmba mbolnge kumungina.

<sup>18</sup>Aposel ar nale wai nane mbolnge patikinaik le nane Tukul Guwa tinaig ta Simon nu kanjermba ndametiñ afu kilmba nale tugum promba sanikina: <sup>19</sup>Tale ndametiñ te kilmba wam ta tuku sanjri ye sap le ye mata nane afu mbolnge yiñe wai pili le nane Tukul Guwa tuwaig ngina. <sup>20</sup>Tanjakina le Petrus ndek nu kasurmba sana: Ne nanje ngarusu ndametiñ turmba ma njayo mbol kaye. Tukul Guwa Kuateñge ake siñgit ta ndametiñmbi piyawam tuku agañ kuga. <sup>21</sup>Ne tuku ngamungal Kuate am mbolnge tugusek kuga. Ta tuku ne Kuate tuku piro ande mata kam kumuñ kuga. <sup>22</sup>Ne nanje ngamungal biye mbilmba nanje wamdus njagonu ta kusreka Kuate nu nanje mbar sunjo ta sauka gilaingam tuku nu yabaja. <sup>23</sup>Ne agañ njakmba kilam tuku wamdus kagli firka nanje manjau njagonunge ne didikate le ye kamuset ngina. <sup>24</sup>Tanjamba sana le nu Petrus tuku pasa lafumba sana: Tale ye tuku nga Kuate sunjomba yabanja. Wam kame ye mbol prowam tuku sakaik ta ye mataryate ngina.

<sup>25</sup>Petrus nale Sunjo tuku pasa kuklimba Samaria mbal wam paguninge denpurmba nale luka mbumba Yerusalem kinaik. Kumba ndinnge Samaria ma tuku tumbrañ afu gudommba mbolnge pasa mayenu saniñge lika kinaik.

### **Etiopianu tanjo pasa mayenu isna**

<sup>26</sup>Sunjo tuku ejel ande Filipus tugum promba sana: Ne tinja Yerusalem kumam si kaye. Yerusalem kusremba Gasu kambim tuku ndin ma baknu mbol kinit ta dubimba kaye ngina. <sup>27</sup>Tanjakina le nu tinja kumba ka ndin ta mbol prona sulumba Etiopianu tanjo sunjo ande nuje karis mbolnge minyokina le kanjerna. Tanjo ta nu Etiopia kilke tuku mandor pino Kandase nu tuku ndametiñ kulatkina tuku. Nu Kuate mbariñam Yerusalem kina tuku.

<sup>28</sup>Kile nu luka Etiopia kambim saka karis mbol taŋge minmba tuan taŋgo Aisaia tuku kuyar ande burka kina. <sup>29</sup>Taŋana le Tukul Guwaŋge Filipus sana: Karis kinit si tugum kaye ŋgina le <sup>30</sup>nu pinder ŋak ŋak kumba nu tuan taŋgo Aisaia tuku kuyar burkina le ismba nu kusnana: Ne pasa burkate ta tugunu ne katesete e ŋga kusnana le <sup>31</sup>nu lafumba sana: Ye ndaŋmba pasa tugunu te katesewi? Ne mbumba teŋge minyoka pasa te tugunu saya ŋgina.

<sup>32</sup>Nu tuan taŋgo Aisaia tuku pasa burkina ta teŋenmba.

Andeŋge sipsip balewam tuku tumba kinit taŋaŋ nane nu tumba kinig. Sipsip ŋguenu kuerkade le nu witi ndate taŋaŋ nu nane tuku pasa lafu ndate.

<sup>33</sup>Nane nu kiko pile tumba nu tuku pasa te-ti ndamba ake tumba ŋayo silide.

Kilke te mbolŋge mine suŋgo ndamba kumwa le afu nu tuku kuasmbi mine nda.

*Aisaia 53.7-8*

Kuyar pasa taŋamba sakate.

<sup>34</sup>Kile ndametiŋ kulat taŋgo nu Filipus kusnana: Kuate tuku tuan taŋgo nu pasa te kuyarna ta nuŋe ŋgarosu tuku kuyarna e ko ande tuku ŋgina.

<sup>35</sup>Taŋakina le Filipus nu Aisaia tuku pasa ta mbolŋge tugu pilmba pasa mayenu kuklimba Yesus tuku sana.

<sup>36</sup>Samba kumba ka kule kualiiŋ ande tugum promba Etiopianu taŋgo ndek nu sana: Ai si. Kule ande minit si. Kile ne ye kule pisneyam kumuŋ e ŋgina le <sup>37</sup>nu lafumba sana: Ne wamdus ŋakmbambi son ŋgate kande ye ne kule piseni ŋgina le nu lafumba sana: Yesus Kristus nu Kuate tuku Kiŋo ta ye nu tuku son ŋget ŋgina. <sup>38</sup>Taŋakina sulumba karis tiŋgam tuku saniŋgina le karis tiŋgina le nale ibeŋ kinaik. Ibeŋ ka kule sinam kinaik sulumba Filipus nu taŋgo ta kule pisenana. <sup>39</sup>Nale maŋ luka tabek kinaik le pitik ndo Tukul Guwaŋge Filipus didik tumba ma kise mbol kina le Etiopianu taŋgo nu maŋ kaŋger ndana. Nu Yesus tina tukunu nu gare ŋak nuŋe karis poŋga Etiopia kina.

<sup>40</sup>Filipus nu Asdodŋge minna ta wamdus puluna. Nu tumbraŋ suŋgo ta kusremba kumba tumbraŋ ŋakmba mbolŋge pasa mayenu kuklimba lika ka Sesarea prona.

### Saulus nu ŋgamuŋgal biye mbilna

**9** <sup>1</sup>Saulus nu Suŋgo Yesus dubinaig mbal tuku gubra tumba ye nane ŋakmba bale faramŋgit ŋga nu pris gabat sota kina sulumba <sup>2</sup>sana: Ye Damaskus tumbraŋ suŋgo mbol nzi kumba Yesus dubide mbal taŋgo pino kaŋgerka ndaleka kilmba luka Yerusalem mbambim tuku ne waŋe afu kuyarka sa. Damaskus tuku kusem wande gabat kame niŋge liki le kaŋgerka ye piro ta kam tuku nyu ŋak kila minwaig ŋgina.

<sup>3</sup>Saulus nu waŋe ta kilmba ka Damaskus patuna le samba mbolŋge bulu suŋgo ande mayok ka nu kiljana. <sup>4</sup>Kiljana le nu ndek kuru-kuruka

kilke mbolŋge ndekina le miŋge pasa ande promba sana: Saulus, Saulus, ne ndaŋam tuku ye ŋayo siliyate ŋgina le <sup>5</sup>nu ndek kusnana: Sunŋo, ne imaŋge ŋgina le nu sakina: Ye Yesus ne ye ŋayo siliyate ta. <sup>6</sup>Kile ne tiŋga tumbran sunŋo mbol nzi kaye. Nziŋge mina le andeŋge ne wam kam tuku sanamŋgat ŋgina. <sup>7</sup>Taŋakina le taŋgo kame Saulus ndoŋ kinaig ta nane tiŋga maninok minnaig. Ta ndaŋam? Nane pasa prona ta isnaig sulumba taŋgo ande nda kaŋgernaig.

<sup>8</sup>Saulus nu tiŋga am maraŋgina ta agaŋ kaŋger ndakina. Kaŋger ndakina le nu waiwaimba kumba Damaskus pronaig. <sup>9</sup>Kumba ka taŋge mara keŋmba nu agaŋ kaŋger ndaka nyamagaŋ kule mata nye ndakina.

<sup>10</sup>Yesus dubina taŋgo ande Damaskusŋge minna. Taŋgo ta nyunu Ananias. Nu kiŋatanu suk Sunŋoŋge nu wika Ananias ŋgina le nu ndek sakina: Sunŋo, ye minet te ŋgina. <sup>11</sup>Taŋakina le Sunŋo nu sana: Ne tiŋga ndin ande nyunu Tiŋreknu si mbol kaye. Ne kumba ka Yudas tuku wande poŋga Tarsusnu taŋgo nyunu Saulus nu tuku kusnanga. Nu Kuate yabaŋmba minit. <sup>12</sup>Nu mata kiŋatanu suk ne kaŋgernat. Ne nu tugum promba nuŋe am mayekam tuku ne nu mbolŋge wai patikat le kaŋgernat ŋgina.

<sup>13</sup>Taŋakina le Ananias ndek nu sana: O Sunŋo, taŋgo ta Yerusalemŋge ne tuku mbal kilmba ŋaigo siglikanu ŋga gudommbange sakade le iset. <sup>14</sup>Teŋge mata ne tuku nyu te-dungade mbal bige tidiŋga kilmba ndalekam tuku pris gabat mbal tugumŋge nyu tina ŋgina le <sup>15</sup>Sunŋo nu sana: Kuga. Yeŋge taŋgo ta madiwen. Ye yiŋe nu kukuli le nu ka kasomok mbal gabat sugo kise kise Israel mbal nane ŋakmba tugumŋge ye tuku saningamŋgat. <sup>16</sup>Taŋamba nu piti gudommba kaŋgerke likamŋgat. Ye nu maŋau ta mbolŋge kila sawamŋgit. Ne tiŋga nu tugum kaye ŋgina.

<sup>17</sup>Kile Ananias nu tiŋga ka Saulus nu minna wande ta poŋga nu wai kilmba nu mbolŋge patika sana: Tira, ne ndeka ndinŋge Sunŋo Yesus kaŋgerna ta nuŋge ye kukulyat. Ne tuku am mayeka sulumba Tukul Guwa tam tuku ne tugum prowet ŋgina le <sup>18</sup>pitik ndo kualegaŋ suprep suk agaŋ am mbolŋge gagulka ndekinaik le nu am mayeka mambilna. Taŋamba nu tiŋga kule pisne tina sulumba <sup>19</sup>nu maŋ isukusmba sanŋri tumba Damaskusŋge Yesus dubinaig mbal ndoŋ mara afu minna.

### **Saulus nu Damaskusŋge pasa mayenu kuklina**

<sup>20</sup>Saulus nu dal ndaka Zu mbal tuku kusem wande sinam kine lika Yesus nu Kuate tuku Kiŋo ŋga kuklimba saningina le <sup>21</sup>nu tuku pasa isnaig mbal nane wamdus te-sulumba sakinaig: i ... Taŋgo te nu buk Yerusalemŋge nyu ta te-dunginaig mbal kilmba ŋaigo siglikina. Tumbran sunŋo te mbolŋge mata taŋgo pino nu dubide ta bige tidiŋga ka pris gabat nane am mbolŋge kile-tidiŋgam tuku prona ŋginaig. <sup>22</sup>Saulus nu sanŋri lato tumba Yesus nu siŋka Kuatenŋge madina taŋgo Kristus ŋga

kukli mayena le Zu mbal Damaskusnge minnaig ta nu tuku pasa ismba lafuwam kumuŋ kuga.

<sup>23</sup>Kile Zu tango afu Saulus balewam tuku sakinaig le <sup>24</sup>nane afu ismba pro nu sanaig le isna. Nane Damaskusnge ki furir mindek nu balewam tuku fonde malaŋga kulatka minnaig. <sup>25</sup>Taŋamba minnaig le furir ande Saulus tuku kuasmbi nane ndek nu sambeŋga muli panmba fonde tuku bubre malaŋga kumam pilnaig le mayok kina. <sup>26</sup>Mayok kina sulumba nu ka Yerusalem prona. Ka taŋge nu Yesus dubinaig mbal ndoŋ ulendikam bafuna le nane kuru-kuruka nu Yesus dubiwanu taŋgo kuga ŋginaig. <sup>27</sup>Taŋakinaig le Barnabasnge nu tumba ka aposel kame saningina: Taŋgo te nu ndinŋge Suŋgo kaŋgerna le Suŋgonge pasa sana. Damaskusnge nu nane kuru kuru ndaka saŋgri tinga Yesus tuku nyu te-mayokmba sakina ŋgina. <sup>28</sup>Taŋakina le Saulus nu Yerusalemnge Yesus dubinaig mbal ndoŋ ulendika kine promba minna. <sup>29</sup>Nu taŋgo tuku kuru kuru ndaka Yesus tuku nyu te-mayokmba saka minna.

Saulus nu Zu mbal Grik pasatade afu ndoŋ pasambi Yesus tuku muŋgu tulinginaig le nane nu balewam tuku ndin sotinaig. <sup>30</sup>Sota minnaig le Yesus dubinaig mbal nane kila pilmba Saulus mindemba Sesarea tumbraŋ suŋgo mbol pronaig. Pro taŋge nu Tarsus kuwa ŋga kukulnaig le kina.

<sup>31</sup>Ait ta mbolŋge Yesus tuku kuasmbi nane Yudea Galilea Samaria ma tugu ta ŋakmba mbolŋge piti afu kaŋger ndaka mine mayemba saŋgri tinginaig. Nane Kuate kumnemnge minmba Tukul Guwaŋge nane sinzaŋningina le nane tugekinaig.

### **Petrus nu taŋgo ande wakeina**

<sup>32</sup>Petrus nu ma tugu ŋakmba mbol kumba Yesus tuku mbal kaŋgerkam Lida tumbraŋ prona. <sup>33</sup>Prona sulumba taŋgo ande nyunu Eneas ŋgarosu milmailkanu yar 8 guaze ta ŋak mbain mbolŋge kinye ŋak ndo minna le kaŋgerna. <sup>34</sup>Kaŋgermba nu ndek sana: Eneas, Yesus Kristusnge ne wakeinamŋgat. Ne tinga naŋe yango te-tiwa ŋgina. Taŋakina le nu pitik ndo tingina. <sup>35</sup>Taŋana le Lida le Saron tumbraŋ mbal nane taŋgo ta mayekina le kaŋgermba nane ŋakmba ŋgamuŋgal biye mbilmba Yesus dubinaig.

### **Petrus nu pino ande te-tina le aboŋgina**

<sup>36</sup>Yopa tumbraŋnge Yesus dubina tuku pino ande nyunu Tabita minna. (Grik pasambi nyu ta Dorkas). Pino ta nu wam magenu ke lika sanzal mbal turka minanu.

<sup>37</sup>Ait ta mbolŋge nu guaze suŋgo tumba kumna. Kumna le pino afu nu kule pismemba nu tumba wande ta mbain armba ŋak inum mbol taŋge pilnaig le minna. <sup>38</sup>Yopa tumbraŋ suŋgo ta nu Lida tumbraŋ patukŋge tukunu Yesus dubinaig mbal Petrus nu Lidange minna pasa ta ismba nane

taŋgo armba kukulnikinaig le ka nu tugum promba sarsarmba sanaik: Ne pitik sile ndoŋ kab ŋginaik.

<sup>39</sup>Taŋakinaik le Petrus nu tiŋga nale ndoŋ kina ka tumbraŋ ta pronaig le nane afu nu tumba wande o mbolŋge ta poŋginaig. Nane wande poŋginaig le pino kuembol ŋakmba Petrus laipmba te-ŋgamumba malmbika Dorkas nu buk tawi wakeika niŋge likina ta kilmba Petrus tumnaig. <sup>40</sup>Tumnaig le nu nane ŋakmba mayok kuwaig ŋga saniŋgina le nane mayok kinaig. Taŋanaig le nu ndek dagol tidroŋga Kuate yabaŋna. Yabaŋ deŋpurmba nu mbilka mindesiŋ ta sana: Tabita, ne aboŋga ŋgina le nu am maraŋga Petrus kaŋgermba minyokina le <sup>41</sup>nu ndek nu tuku wai biyumba te-tina le tiŋgina. Tiŋgina le nu tumba Yesus dubinaig mbal pino kuembol nane ŋakmba wika niŋgina.

<sup>42</sup>Wam ta Yopa tumbraŋ suŋgo kumuŋgina le nane gudommmba Suŋgo Yesus son ŋginaig le <sup>43</sup>Petrus nu Yopaŋge mara kuen suk taŋgo ande nyunu Simon nu ndoŋ minna. Taŋgo ta nu agaŋmor ŋgarombi agaŋ kame wakeikina tuku.

#### Pasa mayenu kasomok mbal tugum kina

**10** <sup>1</sup>Sesarea tumbraŋ suŋgo mbolŋge taŋgo ande nyunu Kornelius minna. Nu Rom gafman tuku kame mbal 100 kulatka minna. Kame kuasmbi ta Italinu. <sup>2</sup>Taŋgo ta nu nuŋe ndare tuma ndoŋ Kuate kumnemŋge minmba nu mbariŋmba minanu. Nu sanzal mbal ndametiŋ walmba niŋge lika nu Kuate yabaŋmba minanu.

<sup>3</sup>Mara ande ki kanum 3 mbolŋge nu kiŋatanu suk agaŋ ammbi kaŋgerna ta Kuate tuku eŋel ande nu tugum promba Kornelius ŋgina. <sup>4</sup>Taŋakina le nu fumble timba wamdus fulilka nu sana: Suŋgo, ndaŋam ŋgina le eŋel nu ndek sana: Ne sanzal mbal turniŋgit ta Kuate nu kaŋgerte. Ne Kuate yabaŋte ta nu isit. Nu ne idusnumba minit. <sup>5</sup>Ta tuku ne taŋgo afu kukulniŋga le Yopa tumbraŋ suŋgo mbol nzi kumba taŋgo ande nyunu Simon Petrus tam kuwaig. <sup>6</sup>Nu nuŋe nyu tuma taŋgo ndoŋ minik. Taŋgo ta nu agaŋmor ŋgarombi agaŋ wakeikate tuku. Nu tuku wande piyal patukŋge minit ŋgina.

<sup>7</sup>Eŋel nu Kornelius kusrena le nu ndek nuŋe piro taŋgo armba kame taŋgo ande turmba wikina. Kame taŋgo ta nu mara mara nu tugumŋge piroka nu mata Kuate dubimba minna. <sup>8</sup>Nane pronaig le nu eŋel tuku wam pagu pasa kumu-kumumba kubeu niŋmba Yopa kuwaig ŋga kukulniŋgina. Kukulniŋgina le nane kumba ka ndiŋŋge kinynaig.

<sup>9</sup>Mafena le nane ndin dubimba kumba ka Yopa patunaig le ki kanum 12 Petrus nu Kuate yabaŋam tuku ŋga wande poŋga funu tuku mbain mbolŋge minna. <sup>10</sup>Nu mbol taŋge minmba guba mayena. Guba mayena le nane pagumba minnaig le Petrus nu kiŋatanu suk agaŋ ande kaŋgerna. <sup>11</sup>Samba talka agaŋ ande tawi suŋgo suk tundunnu baikamba muli ŋak

andenge muli kusre-kusrena le ndekina. <sup>12</sup>Ndekina le tawi ta mbolŋge aganmor mbeŋ sar umaŋ yeki yeki minnaig le kanŋerkina.

<sup>13</sup>Kile miŋge pasa ande nu sana: Petrus, ne tiŋga agaŋ te inum balemba nya ŋgina le <sup>14</sup>nu ndek lafumba sana: Sunŋo, kuga. Sine Zu mbal agaŋ afu nyam tuku tukul ŋak ta ye tukul lukamba agaŋ taŋaŋ inum nye ndaket ŋgina. <sup>15</sup>Taŋakina le pasa ta maŋ lato nu sana: Kuatenŋe agaŋ ande mayenu ŋgate ta ne tukul ndawa ŋgina. <sup>16</sup>Nale taŋamba pasa ndui ta sakam keŋnaik le andenge pitik ndo tawi ta te-duŋgina le samba mbol kina.

<sup>17</sup>Petrus nu kiŋatanu suk wam kanŋerna ta wamdus te-sulumba tugunu wam katesemba minna le Kornelius taŋgo keŋmba kukulniŋgina ta nane afunŋe Simon tuku wande tumniŋginaig le nane pro wande malanga tugum taŋge tiŋga wika sakinaig: <sup>18</sup>Oi. Simon Petrus nu teŋge minit e ŋginaig.

<sup>19</sup>Petrus nu kiŋatanu suk wam kanŋerna ta idus-idusmba minna le Tukul Guwa nu sana: Taŋgo keŋmba ne sota prowaig. <sup>20</sup>Ne tiŋga ibeŋ kaye. Ne wamdus tero ndaka nane ndoŋ kaye. Yeŋge nane kukulniŋgen ŋgina. <sup>21</sup>Taŋaka sana le Petrus nu ibeŋ ka nane saniŋgina: Tane taŋgo sotade ta ye noten. Tane ndaŋam ye tugum prowaig ŋgina le <sup>22</sup>nane nu sanaig: Siŋgine gabat Kornelius nu kame taŋgo 100 kulatkate. Nu taŋgo tiŋreknu Kuate kumnemŋge minit. Israel mbal ŋakmba nu tuku saka minig. Kuate tuku eŋel nu wam paguna le nu sine ne tumba nu tuku wande mbol kumba ne tuku pasa isam tuku sine kukulsiŋgina le ne tam proweg ŋginaig. <sup>23</sup>Taŋakinaig le Petrus ndek nane ŋgailka nane nu ŋak kinyam tuku saniŋgina.

Mafena le Petrus nu nane ndoŋ kina. Yopa mbal afu Yesus dubinaig tuku nane mata Petrus mindemba kinaig. <sup>24</sup>Kinaig ka ndinŋge kinyanaig. Mafena le Kornelius nu buk nuŋe ndare tuma nuŋe gulab nane ŋakmba kile-maŋgurka Petrus tairŋga minnaig le nane Sesarea pronaig.

<sup>25</sup>Petrus nu wande sinam kina le Kornelius nu tiŋga pro Petrus nu taŋgo sunŋo ŋga nu tugumŋge dagol tidroŋgina. <sup>26</sup>Taŋana le Petrus nu te-timba sana: Taŋa ndawa. Ye mata taŋgo ndo. Ne tiŋga ŋgina. <sup>27</sup>Taŋaka nu Kornelius ndoŋ pasa-pasaka kumba ka wande sunŋo sinam taŋge taŋgo pino gudommmba maŋgurkinaig le kanŋerkina. <sup>28</sup>Kanŋerka nu ndek saniŋgina: Sine Zu taŋgo tane kasomok mbal tuku wande mbol kumba ko tane ndoŋ isukusam tuku tukul sunŋo ŋak ta tane kila. Kuate nu wam ande ye tumyina tukunu ye wamdus kitek tumba kasomok mbal ta ŋaigonu ŋge nda. <sup>29</sup>Ta tuku ne afu ye tam tuku kukulniŋgina le ye pasa kugatok nane dubika te prowit. Ariya. Saka. Ne ndaŋam ye tuku pasa pilna ŋga sana.

<sup>30</sup>Taŋaka sana le Kornelius nu sakina: Mara keŋmba buk kinaig ait teŋen ki kanum 3 mbolŋge yiŋe wande mbol teŋge ye Kuate yabaŋmba

minen le pitik ndo tanjo ande tawi kilja njak ye tugum prona le kanjeren. <sup>31</sup>Nu ye sayina: Kornelius, ne sanzal turniŋgit ta Kuate nu kanjerte. Ne Kuate yabaŋte ta nu isit. Nu ne idusnumba minit. <sup>32</sup>Ne tanjo afu kukulninga le tanjo ande nyunu Simon Petrus nu tam Yopa kuwaig. Nu nuŋe nyu tuma Simon ndoŋ minik. Tanjo ta nu aganjmor ngarombi aganj wakeikate tuku. Nu tuku wande piyal patukŋge minit. Nu taŋamba ye sayina. <sup>33</sup>Taŋakina le ye pitik ndo tanjo afu ne tam tuku kukulniŋgen. Ne ye tugum te prowat ta kumumbi. Sine njakmba Kuate am mbolŋge manjurka mineg. Suŋgo nu ne pasa afu sine sasiŋgam tuku sanina ta isam tairŋgeŋ nga Petrus sana.

<sup>34</sup>Taŋakina le Petrus nu nane saniŋgina: Kile ye wamdus puluyate. Kuate nu tanjo njakmba wamdus niŋgit. <sup>35</sup>Zu mbal ko kasomok mbal ngamukŋge ima kate Kuate kumnemŋge minmba nu tuku pasa dubide ta Kuate nu nane njakmba tuku gareniŋgit. <sup>36</sup>Sine Yesus Kristus ndoŋ ulendikeg mbal kile Kuate nu sine ndoŋ wamdus mukuk minit. Nu pasa mayenu ta njakmba isam tuku sine Israel siŋgina. Yesus nu tanjo njakmba tuku Suŋgo. <sup>37</sup>Yohanus nu pasa kuklimba nane kule piseniŋgina le Nasaretnu tanjo Yesus nu pro pasa mayenu ta Galilea ma mbolŋge tugu pilmba kumba ka Yudea ma tugu njakmba kumuŋgina. <sup>38</sup>Nu Kuatenge Tukul Guwa tuna le nu saŋgri njak ma njakmba mbolŋge lika nu wam mage kina. Kuate nu ndoŋ minna. Afu Satan tuku saŋgri kumnemŋge minnaig ta nu nane tuku muskil kile-tidingina. <sup>39</sup>Nu Yerusalemŋge Zu ma njakmba mbolŋge wam ke likina le sine kanjerkigeŋ. Nane nu tumba ail kazrai mbolŋge nil daŋŋginaig le kumna. <sup>40</sup>Kumna le mara keŋnu mbolŋge Kuatenge nu te-tina le nu tiŋgina le sine kanjergeŋ. <sup>41</sup>Tanjo njakmba nu kanjer ndanaig. Sine ndo nu kanjergeŋ. Yesus nu maŋ tiŋgina ta nane njakmba saniŋgam tuku Kuate nu o buk sine madisiŋgina. Nu tiŋga sine ndoŋ tuma isukusmba kule nyumba mingeŋ. <sup>42</sup>Nu sine pasa mayenu kukliwam tuku patikina. Kumanu mbal abo minig mbal pileniŋgam tuku Kuate nu ye pilna ta njakmba saniŋgap nga sasiŋgina. <sup>43</sup>Tuan tanjo njakmba nu tuku sakinaig. Ima kate nu kumuŋ nga son ngade ta Kuate nu Yesus tuku nyu mbolŋge nane tuku une sauka gilaingamŋgat nga saniŋgina.

### **Kasomok mbal Tukul Guwa tinaig**

<sup>44</sup>Petrus nu pasata minna le nane nu tuku pasa isaig mbal Tukul Guwa nane mbol kina le <sup>45-46</sup>nane pasa kuale gilai yimyam sake lika Kuate tuku nyu te-duŋginaig. Taŋanaig le Zu tanjo Yesus tuku son nginaig nane Yopange Petrus mindemba pronaig ta nane wam ta kanjermba Kuatenge kasomok mbal mata Tukul Guwa niŋgit nga nane pirerek purkinaig.

<sup>47</sup>Kile Petrus nu sakina: Kuatenge sine Tukul Guwa siŋgina taŋamba ndo kile nane mata niŋgit. Nane kule pisne tam tuku sine tukulniŋgam



kumuŋ kuga ŋgina. <sup>48</sup>Taŋamba Petrus nu nane Yesus Kristus ndoŋ ulendika kule pise tap ŋga saniŋgina le nane kule pisne tinaig. Taŋamba nu nane ndoŋ mara afu minam tuku ŋgailkinaig le nu nane ndoŋ minna.

### Petrus nu Yerusalemŋge kasomok mbal tuku sakina

**11** <sup>1</sup>Aposel kame Yesus tuku mbal Yudea ma mbolŋge mine likinaig ta nane kasomok mbal Kuate tuku pasa tinaig ta nane isnaig. <sup>2</sup>Petrus nu mbumba Yerusalem prona kande Zu taŋgo afu nane nu sawe lika sanaig: <sup>3</sup>Ndaŋam saka ne siŋgine tukul lukamba ŋgaro pike ndakanu mbal ndoŋ ulendika isukusna ŋginaig. <sup>4</sup>Taŋamba sawe likinaig le nu ndek wam ŋakmba mayok kinaig ta kumu-kumbamba kubeu niŋmba saniŋgina: <sup>5</sup>Ye Yopange Kuate yabaŋmba minen sulumba ye kiŋatanu suk agaŋ ande kaŋgeren. Agaŋ ande tawi suŋgo suk tundunnu bailkamba muli ŋak samba mbolŋge andeŋge muli kusre-kusrena le ye tugum ndekina. <sup>6</sup>Taŋana le ye agaŋ ta kaŋger tiwen ta sinam tange agaŋmor ŋguikok agaŋ rabmba likade sar umaŋ taŋamba kaŋgerken. <sup>7</sup>Kaŋgerka minen le miŋge pasa ande ye sayina: Petrus, ne tiŋga agaŋ te inum balemba nya ŋgina le <sup>8</sup>ye nu sawen: Sunŋo, kuga. Sine Zu mbal agaŋ afu nyam tuku tukul ŋak ta ye tukul lukamba agaŋ taŋaŋ inum nye ndaket ŋgen. <sup>9</sup>Ye taŋaka saken le samba mbolŋge pasa maŋ lato sayina: Kuatenŋge agaŋ ande mayenu ŋgate ta ne tukul ndawa ŋgina. <sup>10</sup>Sile taŋamba sakam keŋkeŋ le andeŋge tawi ta te-dunŋina le samba mbol kina. <sup>11</sup>Kina le ait ndui ta mbolŋge ndo Sesareange Kornelius nu taŋgo keŋmba ye tam tuku kukulningina le ye wande minen ta tugum pronaig. <sup>12</sup>Pronaig le Tukul Guwa nu ye sayina: Ne wamduŋ tero ndaka taŋgo prowaig ta dubika kaye ŋgina. Tira 6 te nane mata ye ndoŋ kumba Kornelius tuku wande poŋga sinam kageŋ.

<sup>13</sup>Kornelius nu sine sasinaig: Ye eŋel ande yiŋe wandekŋge tiŋ minna le kaŋgeren. Nu teŋenmba sayina. Ne nane afu kukulninga le nane Yopa tumbraŋ sunŋo mbol nzi taŋgo ande nyunu Simon Petrus tam kuwaig. <sup>14</sup>Simon nu pasa afu naŋe ndare tuma turmba satinguwa le taŋgine muskil kile-tidige tiŋgam tuku ndin kaŋgeramŋgaig ŋgina.

<sup>15</sup>Kornelius nu wam kube ta deŋpurna le ye tiŋga pasa tugu pilmba saken le ambonga sine Tukul Guwa tigeŋ taŋamba ndo kasomok mbal tinaig. <sup>16</sup>Ye wam ta kaŋgermba ye Sunŋo Yesus tuku pasa ande idusen ta teŋenmba. Yohanus nu kulembi nane kule pisneniŋgina. Kile ye Tukul Guwambi tane tuku ŋgamuŋgal kule pisne taŋaŋ tiŋgamuŋgit ŋga sasinaig. <sup>17</sup>Ambonga sine Zu mbal Sunŋo Yesus Kristus tuku son ŋgigen le Kuate nu Tukul Guwa siŋgina taŋamba ndo nane mata Tukul Guwa niŋgina. Ye ima le Kuate tuku nzali tukulam kumuŋ ŋga saniŋgina.

<sup>18</sup>Taŋakina le nane Petrus tuku pasa ta ismba nane pasa kugatok Kuate tuku nyu te-dunŋa sakinaig: Kuate nzalite le kasomok mbal mata ŋgamuŋgal biye mbilmba abo tugu minmba minam tuku tade ŋginaig.

### Antiok mbal Yesus tinaig

<sup>19</sup>Stefanus balenaig le Yesus tuku mbal kua ka sili-silinaig ta afu masken ka Finisia ma tugu Siprus nuy Antiok tumbran sunjo tanjamba kine likinaig ka Zu mbal ndo Yesus tuku pasa saninginaig sulumba kasomok mbal sa ndaninginaig.

<sup>20</sup>Nane tanjanaig ta Siprus le Sirenenu Zu tanjo afu Antiok tumbran sunjo mbol kumba nanenge kasomok mbal Yesus tuku saninginaig le <sup>21</sup>Kuatenge nane tuku piro sanjri pilena le nane gudommaba nane tuku pasa ismba son nga ngamungal biye mbilmba Sunjo Yesus dubinaig.

<sup>22</sup>Yesus tuku kuasmbi Yerusalemnge manjau ta ismba Barnabas kukulnaig le nu ndek Antiok kina. <sup>23</sup>Nu nane tugum prona sulumba Kuate nu sijka mbal te make patikate nga nu gare-gareka nane wamdus ndindo Yesus biye dewam tuku tumningina. <sup>24</sup>Barnabas nu tanjo mayenu. Nu ngamungal son sanjrinu. Tukul Guwa nu tuku wamdus kumungina le nane gudommaba nu tuku pasa ismba son nga Sunjo Yesus dubinaig.

<sup>25</sup>Kile Barnabas nu Saulus sota Tarsus tumbran sunjo mbol kina. <sup>26</sup>Kumba ka nu te-silika tumba nu ndo luka Antiok tumbran pronaik. Nale ar ta yar ndindo Antioknge minmba nane tanjo pino gudommaba Yesus tuku tumningina minnaik. Tanjanaik le Yesus dubinaig mbal Antioknge minnaig ta nane ambonga Kristen nyu tinaig.

<sup>27</sup>Ait ta mbolnge tuan tanjo afu Yerusalem kusremba ndeka Antiok pronaig. <sup>28</sup>Pro tanje minnaig le tuan tanjo ande nyunu Agabus nu Tukul Guwanje wamdus tuna le nu tinga guba sunjo kilke tugu njakmba mbolnge prowamngat nga saningina. (Ijgumnennga Klaudius nu gabat sunjo minna le guba sunjo ta prona). <sup>29</sup>Tanjakina le Yesus dubinaig mbal nane wamdus tumba nanjine tira kame Yudea ma tugu mbolnge turkam tuku sine ndameti njak minig ta kumumba patikube nginaig. <sup>30</sup>Nane tanjamba patika Barnabas le Saulus kukulnikinaig le nale ndameti njakmba mbumba kinaik ka Yerusalemnge gabat mbal ninginaik.

**12** <sup>1</sup>Ait ta mbolnge mandor Herodus nu Yesus tuku kuasmbi afu ngaigo siglikina. <sup>2</sup>Nu nuje kame mbal saningina le nane Yohanus aba nuje Yakobus tuku njinfok kuerkinaig. <sup>3</sup>Kuerkinaig le Zu mbal nane wam ta ismba gare sunjo tinaig le Herodus nu kila pilmba nu manj Petrus ndalekam tuku afu kukulningina. Ait ta Israel mbal bret yis kugatok nyam tuku kusem sunjo.

<sup>4</sup>Nane nu biye timba mulintumba wandeknge pilnaig le nu Petrus kulatkam tuku kame tanjo 16 mungu turturkam tuku bailka bailka patikina. Pasowa ait ta kugawa le nu Zu mbal am mbolnge Petrus pasa mbolnge palmbim idusna. <sup>5</sup>Petrus nu muli wandek sinamnge minna le kame mbal ta nane nu kulatkinaig le Yesus tuku kuasmbi Petrus tuku nga Kuate sunjomba yabanjaig.

### Enjel Petrus te-mayokna

<sup>6</sup>Herodus nu mafewa le Petrus nane ñakmba am mbolñge te-tiwam tuku sakina ta furir ait ta mbolñge Petrus nu kame tañgo ar ñgamukñge wai kupe muli ñak kinymba gilainñgina. Kame tañgo armba kilimñge malañga kulatka minnaik.

<sup>7</sup>Kile Sunjo tuku enjel ande Petrus tugumñge mayok kina le bulu promba wande sina ta kilñana. Enjel nu Petrus tuku kailmane burumba kuanemba sana: Pitik tiñga ñgina kande sen muli wai mbol ta kuklika ndekinaik. <sup>8</sup>Tañanaik le enjel nu Petrus sana: Ne tawi tiñmba kupe ñgaro silika ñgina le nu ta kumuna. Tañana le nu mañ sana: Naje tawi sunjo ta tumba kaika ye dubiya ñgina le <sup>9</sup>nu enjel dubimba mayok kina. Enjel nu tañana ta Petrus nu kinjambi agañ kanjeranu ñga idusna.

<sup>10</sup>Kile enjel nu tumba kame mbal tumailamñge tiñginaig ta liniñmba ka ñgumnemñge tiñginaig ta liniñmba ka muli wande tuku malañga sunjo tugum pronaik. Pronaik le tañgongñge talkanu sukna le nale kilim kinaik. Kilim ka tumbrañ sunjo sinam ta ndin ande dubimba kinaik le enjel nu Petrus kusremba kina. <sup>11</sup>Kina le nu wamdus puluna le wamdusmbi sakina: Herodus nu ye ñayo siliyam iduste le Zu mbal wam ta tairñga minig ta Kuate nu ye nane tuku wai mbolñge te-luka tam tuku enjel te kukulat ñga idusna.

<sup>12</sup>Nu wamdus puluna le nu Yohanus Markus tuku ina nuñe Maria tuku wande tugum kina. Wande ta sinamñge nane gudommba manjurka yabañmba minnaig. <sup>13</sup>Yabañmba minnaig le nu wande ta tuku fonde malañga katkatna le piro pino ande nyunu Roda nu malañga talkam prona kande <sup>14</sup>nu Petrus tuku pasa ñin tugu katesemba nu gare sunjo tumba malañga tal ndaka pinderka luka kumba nane saningina: Petrus pro malañga tugum sinje tij minit ñga saningina. <sup>15</sup>Tañakina le nane ndek nu sanaig: Ne ñginñgankate kande ñginaig le nu sanñri tiñga nane saningina: Kuga. Ye siñka saket. Petrusñge ñgina. Tañakina le nane sakinaig: Nu tuku mindekanu kande ñginaig.

<sup>16</sup>Petrus nu malañga katkatmba minna le nane pro malañga talka Petrus kanjeremba piriri ñayonaig le <sup>17</sup>nu waimbi nane peuniñmba maninkuwaig ñga Sunjo nu muli wande sinamñge te-mayokna ta kubeu niñgina sulumba nu nane saningina: Wam kube te Yakobus yiñe tira ñakmba saningap ñgina. Tañamba nu nane kusreka ma kise mbol kina.

<sup>18</sup>Mafena le kame tañgo nu kulatka minnaig ta nane Petrus kiringga ndañdañmba pro ket ñga wamdus te-sulumba minnaig le <sup>19</sup>Herodus nu ndek nane afu kukulniñgina le ma ñakmba mbolñge Petrus sotinaig. Sotete pisenginaig le nu ndek kame tañgo Petrus kulatkinaig ta nane kusna-kusnaniñgina sulumba gubranu nane afunñge bale farkuwaig ñga saningina. Tañakina sulumba Herodus nu tiñga Yudea ma kusremba Sesarea tumbrañ sunjo mbol kina.

### Herodus nu kumna

<sup>20</sup>Tirus le Sidon kilke nyamagan sunḡomba kuga le nane Herodus kilke kulatkina ta mbolḡe nane nyamagan piyawanu.

Ait ande Herodus nu tumbraḡ ar ta tuku gubra tina le tumbraḡ ar ta tuku taḡgo kuasmbi maḡur ḡak pro Herodus tuku wande kulatkanu taḡgo nyunu Blastus tugum promba nuḡe nane turkuwa le Herodus ndoḡ tumawam sakinaig. Taḡakinaig le Herodus nu pasa te-tiwam tuku ait niḡgina. <sup>21</sup>Ait ta kumuḡgina le Herodus nu mindepiye tawi magenu siglika nuḡe minyo mbili maditaknu mbolḡe minyoka nane maḡurkinaig ta pasa afu saniḡgina le <sup>22</sup>nane ismba wikaraumba sakinaig: Taḡgo te kilke mbolok taḡgo kuga. Nu mbara ande ḡginaig. <sup>23</sup>Taḡakinaig le nu lok minmba Kuate tuku ma tam idusna kande Sunḡo tuku eḡel ande pro nu katna le kuinḡe nu tuku ndem nyinaig le ma ma nu kumna. <sup>24</sup>Nu kumna le Kuate tuku pasa sunḡokina le nane gudommba son ḡginaig.

### Tukul Guwa Barnabas le Saulus piro nikina

<sup>25</sup>Barnabas le Saulus ndametiḡ niḡgam tuku piro ta ke sulunaik sulumba nale Yerusalem kusremba taḡgo mo Yohanus Markus tumba luka ndek Antiok kinaik.

**13** <sup>1</sup>Yesus tuku kuasmbi Antiokḡe minnaig ta afu tuan taḡgo afu tum taḡgo taḡaḡ pirokinaig. Ande nyunu Barnabas ande Simeon nyun ta Dabuk Dabuk ḡginaig. Ande Sireneni taḡgo nyunu Lusius. Ande Manaen nu buk Herodus ndoḡ kiḡo foḡfoḡ wande ndindo mbolḡe minnaik tuku. Ande Saulus.

<sup>2</sup>Mara ande nane ḡakmba maḡurka nyamagan pinka Sunḡo tuku nyu te-duḡa minnaig le Tukul Guwa nu nane saniḡgina: Barnabas le Saulus ye buk piro ande tuku madiniken ta kile nale kam tuku patikap ḡgina. <sup>3</sup>Taḡakina le nane nyamagan pinka Kuate yabaḡmba nane naḡgine wai Barnabas le Saulus mbolḡe patika kile pirokuwaik ḡga kukulnikinaig le kinaik.

### Siprus mbal pasa mayenu isnaig

<sup>4</sup>Tukul Guwa nu nale kukulnikina le nale Antiok kusremba ndek Selusia kinaik. Nale Yohanus Markus nale turkuwa ḡga tumba ḡak kinaik. Kinaig ka Selusiaḡe waḡ poḡga ka Siprus nuy mbol kinaig ka <sup>5</sup>Salamisḡe ibeḡ kinaig. Salamis tumbraḡ sunḡo mbolḡe nane piro tugu pilmba kusem wande mbolḡe Kuate tuku pasa kuklinaig.

<sup>6</sup>Nane nuy ta tuku ma ḡakmba mbol lika pasa kuklimba ka Pafos pronaig. Pro taḡe nane Zu taḡgo ande yabri tuan taḡgo nyunu Bar-Yesus te-silikinaig. Taḡgo ta nu kuanye taḡgo. <sup>7</sup>Pafosḡe taḡgo ande wamdus

kuyar mayenu ŋak nyunu Sersius Paulus nu gabat taŋgo minna. Nu Bar-Yesus ndoŋ gulab mayenu. Nu Kuate tuku pasa isam tuku Barnabas le Saulus wikina.

<sup>8</sup>Nale pro pasa kuklimba sanaik le Bar-Yesus nu gabat taŋgo pasa ismba son ŋgikat ŋga nu nale tuku pasa ndin kuer-kuerna. (Bar-Yesus Grik pasambi nane Elimas<sup>a</sup> ŋginaig). <sup>9</sup>Taŋana le Saulus nyu ande Paulus Tukul Guwa nu mbol kumuŋgina le nu Elimas fumble timba sigair mbakmba sana: <sup>10</sup>Ne Satan tuku kiŋo. Ne maŋau tiŋreknu ŋakmba pitaikate. Ne yabri maŋau kumba wam ŋaigonu ndo ke likate. Ndaŋam saka ne Kuate tuku maŋau mayenu tumba yabri pasambi ndin tukulte. <sup>11</sup>Ata. Kile Kuateŋge ne tuku am tukulwa le ne ait afu agaŋ kaŋgerke nda ŋgina. Taŋakina le pitik ndo agaŋ inum bidu suk pro nu tuku am tukulna le am ma make ndekina. Taŋana le nu nane afu pro nu tuku wai biyumba ndin tumwaig ŋga kumbaŋge nane wikina. <sup>12</sup>Taŋana le gabat suŋgo nu wam ta kaŋgermba pirerek purka Kuate tuku pasa isna ta Yesus tuku son ŋgina.

<sup>13</sup>Kile Paulus nane waŋ poŋga Pafos kusremba ka Pamfilia ma mbol promba Pergaŋge ibeŋ kinaig. Pro taŋge Yohanus Markus nu nale kusreka luka Yerusalem kina. <sup>14</sup>Kina le Paulus le Barnabas nale Perga kusremba Pisidia ma Antiok tumbraŋ suŋgo mbol pronaik.

Pro taŋge minmba kusem ait ande mbolŋge nale kumba ka Zu mbal tuku kusem wande sinam taŋge minyokinaik. <sup>15</sup>Minyokinaik le nane Moses tuan taŋgo kame tuku kuyar burke denpurmba kusem wande kulat mbal nane taŋgo ande kukulnaig le nu kumba Paulus nale sanikina: Tira kame, tale pasa afu taŋgo pino wamdus saŋgri pileniŋgam tuku ŋak ndeta saniŋgap ŋgina le <sup>16</sup>Paulus nu tiŋga wai te-duŋgina le nane maninkinaig le saniŋgina: Tane Israel mbal kasomok mbal Kuate kumnemŋge minig ta turmba tane ye tuku pasa isap. <sup>17</sup>Sine Israel mbal tuku Mbara nuŋge siŋgine mbuŋ kame madiniŋgina. Nu nane kulat magekina le nane Isip kilke mbolŋge rawe taŋgo minmba tugekinaig. Tugekinaig le Kuateŋge nuŋe saŋgrimbi ndin wakeina le nane Isip kusremba <sup>18</sup>yar 40 ma baknu mbolŋge minnaig le Kuate nu nane kusre ndakina. <sup>19</sup>Yar 40 kuganaig le Kuate nu Kanan ma mbolŋge mbal kise kise 7 kile-ibeŋka pitaikina sulumba kilke ta Israel mbal niŋgina. Niŋgina le nane yar 450 taŋamba taŋge minnaig. <sup>20</sup>Minnaig le Kuate nu nane kulatkam tuku taŋgo afu madiniŋmba patikina. Taŋamba kumba ka tuan taŋgo Samuel prona.

<sup>21</sup>Samuel tuku ait mbolŋge siŋgine mbuŋ kame taŋgo ndindo naŋgine gabat suŋgo minam tuku Samuel kusnanaig. Kusnanaig le Kuate nu Benyamin tuku ndare Kis tuku kiŋo nuŋe Saul madimba pilna le nu yar

<sup>a</sup> 13.8 Elimas nyu ta tugunu Kuanye Taŋgo

40 nane kulatkina. <sup>22</sup>Ngumneŋga Kuate nu Saul te-simba nane tuku gabat sunŋo minam tuku tugu kise David madimba pilmba sakina: Yesi tuku kiŋo nuŋe David nu ye ndoŋ wamdus ndindo ŋak. Nu ye tuku nzali ŋakmba dubikamŋgat ŋgina.

<sup>23</sup>Kuate nu pasa saŋgrinu o buk sakina taŋamba nu David tuku mbuŋ ande Israel mbal tuku muskil kile-tidingam tuku kukulna ta Yesus.

<sup>24</sup>Yesus nu piro tugu pile ndakina le ambonŋa Yohanus nu Israel mbal nane ŋgamuŋgal biye mbilmba kule pisne tuwaig ŋga saniŋmba minna.

<sup>25</sup>Nu nuŋe piro suluwam patukina sulumba nu teŋenmba nane saniŋgina: Tane ye ima ŋga idusde? Ye Kristus kuga. Ande ye ŋgumneŋge prowamŋgat ta nu sunŋo. Ye nu tuku kupe ŋgaro muli kukliwam tuku wam ŋai ta mata nu mbolŋge kam kumuŋ kuga ŋgina.

<sup>26</sup>Yiŋe tira kame Abraham tuku mbuŋ kame kasomok mbal Kuate kumneŋge minig tane ŋakmba isap. Sine muskil kile-tidingam tuku pasa mayenu ta o buk sine tugum prona. <sup>27</sup>Yerusalem mbal nanŋine gabat mbal ndoŋ Yesus nu Kuatenŋge madina taŋgo Kristus ta nane gilai. Kusem mindek nane tuan taŋgo kame tuku kuyar burke likade ta nane wamdus pulu ndaniŋgina. Taŋamba nane Yesus kumwa ŋga sakinaig sulumba nane Kuate tuku kuyar pasa kumumba taŋanaig. <sup>28</sup>Nane nu balewam tuku mbar ande kaŋger ndanaig ta nane ake sinaŋ nu tumba Pilatusŋge balewa ŋga sanaig ta <sup>29</sup>nane kuyar pasa kumunaig. Nu kumna le nane nu ail kazrai mbolŋge paska mindesiŋ ndame burok sinamŋge pilnaig. <sup>30</sup>Pilnaig le Kuatenŋge nu te-tina le maŋ tiŋgina. <sup>31</sup>Nu tiŋga nu dubinaig mbal buk Galilea kusremba Yerusalem pronaig ta nu nane tugumŋge mayok kanu le kaŋgeranu. Mbal ta kile Israel ŋgamukŋge nu tuku nyu te-mayokde. <sup>32</sup>Sile Barnabas ndoŋ tane mata pasa mayenu te isap ŋga te prowik. Kuate nu siŋine mbuŋ kame pasa saŋgrinu saniŋgina ta <sup>33</sup>kile sine tugumŋge alonu te-mayokmba Yesus te-tina le tiŋgina. David nu nuŋe mune waŋe arnu mbolŋge ta tuku teŋenmba kuyarna le minit.

Ne ye tuku Kiŋo. Kite ye ne tuku Mam mayok kinet ŋgina. *Mune 2.7*

<sup>34</sup>Kuatenŋge Yesus te-tina le nduiye tiŋga ŋgarosu me ndaŋgina ta kuyar pasa ande mbolŋge Kuate nu wam ta te-mayokmba sakina:

Ye wam afu magenu ke likam tuku David sawen ta ye ne mbolŋge taŋamba kamŋgit ŋgina. *Aisaia 55.3*

<sup>35</sup>David nu mune waŋe ande mbolŋge teŋenmba kuyarna.

Ye ne tuku piro taŋgo yiŋe ŋgarosu menu tuku ndin tukulamŋgat ŋgina. *Mune 16.10*

<sup>36</sup>David nu Kuate tuku nzali dubimba nuŋe kuasmbi ŋgamukŋge pirokina sulumba kumna. Kumna le nane nu tumba nuŋe mbuŋ kame gemniŋmba ŋgukinaig le meŋgina. <sup>37</sup>Ande Kuatenŋge te-tina le tiŋgina ta nu me ndaŋgina.

<sup>38</sup>O tira kame, tane pasa te ise mayewap. Kuate nu Yesus te-tina ta nu mbolŋge nu sine tuku une sauka gilaiŋgate. <sup>39</sup>Tane tangine unenŋge didikate ta Moses tuku tukulŋge tane turkam kumuŋ kuga. Tane Yesus tuku kume tuku saŋgri tomba tiŋgap le Kuatenŋge tane tuku muskil kile-tidiŋge tiŋgamgat. <sup>40</sup>Tane rironŋ mayewap. Tuan taŋgo kame tuku pasa tane mbolŋge kumuŋgikat. Pasa ta teŋenmba sakate.

<sup>41</sup> Kuate talaka nzumil te-tuwig mbal tane isap.

Tane piriri ŋayomba ŋgisinuŋgaig. Tane tuku ait mbolŋge ye wam saŋgrinu ande ki ta tane son ŋge nda. Ande nu tugusemba wam ta kuklimba sakuwa ta mata tane son ŋge nda. *Habakuk 1.5*  
Paulus nu taŋamba pasa kuklimba saniŋgina.

<sup>42</sup> Kile Paulus le Barnabas mayok kinaik le nane maŋ kusem ande mbolŋge nale tuku pasa isam saka ŋgailkinaig. <sup>43</sup>Taŋamba nane sili-silimba kusem wande kusrenaig. Nane gudommaba afu Zu mbal afu kasomok mbal Zu taŋaŋ Kuate dubinaig tuku ta nane Paulus le Barnabas dubika kinaig. Kumba ka taŋge nale nane ndoŋ pasa-pasakumba Kuate nu tane ake sinaŋ make patikina wam ta biye demba minap ŋga saniŋginaik.

<sup>44</sup> Kusem ande mbolŋge Antiok mbal ŋakmba Kuate tuku pasa isam tuku maŋ pro maŋgurkinaig le <sup>45</sup>Zu mbal nane taŋgo pino gudommaba pro maŋgurkinaig le kaŋgerka nane wamdus kagli firka gubra tinaig. Paulus nu pasa kuklimba minna le nane nu tumail panmba nu tuku pasa pitaimba nane pasa ndin kise sakinaig. <sup>46</sup>Nane taŋanaig ta Paulus le Barnabas nale kuru kuru ndaka saŋgri tiŋga saniŋginaig: Tane Zu mbal tane ambonŋa Kuate tuku pasa mayenu isam tuku minig. Tane isam mbulmba pitaide ta abo minmba minam tuku ndin turmba pitaide. Ta tuku kile sile kasomok mbal tugum kaŋkik. <sup>47</sup>Kuate nu sile kasomok mbal pasa mayenu saniŋgam tuku teŋenmba sasikina.

Kilke mbol mbal muskil kile-tidiŋgam tuku ye ne sati taŋaŋ

kasomok mbal kilŋaniŋgam tuku ne pilet.

*Aisaia 42.6; 49.6*

Paulus nale taŋamba saniŋginaig le <sup>48</sup>kasomok mbal pasa ta ismba nane gare suŋgo tumba Kuate tuku nyu te-dunŋinaig. Nane abo minmba minam tuku Kuatenŋge madiniŋgina ta nane pasa ta ismba son ŋginaig le <sup>49</sup>Kuate tuku pasa ma ta mbolŋge kumuŋga suŋgokina.

<sup>50</sup> Suŋgokina le Zu mbal nane ndek gabat pino kame Kuate dubinaig tuku tumbraŋ suŋgo ta tuku gabat sugo turmba Paulus le Barnabas pitaikam tuku nane tuku wamdus kunde-kundenaig. Taŋanaig le gabat sugo nane gubra tumba sine tuku tumbraŋ te kusremba kape ŋga pitaikinaig le <sup>51</sup>Paulus nale kambim ŋga nane Kuate tuku pasa pitaide ta naŋgine mbar rironŋkuwaig ŋga tuptup kupe mbolŋge denŋanu ta nane am mbolŋge pauraŋga nale Ikonium kinaik.

<sup>52</sup> Yesus dubinaig mbal Antiokŋge minnaig ta Tukul Guwa nane tuku wamdus kumuŋgina le nane gare ŋak minnaig.

### Ikonium mbal pasa mayenu isnaig

**14** <sup>1</sup>Nale Ikonium tumbraj sunjo mbol pronaik le wam ndui ta ndo mayok kina. Nale Zu mbal tuku kusem wande sinam kumba pasa kuklinaik le nane gudomma afu Zu mbal afu Grik mbal Yesus son nginaig. <sup>2</sup>Tañanaig le Zu mbal afu Yesus son nda nginaig ta nane kasomok mbal tugumnge Yesus dubinaig mbal kasurninguwaig nga nane tuku wamdus kunde-kundenaig. <sup>3</sup>Paulus le Barnabas ma ta mbolnge mine sunjomba kuru kuru ndaka Kuatenge kilke mbol mbal make patikate nga tañamba pasa kuklimba minnaik le Sunjo nu nuñe pasa kulatka sanjri nikina le nale wam kitek sanjrinu ke likinaik. <sup>4</sup>Tañamba kinaik le Ikonium taño pino nane pur arnaik. Afu aposel kame dubikinaig le afu Zu mbal dubikinaig.

<sup>5</sup>Tañamba minnaig le Zu mbal afu nanjine gabat sugo ndoñ kasomok mbal afu turmba nane Paulus le Barnabas bige tidijga ndamembi bale faram bafunaig le <sup>6</sup>nale pasa ta ismba kua ka Likonia ma tugu mbol kinaik. Kinaig ka ta promba Listra le Derbe tumbraj sugo ar ta mbolnge pasa mayenu kuklimba tumbraj ar ta tuku tumbraj foñfoñ sinam tañe mata <sup>7</sup>pasa mayenu kuklimba lika minnaik.

### Listra mbal pasa mayenu isnaig

<sup>8</sup>Listranje taño ande kupe arnej baklelok ina sinamnge tañaj mayok ka sunjokina. Nu ti danja minyok ndo minna. <sup>9</sup>Taño ta nu Paulus tuku pasa ismba minna le Paulus nu kanjer timba Yesus nu wakeiwam tuku nu ngamungal son kumumbi ñak ta kanjermba nu wi kuenka sana: <sup>10</sup>Ne tugusemba tinja ngina. Tañakina le nu pastij tilainja likina.

<sup>11</sup>Taño pino Paulus nu taño ta wakeina le kanjermba nanjine Likonia pasambi kuenka sakinaig: i ... Taño ar te kilke mbolok kuga. Mbara afu taño kuilka sine tugum te prowaik nginaig. <sup>12</sup>Tañakinaig sulumba nane Barnabas tuku nyu nanjine mbara Sus nginaig. Paulus nu pasa tugu taño tukunu nyun ta mbara Hermes nginaig.

<sup>13</sup>Sus mbarinam tuku wande tumbraj sunjo makembinge minna. Wande ta tuku pris nu taño pino ndoñ Paulus le Barnabas atraukam saka ail bot ngika makau pailnu birnejnimbamba kilmba tumbraj sunjo tuku malanja tugum prona. <sup>14</sup>Barnabas le Paulus wam ta kanjermba palseñnikina le nale ndek nakile tawi fetfetmba pinderka kumba nane ngamuknge sunjomba wika sakinaik: <sup>15</sup>Taño kame, ndañam saka tane wam te kam bafude. Sile taño tane minig tañaj. Sile pasa mayenu tumba te prokik. Nanjine mañau alo kugatok te kusremba mbilka Mbara ndindo abo tugu ñak nu ndo dubiwap nga tumtingam prokik. Nuñge samba tugu kilke tugu yu tugu agañ ndende ñakmba wakeikina. <sup>16</sup>Wa mbuñ kame nane nanjine nzali dubimba kinaig le Kuate nu peu ndaningina.



<sup>17</sup>Tañamba kile nu minit mañau ta tane tumtingit. Tane ñakmba nu kila palmim tuku nu wam mayete. Nu sawe nyamagañ kumumbi tingit le tane alonu kilmba nyumba maro ñak wamdus gare ñak minig nga saniñginaik.

<sup>18</sup>Paulus nale tañamba saniñginaik ta nane tuku wamdus pitik ibeñ ndakinaig. Nane lato saka minnaig le ndo nane atraukam tuku wamdus ta kusrenaig.

### Nane Paulus paniñtinaig

<sup>19</sup>Antiok le Ikoniumnge Zu mbal afu Listra promba Listra mbal tuku wamdus kunde-kundemba nane ndoñ Paulus tumba kasomnge pilmba ndamembi katnaig sulumba kile kumat nga idusmba nu didika tumba tumbrañ sungo kilim kumba ka mayoknge kusrenaig le minna. <sup>20</sup>Minna le Yesus dubiwanu mbal kumba ka Paulus te-ñgamunaig le nu ñair ñinka aboñga tiñga tumbrañ sungo sinam kina.

Mafena le nu Barnabas ndoñ Listra tumbrañ sungo kusremba Derbe kinaik. <sup>21</sup>Ka tañge nale pasa mayenu kuklimba nane saniñginaik le nane gudommba mbilka Yesus son ñginaig. Tañanaig le nale tumbrañ sungo ta kusremba luka Listra Ikonium Antiok mañ kine likinaik. <sup>22</sup>Kumba ka tañge Yesus dubinaig mbal wamdus sañgri pileniñmba Yesus tuku pasa biye demba minap ñginaik sulumba sakinaik: Sine Kuate tuku gageu siñka piti yimyam sunğomba kañgerkumba ma ma Kuate tugum kañgig ñginaik.

<sup>23</sup>Nale ma ñakmba mbolñge Yesus tuku kuasmbi kulat tañgo nañgine madika patikinaik. Tañamba nale nyamagañ pinka yabañmba kulat tañgo ta saniñginaik: Tane Yesus son ñgade tukunu nuñge tane sinzañtiñgamngat ñginaik.

### Nale luka ndek Antiok kinaik

<sup>24</sup>Kile nale tiñga kumba Pisidia ma tugu ñgamu fetka kumba ka Pamfilia ma tugu mbol pronai. <sup>25</sup>Pro Perga tumbrañ sungo mbolñge nale pasa kuklinaik sulumba nale tiñga Atalia tumbrañ sungo mbol kinaik ka <sup>26</sup>tañge wañ poñga luka kumba ka ka Antiok pronai. Tumbrañ tañge Yesus tuku kuasmbi nane buk Paulus nale piro ta kuwai. Nga madiniñginaig sulumba Kuate nu nale make patikuwa nga yabañmba kukulnikinaig le kinaik.

<sup>27</sup>Nale luka pro tañge Yesus tuku kuasmbi kile-mañgurka Kuateñge nale sañgri nikina le wam ke likinaik ta ñakmba kubeu niñginaik sulumba Kuateñge kasomok mbal Yesus son ñgam tuku ndin wakeina ta sakinaik. <sup>28</sup>Tañamba nale Antioknge ait kuennu Yesus dubinaig mbal ndoñ minnaik.

### Yerusalemnge pasa sungo ande te-tinaig

**15** <sup>1</sup>Paulus le Barnabas Antioknge minnaik le tañgo afu Yudea ma mboloknge promba Yesus dubinaig mbal saniñginaig: Tane Moses

tuku tukul dubimba ngaro pike ndakap ta tane ngisikamngaig nginaig. <sup>2</sup>Tanjakinaig le Paulus le Barnabas nale kuasmbi ta ndoŋ kualeyaukinaig le Yesus tuku mbal ndek Paulus le Barnabas tanŋo afu ndoŋ kukulniŋmba saniŋginaig: Tane Yerusalem kumba aposel le gabat kame ndoŋ maŋgurka pasa ta te-tiwap nginaig. <sup>3</sup>Tanjamba kukulniŋginaig le nane kumba ka Finisia le Samaria ma ngamu fetka kumba ndinŋge Yesus tuku mbal afu kaŋgerka saniŋginaig: Kasomok mbal mata pasa mayenu ismba ngamuŋgal biye mbilnaig nginaig le nane wam ta ismba gare tornaig.

<sup>4</sup>Paulus nane mbumba ka Yerusalem pronaiŋ le Yesus tuku kuasmbi aposel le gabat kame ndoŋ nane kaŋgerka gare-gareka kaiye niŋginaig. Tanjanaig le Kuatenŋe Paulus nane sanŋri niŋgina le wam ke likinaig ta kubeu niŋginaig le <sup>5</sup>Farisi tanŋo afu Yesus dubinaig ta nane tiŋga ndek sakinaig: Kasomok mbal Yesus dubide ta sine nane tuku ngaro pikmba Moses tuku tukul ŋakmba dubikuwaiŋ ŋga saniŋbe nginaig le <sup>6</sup>aposel kame Yesus dubinaig tuku gabat kame nane pasa ta ismba te-tiwam tuku maŋgurkinaig.

<sup>7</sup>Maŋgurkinaig ta nane wamdus yimyam kile-mayokka pasa tugu sunŋomba saka minnaig le Petrus ndek tiŋga saniŋgina: Tira kame, kasomok mbal Kuate tuku pasa mayenu ismba son ngam tuku Kuate nu ye madiyumba nane tugum kukulyina ta tane kila. <sup>8</sup>Kuate nu tanŋo ŋakmba tuku ngamuŋgal kila. Nu kasomok mbal kilam tuku idusmba minna ta nu te-mayokmba sine amboŋga Tukul Guwa siŋgina tanjamba ndo nu nane mata Tukul Guwa niŋgina. <sup>9</sup>Nu sine Zu mbal nane kasomok mbal mbolŋge wam ndui ta kina. Kasomok mbal afu Yesus tuku kume tuku sanŋri tomba tiŋginaig le nu nane tuku une mata sauka gilaiŋgina. <sup>10</sup>Siŋgine mbuŋ kame sine mata Moses tuku tukul ta dubikam tuku piro kareŋ ka dubiwe fuguŋe. Ndaŋam saka tane kile Kuate tuku wamdus tagode sulumba kasomok mbal Yesus dubide ta minde bada pile sunŋo niŋgig. <sup>11</sup>Sunŋo Yesus nu ake sinaŋ sine make patikate le muskil te-tiweg ta sine son ŋgeg. Tanjamba ndo kasomok mbal mata maŋau ndui ta ndo kate ŋgina.

<sup>12</sup>Maŋgurkinaig mbal nane Petrus tuku pasa ismba maninok minnaig le Barnabas nale Paulus ndoŋ nale mata tiŋga Kuate nu kasomok mbal ngamukŋge wam sanŋrinu kitek ke likina ta kubeu niŋginaig le isnaig. <sup>13</sup>Nale kubeu deŋpurnaig le Yakobus nu tiŋga saniŋgina: Tira kame, tane isap. <sup>14</sup>Kuatenŋe kasomok mbal ngamukŋge afu nuŋe mbal minam tuku nu amboŋga Simon kukulna le nane tugum kina ta ŋakmba kubewat le sine isgig. <sup>15</sup>Kuatenŋe kasomok mbal afu wikate ta tuan tanŋo kame mata sakinaig. Andeŋge teŋenmba kuyarna.

<sup>16</sup>Afuŋge David tuku tugu ŋaigo siglika kile-ibenjinaig ta ngumneŋga ye pro wakeiki le maŋ mayok kaŋgaig.

<sup>17</sup>Ye tanjawi le kilke mbol mbal ye madiniŋgen ta ye sota ka ka te-silikamngaig.

18 Kuate nu o buk nuŋe wamdus taŋamba te-mayokna ta nuŋe sakate  
ngina. *Amos 9.11-12*

19 Yakobus nu tuan taŋgo tuku kuyar saniŋmba sakina: Ye teŋenmba iduset. Kasomok mbal afu ŋgamuŋgal biye mbilmba Kuate dubide ta sine nane minde bada pile suŋgo nda niŋbe. 20 Sine waŋe ande nane maŋau dubikam tuku teŋenmba kuyarbe. Nane afu naŋgine mbara kanunu atraukade ndem ta nda nyap. Tane taŋgo pino ndoŋ fare fare une ndakap. Agaŋmor ŋinfok pipkade le ndare nda prote ta nda nyap. Ndare mata nda nyap. Sine taŋamba waŋe kuyarbe. 21 Moses tuku tukul ta o buk tugu pilmba Zu mbal ma ŋakmba mbolŋge kusem kidemba naŋgine kusem wandekŋge nu tuku kuyar burka ismba minig ŋga saniŋgina.

### **Nane kasomok mbal tuku waŋe kuyarmba tumba Antiok kinaig**

22 Gabat kame aposel ndoŋ Yesus dubinaig mbal ŋakmba pasa ta ismba taŋgo afu Paulus le Barnabas dubika Antiok kambim tuku madiniŋgam sakinaig. Taŋamba nane taŋgo armba nyu ŋak madinikinaig ta ande nyunu Yudas ande Silas. Yudas nyunu ande Barsabas. 23 Taŋamba nane waŋe ande teŋenmba kuyarnaig.

Siŋgine tira kame kasomok mbal Antiok tumbraŋ suŋgo Siria le Silisia ma tugu mbolŋge mine likade tane ŋakmba kaiye.

Sine aposel kame le gabat kame tane ndoŋ pasatam proweg.

24 Sine taŋgo afu kukul ndaniŋgigen le naŋgine wamdus dubimba tane Moses tuku tukul pasa dubiwap ŋga satiniŋginaig. Taŋanaig le tane wamdus pititiŋgina ta sine isgeŋ. 25 Sine maŋgurka pasa ta isgeŋ sulumba taŋgo armba madinikigen le tane tugum ta prowamŋgaik. Nale siŋgine gulab Barnabas le Paulus ndoŋ kukulniŋgigen.

26 Barnabas le Paulus siŋgine Suŋgo Yesus Kristus tuku piro ndo idusmba mara afu nale kume dirnaik. 27 Taŋgo ar kukulnikigen ta Yudas le Silas. Nane tane tugum prowaig sulumba sine pasa afu kuyarkigen te nane pasa ndui ta satinguwaig le isap. 28 Tukul Guwaŋge wamdus siŋgina ta ndo tane dubiwam tuku satiniŋgeg. Sine tane minde bada suŋgo pile tiŋge nda. Tane tukul kame te ndo dubikap. 29 Nane afu naŋgine mbara kanunu atraukade ndem ta nda nyap. Ndarenu mata nda nyap. Agaŋmor ŋinfok pipkade le ndare nda prote ta nda nyap. Tane taŋgo pino ndoŋ fare fare une ndakap. Tane tukul kame te ndo dubikap ta tane wam mayewamŋgaig.

Not ndo. Kile minap.

Yerusalem mbal taŋamba waŋe kuyarnaig.

30 Nane waŋe ta Yudas nale nikmba kukulnikinaig le nale Barnabas le Paulus dubika ndek Antiok kinaig. Kumba ka ta promba Yesus tuku kuasmbi kile-maŋgurka nale waŋe ta niŋginaik le 31 nane waŋe ta burka wam pagu pasa te maye ŋga gare tinaig.

<sup>32</sup>Yudas le Silas nale Kuate tuku tuan tango. Nale ndek Antiok mbal pasa gudommaba saninginaik le nane sangri tinginaig. <sup>33</sup>Nale mara afu Antioknge minnaik le kile Antiok mbal nale kukulnikinaig mbal ta tugum kuwaik nga kaiyenikinaig. <sup>34</sup>[Silas nu wamdus ande tumba mbulmba Antioknge minna.]

<sup>35</sup>Paulus le Barnabas Antioknge minmba tango afu ndoŋ Suŋgo tuku pasa nane tumnijmba minnaig.

### **Barnabas le Paulus nale mungu kusrekinaik**

<sup>36</sup>Tanjamba minnaig ma ma Paulus nu Barnabas sana: Sile buk ma yimyam mbolnge Suŋgo tuku pasa kuklimba ningikenŋ ta kile sile maŋ Yesus dubide mbal tuku mine kanŋerkam tuku kap ngina. <sup>37</sup>Tanjakina le Barnabas nu ndek woka Yohanus Markus ndoŋ kambim tuku sakina kande <sup>38</sup>Paulus nu mbulmba ndek sakina: Kuga. Sile nu ndoŋ piroka mingeŋ ma ma piro kuga ndana le Pamfiliange nu sile kusrekina tukunu ye mbulit ngina le <sup>39</sup>nale mungu kusrekinaik. Tanjamba Barnabas nu ndek Markus tumba waŋ poŋga Siprus nuy mbol kinaik le <sup>40</sup>Paulus nu Silas ndoŋ pirokam tuku sakina le Yesus tuku mbal nane sakinaig: Suŋgoŋge tale make patikuwa nginaig sulumba kukulnikinaig le kinaik.

<sup>41</sup>Paulus nu Silas tumba Siria le Silisia ma tugu mbol kumba Yesus tuku kuasmbi kame sangri pileninge likina.

### **Paulus nu li arnu tugu pilna**

**16** <sup>1</sup>Nale kumba ka Derbe promba Listra kinaik. Ka tanŋe tango ande Yesus dubina tuku nyunu Timoteus minna le kanŋernaik. Ina nuŋe Zu pino. Nu mata Yesus son ngina. Mam nuŋe Grik tango. <sup>2</sup>Yesus dubinaig mbal Listraŋge Ikoniumnge nane ŋakmba Timoteus tuku saka minnaig.

<sup>3</sup>Timoteus mam nuŋe Grik tango ta tumbraŋ ta tuku Zu mbal nane ŋakmba kila. Ta tuku Paulus nu Timoteus nu ndoŋ pirokuwa nga ngaro pike tuna. <sup>4</sup>Tajana sulumba nane tumbraŋ ŋakmba mbolnge lika Yerusalemnge aposel le gabat maŋgur mbolnge tukul afu nane dubikam tuku sakinaig ta sanijmba likinaig. <sup>5</sup>Nane tajanaig le Yesus tuku kuasmbi sangri tinginaig le mara mindek nane afu Yesus dubiwam tuku pro nane ndoŋ ulendikinaig.

### **Masedonia mbal pasa mayenu isnaig**

<sup>6</sup>Paulus nane Tukul Guwaŋge peuningina le nane Asia ma mbolnge pasa kukli ndamba Frigia le Galesia ma mbol kinaig. <sup>7</sup>Frisia le Galesia pronaig sulumba kumba ka Misia ma patumba Bitinia ma mbol kambim sakinaig ta Tukul Guwa nane maŋ peuningina. <sup>8</sup>Peuningina le nane Bitinia kine ndaka Misia laipmba ndek Troas tumbraŋ suŋgo mbol

pronaig. <sup>9</sup>Pro tanje furir Paulus nu kinatanu suk Masedonia tanjo ande kanjgerna. Tanjo ta nu Paulus tugumnje tinja Paulus nu Masedonia promba nane turkuwa nga sarsarmba minna. <sup>10</sup>Nu kinatanu suk wam ta kanjgerna le Paulus Silas Timoteus ye Lukas Kuatenje Masedonia mbal nu tuku pasa mayenu isam tuku kukulsingit nga wamdus pulusingina le sine dal ndaka Masedonia kambim tuku ndin sotigenj.

<sup>11</sup>Troasnje sine waj ponja pakarka Samotres nuy mbol kagenj. Ka tanje kinymba mafena le waj ponja Neapolis kagenj. <sup>12</sup>Tanje ibenj ka ndin dubimba ka Filipi promba sine mara afu tanje mingenj. Filipi nu Masedonia ma tugu tuku tumbran sunjo. Tumbran tanje Rom mbal gudomma pro mine likinaig.

<sup>13</sup>Kusem ait mbolnje sine Zu mbal afu kule makembi tanje yabanmba minig kande nga idusmba tumbran sunjo kusremba kule makembi ta ndek kagenj ka tanje pino afu manjurka minnaig le nane ndonj minyoka pasa-pasakigenj. <sup>14</sup>Pino kame sine tuku pasa isnaig ta ande nu Tiatira tumbran sunjo mbolok pino nyunu Lidia. Nu tuku piro ta nu tawi gurgur magenu wakeika patikanu le nane piyawanu. Nu Kuate mbarinmba minanu. Paulus nu pasatina le Kuatenje nu tuku wamdus purfeu tuna le nu Paulus tuku pasa ise tidinjingina. <sup>15</sup>Tanjamba nu nuje ndare tuma ndonj kule pisne tinaig sulumba nu sine ngailka sasingina: Tane ye sinja mbilka Yesus dubiwanu nga idusmba kande tane ka ye tuku wande mbolnje minap ngina.

### **Paulus nale Filipinje mulin kilmba wandeknje patikinaik**

<sup>16</sup>Mara ande sine yabanj ma mbol kagenj le pino mbanzo ande sine kile-siglikina. Pino ta kagmaikam tuku guwa njayonu njak. Nu tanjo afu tuku piro aganj tananj minmba kagmai piro kina le nane nu mbolnje ndametinj sunjomba kilnaig. <sup>17</sup>Pino ta nu sine Paulus ndonj dubika wika sakina: Tanjo kame te nane Sunjo Kuate tuku piro tanjo. Tane muskil kile-tidinge tinjam tuku ndin tumtingig ngina. <sup>18</sup>Nu ait sunjomba sine dubika tanjamba saka minanu le Paulus nu ndagarina le mbilka guwa njayonu ta sana: Ye Yesus Kristus tuku sanjri mbolnje ne sanet. Pino ta kusremba ne mayok kaye ngina. Tanjakina le nu pitik ndo pino ta kusremba mayok kina.

<sup>19</sup>Mayok kina le tanjo kame nu kulatka minnaig ta nane ndametinj kilanu ndin tukulkina le kanjermba Paulus le Silas bige tidinjinga kilmba didika ka manjur ma mbolnje gabat sugo am mbolnje kile-tidinjinaig. <sup>20</sup>Gabat sugo tugumnje kile-tidinja sakinaig: Tanjo ar te Zu tanjo. Nale sine tuku tumbran sunjo mbol te pronaik sulumba tanjo pino tuku wamdus njaigo siglikade. <sup>21</sup>Nale manjau afu kise sine dubinjingam tuku sasingik. Manjau sasingik ta sine Rom mbal dubikam kumu nj kuga nginaig.

<sup>22</sup>Tanjo pino mangur minnaig ta nale pasa mbolŋge patikinaig mbal ndoŋ ulendika Paulus le Silas tuku gubra pasa sakinaig. Tanjakinaig le Rom kame gabat nale tuku tawi fetfetmba nane afu saninginaig le nale kilmba gudabmbi pani farnikinaig. <sup>23</sup>Nale pani farnikmba ma ma patikinaig le kame gabat nale muliŋ kilmba wandekŋge patika muli wande kulatkanu tanjo sanaig: Ne nale kulat mageka ŋginaig. <sup>24</sup>Tanjaka sanaig le nu pasa ta ismba wande ŋgamuŋge nale patikina. Nu ail mbanj armba kilmba nale tuku kupe burok sigirka kuse ndiŋnikina.

<sup>25</sup>Furir ŋgamu Paulus le Silas Kuate tuku nyu te-duŋga mune afu nindmba Kuate yabanjmba minnaik le muli wandekŋge tanjo ŋakmba nane wam ta ismba minnaig. <sup>26</sup>Tanjamba minnaik le mumni suŋgo promba muli wande makek buru-buruniŋmba wande malaŋga ŋakmba talke likinaig le muliŋ kilnaig mbal wai kupe ndaleke likinaig ta muli ŋakmba ake kuklike likinaig.

<sup>27</sup>Muli wande kulatkanu tanjo nu aboŋga tiŋga malaŋga ŋakmba talok minnaig le kaŋgerka tanjo ŋakmba kua kagig ŋga idusmba kuru-kuruka nuŋe bagi gomba tumba nuŋe miroŋ ŋgaro balewam bafuna kande <sup>28</sup>Paulus nu kuenjka sakina: Naŋe miroŋ ŋgaro bale ndawa. Sine ŋakmba mineg o ŋgina.

<sup>29</sup>Kile wande kulatkanu tanjo nu sati tuku wikina sulumba tumba pinderka muli wandek sinam kumba nu kuru-kuruka piriri ŋayomba ka Paulus le Silas tugumuŋge truk kina. <sup>30</sup>Tanjamba nu tiŋga nale kilmba mayok kumba sanikina: O tira kame, ye ndaŋi sulumba abo ŋak minmba minamŋgit ŋgina le <sup>31</sup>nale nu sanaik: Ne Suŋgo Yesus tuku son ŋga le nu ne tuku muskil te-tine tinwa sulumba naŋe ndare tuma mbal turmba kile-tidiŋge niŋguwa ŋginaik. <sup>32</sup>Tanjaka sakinaik sulumba Paulus nale pasa kuklinaik le muli wande kulatkanu tanjo nuŋe ndare tuma turmba Suŋgo tuku pasa isnaig.

<sup>33</sup>Muli wande kulatkanu tanjo nu Paulus nale kilmba kumba ka katnikinaig tuku we ta minyaŋge likina. Tanjamba nu nuŋe ndare tuma kame ndoŋ kule pisne tinaig. <sup>34</sup>Kule pisne tinaig sulumba Paulus le Silas kilmba naŋgine wande mbol kumba isukusnenikinaig. Nu nuŋe ndare tuma ŋakmba Kuate son ŋginaig tukunu gare suŋgo tinaig.

<sup>35</sup>Mafena le kame gabat Paulus le Silas paska kile-mayokkuwaig ŋga kame tanjo afu kukulniŋginaig le ka muli wande kulatkanu tanjo sanaig. <sup>36</sup>Sanaig le nu ka Paulus nale sanikina: Rom kame gabat ye tale pitaiki le ake kambim tuku sakaig. Tale mayok ka wamdus bulok ŋak kape ŋgina kande <sup>37</sup>Paulus nu sana: Kuga. Sile Romnu. Nane sile tuku pasa te-ti ndamba tanjo am mbolŋge ake pani farsikmba muliŋ kilmba wandekŋge patikinaig ta nane mbarnaig. Kile nane kuirkuirka sile pitaikam kumuŋ kuga. Sile mayok kine nda. Kame gabat ta saningap le naŋgine miroŋ te promba sile paskuwaig ŋgina.

<sup>38</sup>Kame tanjo nane luka Rom kame gabat Paulus tuku pasa saniŋginaig le Paulus le Silas nale Romnu ta kila pilmba wamdus fulilkinaig sulumba <sup>39</sup>nane kumba nale sanikinaig: Ae. Sine mbargeŋ ŋginaig. Tanjamba nale paska kile-mayokka tale tumbran ŋunjo te kusremba kape ŋginaig.

<sup>40</sup>Nale muli wande kusremba ka Lidia tugum pronaik. Nu tugum promba Yesus dubinaig mbal ŋakmba sanjri tingam tuku pasa afu saniŋginaig sulumba tinja ma kise mbol kinaik.

### Tesalonika mbal pasa mayenu isnaig

**17** <sup>1</sup>Paulus le Silas nale kinaik ka Amfipolis le Apolonia tumbran sugo ar ta kusreka kinaik ka Tesalonika pronaik. Tumbran tanje Zu mbal tuku kusem wande ande minna. <sup>2</sup>Paulus nu kusem mindek nuŋe manau dubimba kusem wandekŋge kuyar pasa burka kuklimba nane ndoŋ pasa tugu yimyam tugu bitekŋga tumniŋmba minna le kusem keŋmba kinaig.

<sup>3</sup>Paulus nu kuyar pasa tugunu kuklimba teŋenmba saniŋgina: Kristus nu pro rar ŋunjo tumba kumwa sulumba nu man tinunjat ŋga kuyar pasa tumsinjit. Ye Yesus tuku satinjet ta nu Kristus ŋgina. <sup>4</sup>Tanjakina le Zu tanjo afu Paulus tuku pasa ismba son ŋga Paulus le Silas ndoŋ ulendikinaig. Grik tanjo gudommba Kuate dubinaig ta pino kame afu nyu ŋak minnaig ta nane mata son ŋginaig.

<sup>5</sup>Nane gudommba Paulus nale dubikinaig le Zu mbal afu gubra tumba wamdus kagli firka ndek tigli sota nyumba likanu tanjo afu kilmba kuasmbi ŋunjo kile-manjurkinaig le nane ŋakmba ŋgumbeyumba tinja kumba Yason tuku wande kormba Paulus nale kilmba tanjo ŋakmba am mbolŋge kile-tidinjam tuku sotinaig. <sup>6</sup>Sotinaig kande nane Paulus nale kiringa ndek Yason Yesus tuku mbal afu turmba bige tidinjam kilmba didika pro tumbran ŋunjo tuku gabat kame tugumŋge kile-tidinjam wika saniŋginaig: Tanjo ar ta ma tugu ŋakmba mbolŋge nakile pasa kuklimba tanjo pino tetkinaig sulumba kile nale tumbran ŋunjo te mbol pronaik le <sup>7</sup>Yasonŋge kilna. Nane ŋakmba sinjine gabat Sesar tuku tukul lukaka gabat kise nyunu Yesus minit ŋga sakade ŋginaig. <sup>8</sup>Tanjakinaig le tumbran ŋunjo ta tuku gabat mbal tanjo pino nane gabat kise tuku nyu ta ismba wamdus ŋaigonjinaig ta <sup>9</sup>gabat kame nane zigna ŋunjo ta tukulam tuku Yason nane ndametij afu yaika nane kukulniŋginaig le luka kinaig.

### Berea mbal pasa mayenu isnaig

<sup>10</sup>Furirna le Yesus tuku mbal Paulus le Silas kukulnikinaig le nale tinja ka Berea pronaik. Pro tanje Zu mbal tuku kusem wande sinam kinaik. <sup>11</sup>Nale kuyar pasa kuklinaik le Berea tuku Zu mbal nane Tesalonika tuku Zu mbal tanjan mine ndaka nane pasa ise mayenaig. Nane mara mindek

kuyar pasa burka nale tuku pasa son e ko kuga nga sotanu. <sup>12</sup>Tanjamba Zu mbal gudommba Yesus tuku son nginaig. Grik tanjo pino nyu njak nane afu mata son nginaig.

<sup>13</sup>Kile Tesalonika tuku Zu mbal afu Paulus nu Bereange Kuate tuku pasa kuklimba minanu pasa ta ismba nane ndek Berea pronaig. Pro tanje nane kuasmbi yimyam ngamuknge Paulus le Silas talanikuwaig nga nane tuku wamdus didikinaig le <sup>14</sup>Yesus tuku mbal wam ta kila pilmba Paulus piyal nzi kuwa nga sanaig sulumba afu nu mindemba ndek kinaig. Silas le Timoteus nale Bereange minnaik.

<sup>15</sup>Kinaig ka ka piyalnge tumbran sunjo Atens pronaig. Pro tanje nane Paulus kusremba lukam bafunaig le nu Silas le Timoteus ndin ande kanjermba ndeta pitik te prowaik nga pasa pilna le nane kinaig.

### Atens mbal pasa mayenu isnaig

<sup>16</sup>Atensnge Paulus nu nale tairnga minmba nu kine promba lika nane tuku mbara kanunu gudommba kanjerka wamdus nayongina sulumba <sup>17</sup>nu kumba ka kusem wande sinamnge Zu mbal kasomok Kuate dubinaig mbal nane ndon pasa tugu biteknga tumnijmba minna. Mara mindek nu tumbran sunjo tuku manjur ma mbolnge nane afu minanu ta nane ndon mata tajawanu.

<sup>18</sup>Nu Yesus kummba manj tingina wam ta tuku saningina le Epikurian le Stoik mbal afu pro nu ndon pasambi kualeyaukumba sakinaig: Tanjo te njale parak pasa sakate nga talanaig. Afu tejenmba sakinaig: Nu rawe mbal tuku mbara afu tuku sakate inde nginaig.

<sup>19</sup>Tanjaka saka nane Paulus tumba kumba ka nanjine manjur ma sunjo nyunu Ariopagusnge manjurka Paulus sanaig: Ne pasa kiteknu sakate ta manj saka le sine isbe. <sup>20</sup>Ne pasa sakate ta sine nginngankek. Sine pasa ta tugunu isam tuku iduseg nginaig. <sup>21</sup>Atens mbal rawe mbal tanje minnaig ta turmba nane ait njakmba mbolnge wam kube kitek saka ismba minanu.

<sup>22</sup>Kile Paulus nu Ariopagus manjur ma ngamuknge tinga saningina: Atens mbal, tane mbara yimyam dubikam tuku wamdus pilig le kamuset. <sup>23</sup>Ye kine promba tanjine mbara kanunu gudommba kanjerke liken ta ande tuku mbain mbolnge kuyar ande tejenmba kanjeren. Mbara ande sine gilai ta mbain te mbolnge mbarinam tuku nga kuyarnaig. Ata. Mbara tane gilai minig ta ye kila satinngamngit. <sup>24</sup>Kuatenge kilke agaņ ndende njakmba kile-mayokkina. Nu samba le kilke tuku Sunjo. Tanjo nanjine waimbi mbarinam tuku wande pilig ta nu ta sinamnge mine ndakate. <sup>25</sup>Kuate nu ngarosu abo minam tuku agaņ njakmba kumumbi sinngit. Agaņ njakmba nu miro. Sine Kuate tuku piro keg ta sine agaņ inum nu tambim tuku mine ndakate.

<sup>26</sup>Kuate nu tanjo ndindo wakeina le nu tuku ndare puluka tugeka kilke tugu yimyam mbolnge mine likade. Nane ma ndaņ mbolnge



minyokamŋgaig ko ginu mara nane tuku ait prowam tuku ta Kuate nu o buk madina. <sup>27</sup>Kilke mbol mbal nu sota te-silikuwaig ŋga Kuate nu taŋamba wam ta ke likate. Nane nu sotade ta nu maskenŋge mine ndakate. Nu sine ŋakmba tugumŋge minit. <sup>28</sup>Taŋgo ande teŋenmba kuyarna. Sine abo ŋak minmba likeg ta nu tugu ŋga kuyarna. Taŋgine kuyar taŋgo ande mata teŋenmba kuyarna. Sine nu tuku kiŋo kame mineg ŋga kuyarna. <sup>29</sup>Sine Kuate tuku kiŋo kame mineg ta son. Ta tuku taŋgo naŋgine wamdusmbi gol silwa ko ndame kilmba agaŋ afu wakeikade ta singine mbara ŋgam kumuŋ kuga. <sup>30</sup>Taŋgo tuku ŋginŋan maŋau ta Kuate nu buk mapeka pa niŋge ndakina ta kile nu kilke tugu ŋakmba ŋgamuŋgal biye mbilmba naŋgine mbar kusrekuwaig ŋga sakate. <sup>31</sup>Sine kilke mbol mbal pilesiŋgam tuku Kuate nu ait ande madina. Ait ta kumuŋguwa le sine kumumbi pilesiŋgam tuku nu taŋgo ande pilna. Taŋgo pilna ta sine nu kila pilbe ŋga nu kumna le Kuateŋge maŋ te-tina le tiŋgina ŋga Atens mbal saniŋgina.

<sup>32</sup>Nane Yesus kummba maŋ tiŋgina pasa ta ismba nane afu Paulus tuku pasa talamba nzumil te-tunaig le afu ndek sanaig: Mara ande maŋ sine sasiŋga le isbe ŋginaig. <sup>33</sup>Taŋakinaig le Paulus nu maŋgur ma ta kusremba kina le <sup>34</sup>Atens mbal afu Paulus ndoŋ ulendika Yesus tuku son ŋginaig. Nane tuku ande nyunu Dionisius. Nu Ariopagus ma ta tuku pasa pilewanu taŋgo ande. Pino ande nyunu Damaris nane afu turmba son ŋginaig.

### Korin mbal pasa mayenu isnaig

**18** <sup>1</sup>Paulus nu Atens kusremba Korin tumbraŋ suŋgo mbol kina. <sup>2</sup>Pro taŋge nu Zu taŋgo ande nyunu Akuila te-silikina. Nuŋe kilke tuguk ta Pontus. Nu ailfu ndo piyo nuŋe Prisila ndoŋ Itali kilke mbolŋge minnaik ta mandor Klaudius Zu mbal ŋakmba Rom kusrewaig ŋga sakina le nale Rom kusremba Korin pronaik. <sup>3</sup>Nale tuku piro ta tawi wande zailŋga wakeikanu. Paulus nu mata piro ndui ta kina tukunu nu nale ndoŋ minmba piroka minna. <sup>4</sup>Kusem mindek nu kusem wandekŋge Zu mbal Grik mbal wamdus kilam tuku nane ndoŋ pasa tugu bitekŋga tumniŋmba minanu.

<sup>5</sup>Taŋamba minna le Silas nale Timoteus ndoŋ Masedoniange pronaik le nu tawi wande tuku piro kusremba ait ŋakmba mbolŋge Yesus nu siŋka Kristus ŋga Zu mbal ŋgamukŋge te-mayokmba saka minna. <sup>6</sup>Taŋamba saka minna le Zu mbal nane Paulus ndoŋ pasambi kualeyauka nu tumail pannaig le nu ndek nuŋe tawi tumba nane am mbolŋge tuptup paurnga saniŋgina: Tane ŋgisikap ta ye tuku mbar kuga. Taŋgine mbar. Ye kile kasomok mbal tugum kaŋgit ŋgina.

<sup>7</sup>Taŋakina sulumba Paulus nu nane kusreka kumba kasomok taŋgo ande Kuate dubina tuku nyunu Titius Yustus nu tuku wande mbolŋge minna. Nu tuku wande Zu mbal tuku kusem wande gemmba minna.

<sup>8</sup> Zu mbal tuku kusem wande kulat tanjo nyunu Krispas nuje ndare tuma ndon nane Paulus tuku pasa ismba son nginaig. Korin mbal afu turmba son nginaig sulumba kule pisne tinaig.

<sup>9</sup> Tanjamba minnaig sulumba furir ande Paulus nu kijatanu suk Sunjo kanjerna le nu sana: Ne kuru-kuruka minje tukul ndamba pasa kukliwa. <sup>10</sup> Ye ne ndon minet. Nane afu ne njayo silinam kumuñ kuga. Tumbran sunjo te mbolnje nane gudommba ye tuku mbal mayok kambim tuku minig nga Paulus sana. <sup>11</sup> Tanjakina le Paulus nu nane ndon yar ndindo ande baternu Kuate tuku pasa tumnijmba minna.

<sup>12</sup> Kile Galio nu Akaia ma tugu kulatka minna le Zu tanjo njakmba mangurka Paulus biye timba tumba nu tugum promba sanaig; <sup>13</sup> Tanjo te nu sine tuku tukul lukaka Kuate mbarinam tuku manau kitek tanjo pino tumningit nginaig. <sup>14</sup> Tanjakinaig le Paulus nu pasa lafuwam bafuna le Galio nu ndek Zu mbal saningina: Zu mbal tane isap. Tanjo te nu Rom mbal tuku tukul ande mbarmba ko wam njayote kande ye tane tuku pasa ismba te-tiwet kande. <sup>15</sup> Ima tane ngamuknje pasa sinja njak ko nyu njak minit ko ima tanjine mbun kame tuku kuyar pasa dubite mbar kame ta tuku ye te-tiwe nda. Kumba tanjine te-tiwap ngina. <sup>16</sup> Tanjaka nu nane pitaikina le nane mayok ka kinaig. <sup>17</sup> Nane ka kusem wande kulat tanjo Sostenes biye timba tumba ka pasa pilewanu wande tugum tanje panijtinaig ta Galio nu wam ta kanjermba nda kanjeranu sukmba minna.

### Paulus nu luka Antiok kina

<sup>18</sup> Paulus nu ait kuennu Korinje Yesus tuku mbal ndon minna sulumba kile nu nane kusreka waj ponga Siria ma tugu mbol kambim kina. Prisila Akuila nale Paulus ndon kinaik. Nane ka Senkrea tumbran sunjo mbolnje Paulus nu nuje gabat kuerkina. Ta ndanam? Nu buk pasa sangrinu Kuate sana ta kumuna tukunu nu tanje gabat kuerkina.

<sup>19</sup> Tanjamba nane waj ponga kumba ka Efesusnje iben kinaig. Iben ka Paulus nu Prisila Akuila kusreka nuje ndo kusem wande mbol kina ka tanje Zu afu ndon pasa tugu biteknga tumnijmba minna le <sup>20</sup> Zu mbal afu Paulus nu nane ndon minam tuku ngailkinaig ta nu mbulna. <sup>21</sup> Nu nane kusrekam nga saningina: Kuate nu nzaliwa ndeta ye manje te prowamngit ngina. Tanjakina sulumba nu waj ponga Efesus kusrena. <sup>22</sup> Nu kumba ka Sesareanje iben kina. Iben ka nu ndek mbumba kumba Yerusalem prona sulumba Yesus tuku mbal kaiyenijmba nu manje ndek Antiok kina.

### Paulus nu li keñnu tugu pilna

<sup>23</sup> Antioknje ait kuennu minna sulumba nu manje tinja Galesia le Frigia ma mbol lika Yesus tuku mbal sangri pilenijmba minna le

<sup>24</sup>Zu tanjo ande nyunu Apolos nu Efesus prona. Nuŋe tumbranj tuguk Aleksandria. Nu Kuate tuku kuyar pasa tugusemba kila pilmba nu miŋge bulok pasa kuklina. <sup>25</sup>Yohanus kule pisneŋge Sunjo Yesus tuku sakina ta nane afunje tumnaig le nu ta kubewam tuku sanjri ŋak. Nu Yesus tuku tugusemba sakina ta nu Yohanus kule pisne tuku pasa ta ndo idusmba sakina. <sup>26</sup>Nu tanjo tuku kuru kuru ndaka Zu mbal tuku kusem wandekŋge pasa kuklimba minna. Nu pasa kuklina le Prisila le Akuila nale isnaik sulumba nu tumba Yesus tuku tugu ŋakmba tugusemba samba tumnaik.

<sup>27</sup>Tañanaik le Apolos nu Akaia ma mbol kambim sakina le Yesus dubinaig mbal nane nu turmba Akaia Kristen tuku kila waŋe ande kuyarmba nane nu tuwaig ŋga saninginaig. Apolos nu Akaia prona sulumba tanje minmba Kuatenje make pilna le Yesus tuku son ŋginaig mbal nu nane sungomba turkina. <sup>28</sup>Nu tanjo ŋakmba ŋgamukŋge kuyar pasa burka Yesus nu Kristus ta tugusemba tumniŋmba Zu mbal tuku pasa ŋakmba kile-ibenkina.

### Efesus mbal pasa mayenu isnaig

**19** <sup>1</sup>Apolos nu Korinje minna le Paulus nu kumba ka tabe poŋ pilemba Efesus prona. Pro tanje Yesus dubinaig mbal afu kile-siglikina sulumba <sup>2</sup>kusnaniŋgina: Tane pasa mayenu isnaig ta tane Tukul Guwa tinaig e ŋga kusnaniŋgina le nane ndek nu sanaig: Kuga. Sine Tukul Guwa nyu ise ndakeg ŋginaig. <sup>3</sup>Tañakinaig le nu maŋ lato kusnaniŋgina: Tane Tukul Guwa gilai ŋgade ta ima tuku nyu mbolŋge kule pisne tinaig ŋgina le nane nu sanaig: Sine Yohanus tuku nyu mbolŋge kule pisne tigenj ŋginaig. <sup>4</sup>Tañaka sanaig le nu saningina: Yohanus nu pasa kuklimba tanjo pino tejenmba saningina. Tane ŋgamunjal biye mbilmba kule pisne tap. Ande ye ŋgumnemŋge prowamŋgat ta tane nu tuku son ŋgap ŋgina. Tanjo ta Yesus ŋga saningina le <sup>5</sup>nane pasa ta ismba Sunjo Yesus tuku nyu mbolŋge kule pisne tinaig. <sup>6</sup>Tañanaig le Paulus nu wai nane mbolŋge patikina le nane Tukul Guwa tumba pasa kuale gilai ta saka minnaig. Tukul Guwa nu nane pasa saningina le ismba kile-mayokkinaig. <sup>7</sup>Nane tañanaig mbal ta ulendika tanjo 12 tañan.

<sup>8</sup>Paulus nu Efesusŋge tambun keŋmba minna sulumba nu tanjo tuku kuru kuru ndaka kusem wande sinamŋge Kuate nu nuŋe gageu kulatkate wam ta Zu afu ndoŋ pasa tugu bitekŋga tumniŋmba minna. <sup>9</sup>Afu nu tuku pasa ismba ŋgamunjal tukulmba tanjo pino am mbolŋge Yesus tuku mbal kiko pileniŋmba minnaig le Paulus ndek Yesus tuku mbal ndoŋ kusem wande kusrenaig. Nane tanjo ande nyunu Tiranus tuku tanjo tumniŋganu wandekŋge mara mara maŋgurka Paulus nu tanje afu ndoŋ pasa bitekŋga tumniŋmba minanu. <sup>10</sup>Nu yar armba taŋamba minna le Asia ma mbolŋge Zu le Grik ŋakmba Sunjo tuku pasa isnaig.

<sup>11</sup>Ait ta mbolŋge Kuate nu Paulus sanŋri tuna le nu wam kitek sanŋri ŋak ke likina le <sup>12</sup>nane afu Paulus tuku piro tawi mundu saukanu tawi ta kilmba nanŋine guaze mbal mbolŋge patike likinaig le nane magekinaig. Afu guwa ŋaigonu nane mbolŋge minnaig ta kua kine likinaig.

### Skevas tuku kiŋo kame mbarnaig

<sup>13-15</sup>Zu mbal tuku pris gabat ande nyunu Skevas nu kiŋo 7 ŋak minna. Kiŋo kame ta ma yimyam mbolŋge lika kumba guwa ŋaigonunŋe mbal waneninganu wakeikanu. Nane Sunŋo Yesus tuku nyu ismba nyu ta sanŋri ŋak ŋga guwa ŋaigonu afu pitaikam tuku ake tummba ande sanaig: Yesus tuku nyu Paulusŋge te-mayokte nyu tambi ne saneg. Ne tanŋo te kusrewa ŋginaig. Tanŋakinaig kande guwa ŋayonu ndek nane saningina: Yesus le Paulus ye kila ta tane ima kate ŋgina. <sup>16</sup>Tanŋaka tanŋo guwa ŋayonu ŋak ta pateŋga nane ŋgamuk kumba nane kilmba pani farmba ŋakmba kile-ibenŋkina. Kile-ibenŋkina le nane wande ta kusremba nane ŋgarosu ndare ŋak ŋak wagek kua ka kinaig.

<sup>17</sup>Efesusŋge Grik mbal Zu mbal ŋakmba wam ta ismba kuru kuru sunŋo tinaig sulumba nane gudommba Yesus tuku nyu te-duŋga saka minnaig. <sup>18</sup>Yesus dubinaig mbal nane mata pro manŋur mbolŋge nanŋine kuanye tugu mindek kile-mayokkinaig. <sup>19</sup>Nane afu nanŋine kagmai manŋau waŋe mbolŋge kuyarke likanu ta waŋe kame ta ŋakmba kilmba manŋurka nane ŋakmba am mbolŋge pasokinaig le uge sulunaig. Waŋe kame ta ŋakmba ulendika piyanu ta soŋ 5,000 tanŋaŋ. <sup>20</sup>Nane nanŋine mbar ta kusrekenaig le Sunŋo Yesus tuku pasa sunŋokina le nu dubinaig mbal tuge ŋayona.

<sup>21</sup>Wam ŋakmba ta mayok kinaig le Paulus nu wamdus tumba nu Masedonia le Akaia ma tugu kuwa sulumba manŋ luka Yerusalem kambim tuku sakina. Ŋgumneŋga nu Rom mata kanŋeram tuku saka minna. <sup>22</sup>Nu turnaik tuku tanŋo armba Timoteus le Erastus kukulnikina le nale Masedonia kinaig le nu ait afu Asia ma mbolŋge minna.

### Efesusŋge gubra sunŋo mayok kina

<sup>23</sup>Ait ta mbolŋge Efesusŋge nane gudommba Yesus tuku mbal tuku gubra tumba pasa sunŋo ande mayok kina. Gubra tugunu ta teŋenmba.

<sup>24</sup>Tanŋo ande nyunu Demetrius nu silwambi agaŋ kame wakeikanu. Tanŋo ta nu Efesus mbal nanŋine pino mbara Artemis mbarinŋam tuku wande ta kanunu silwambi fonŋonmba wakeikina le nane ŋakmba piyamba minnaig le Demetrius nuŋe piro tanŋo turmba ndametiŋ sunŋo kilnaig. <sup>25</sup>Tanŋo ta manŋur pilmba nuŋe piro mbal nuŋe piro tuma turmba saningina: Mata kame, sinŋine mbara tuku wai kuyar fonŋon patika ndametiŋ sunŋo kileg ta tane kila. <sup>26</sup>Paulus ŋgade tanŋo ta nu teŋe Asia ma ŋakmba mbolŋge pasa kuklimba tanŋo nanŋine waimbi mbara wakeikade ta mbara kuga ŋga

gudommba didikate le nane mbilka nangine mbara kame kusrekade wam ta tane isig. <sup>27</sup>Ta tuku nane njakmba sine tuku piro talawam bafude. Ta ndo kuga. Sine tuku pino mbara Artemis mbariŋam tuku wande kusrewaig le ake minamngat. Taŋawaig ta siŋine mbara suŋgo kile Asia kilke tugu njakmba nyu te-duŋga minig ta nane nu ngumnewaig le nu nyu kugatok minamngat ngina.

<sup>28</sup>Nane pasa ta ismba gubra kagli firka wikaraumba ngumbeyumba sakinaig: Artemis nu sine Efesus mbal tuku gabat suŋgo nginaig. <sup>29</sup>Nane wikaraumba minnaig le Efesus mbal zigna ta ismba njakmba pinder-pindermba Masedonia taŋgo armba Paulus ndoŋ likinaik tuku Gaius le Aristarkus bige tidinga kilmba didika maŋgur ma suŋgo mbol pronaig. <sup>30</sup>Paulus mata taŋgo maŋgur suŋgo ta tugum kambim bafuna ta Yesus dubinaig mbal nu ngailkinaig. <sup>31</sup>Asia gabat sugo afu nane Paulus ndoŋ gulabnaig ta nane mata Paulus maŋgur ma mbol nda kuwa nga afu kukulniŋginaig le pro Paulus peunaig.

<sup>32</sup>Maŋgurkinaig mbal nginnganka sine pro ndaŋam maŋgurkigig nga saka fare fare pasa gabat yimyam saka ngumbeyumba minnaig le <sup>33</sup>Zu mbal nane nangine taŋgo ande nyunu Aleksander nu pasa te-tiwa nga mbiti-mbitinaig le kile nane afu nu pasa tuwa nga sanaig. Nu pasa te-tiwam idusmba nane maninkuwaig nga waambi peuniŋmba saniŋgam bafuna ta <sup>34</sup>nane nu Zu taŋgo ta kila pilmba nane ngumbeyumba pasa ndui ta sakinaig: Artemis nu sine Efesus mbal tuku gabat suŋgo nga saka minnaig le ka ki kanum armba kina.

<sup>35</sup>Taŋamba ngumbeyumba minnaig le Efesus tuku waŋe kuyar pirokate taŋgo pro wai te-duŋga maninkuwaig nga saka minna le ma ma nane minin-maninnaig. Taŋanaig le nu nane saniŋgina: Efesus mbal, tane isap. Sine Artemis mbariŋam tuku wande nu tuku ndame kanu samba mbolŋge ndekina ta turmba kulat mageweg ta kilke mbol mbal njakmba nane kila. <sup>36</sup>Ande nu pasa ta pitaiwam kumuŋ kuga. Ta tuku taŋgine gubra te-ibenmba wam ande ŋayonu pitik kam idus ndawap. <sup>37</sup>Tane taŋgo armba kilmba prowaig te nale siŋine mbariŋam tuku wandekŋge agaŋ ande kuayarmba ko siŋine mbara Artemis tuku ngumnem pasa sa ndakade. <sup>38</sup>Sine pasa pilewanu wande njak. Pasa pilewanu taŋgo mata minig. Demetrius nuŋe piro mbal ndoŋ afu tuku gubra njak ndeta nane kilmba pasa mbolŋge patikuwaig. <sup>39</sup>Tane pasa gabat afu minig ndeta ta mata maŋgurkam ait mbolŋge kile-tidingap. <sup>40</sup>Kile sine pasa zigna suŋgo mayok kinit te gabat sugo ismba kusnasinguwaig ta ame pasa alonu saniŋgamngig. Maŋgur suŋgo te pasa alo kugatok ngina. <sup>41</sup>Tajaka pitaika kapeniŋgina le nane sili-silinaig.

### Paulus nu Masedonia le Grik ma tugu mbol kina

**20** <sup>1</sup>Nane gubra ngumbeyu ta maninka sili-silinaig le Paulus nu Yesus dubinaig mbal kile-maŋgurka pasa afumbi saŋgri pileniŋgina sulumba nane kusreka Masedonia ma tugu mbol kina.

<sup>2</sup>Nu ma ta mbol lika kumba Yesus dubinaig mbal sangri pileniŋmba ka ka Grik kilke mbol prona. <sup>3</sup>Pro tanŋe nu tambun keŋmba minna. Tambun keŋmba kuganaig le nu waŋ poŋga maŋ luka Siria ma mbol kambim sakina ta Zu mbal afu nu balewam saka ndin tukulnaig le nu wamdus mbilmba Masedonia kumam kambim sakina.

<sup>4</sup>Tanŋo afu nu ndoŋ kinaig ta nyu naŋgine teŋenmba. Bereanu tanŋo ande Pirus tuku kiŋo nuŋe Sopater. Tesalonikanu tanŋo armba Aristarkus le Sekundus. Derbenu tanŋo ande nyunu Gaius. Ande Timoteus. Asianu tanŋo armba Tikikus le Trofimus. <sup>5</sup>Tanŋo 7 ta ye Lukas sile Paulus ndoŋ kusreka amboŋga kumba ka Troasŋe sine tairiŋga minnaig.

<sup>6</sup>Sile Filipinŋe bret yis kugatok nyam tuku kusem kugana le sile waŋ poŋga kumba ka mara 5 kuganaig le Troas proŋeŋ. Pro tanŋe nane amboŋginaig mbal ta kile-siglika kusem ndindo tanŋe mingeŋ.

#### **Paulus nu Yutikus te-tina le aboŋgina**

<sup>7</sup>Tanŋe mingeŋ sulumba kusem mboŋŋe<sup>b</sup> sine pasa nyam tuku maŋgurkiŋeŋ le Paulus nu ye indole kaŋgit ŋga pasa kuenmba kuklimba minna le furir ŋgamuna. <sup>8</sup>Sine maŋgurkiŋeŋ wande ta mbain keŋmba ŋak. Mbain inum o mboŋŋe bulu gudommba taikanu minnaig le sine ta mboŋŋe mingeŋ.

<sup>9</sup>Tanŋo mo ande nyunu Yutikus nu bubre malaŋga mboŋŋe minyok minna. Paulus nu pasa didika kuenmba minna le Yutikus nu kinye gilaiŋga mbol tanŋe kakloska ndek kilke mbol ndekina. Ndekina le afu ibeŋ ka nu te-duŋginaig ta nu kumna le kaŋgernaig. <sup>10</sup>Taŋanaig le Paulus nu ibeŋ ka nu mboŋŋe baufka bagailmba sakina: Tane wamdus fulil ndakap. Nu abo ŋak minit ŋgina.

<sup>11</sup>Taŋaka Paulus nu maŋ mbain mbol ambe kina ka nane ndoŋ pasa nyumba nu nane ndoŋ pasata minna le ka mafena. Mafena le nu nane kusreka kina. <sup>12</sup>Nu kina le nane mata sili-silimba tanŋo mo aboŋgina ta ndoŋ kumba wamdus bulok kinaig.

#### **Paulus nu Efesus gabat tanŋo kame wam paguniŋgina**

<sup>13</sup>Paulus nu ndinmba ka Asusŋe waŋ poŋgam sasiŋgina le sineŋ ndo waŋ poŋga Asus kageŋ. <sup>14</sup>Nu pro Asusŋe waŋ poŋgina le sine kageŋ ka Mitilenenŋe ibeŋ kageŋ. <sup>15</sup>Maŋ tiŋga ka mafena le sine Kios limba ka maŋ mafena le Samos proŋeŋ. Tanŋe tiŋga kumba ka Efesus limba mafena le Miletusŋe ibeŋ kageŋ. <sup>16</sup>Paulus nu teŋenmba idusna. Ye Asia ma mbol nda ka sulumba pitik ndo Yerusalem kumba pagumba nye suŋgo Pentikos kaŋgeramŋgit ŋga idusmba nu Efesusŋe ibeŋ ndakina.

<sup>b</sup> 20.7 Kristen tanŋo pino nane Yesus tiŋgina ait ta naŋgine kusem ŋgade. Zu mbal nane Sarare ta naŋgine kusem ŋgade

<sup>17</sup>Miletusŋge ibeŋ ka Paulus nu nane afu kukulningina le nane Yesus tuku kuasmbi tuku gabat tanjo afu kilam Efesus kinaig ka <sup>18</sup>nane kilmba pronaig le nu ndek Efesus gabat tanjo kame ta saningina: Ye abo abo Asia ma mbol prowen sulumba ye tane ndoŋ mine sungowen le tane ye tuku mine manjau kila pilnaig. <sup>19</sup>Ye nyu kugatok tanan Kuate tuku piro biyen. Ye mara afu piro tuku piti kamusmba malmbiken. Zu mbal ye baleyam sakinaig ta ye piti ta mata kuramba piro kusre ndawen. <sup>20</sup>Ye manjur mbolŋge tanjo tuku wande mbolŋge lika pasa satinje liken. Pasa afu tane wamdus sanjri piletingam tuku ye ande kusre ndawen. <sup>21</sup>Zu mbal Grik mbal turmba ngamungal biye mbilmba nangine manjau ngagonu kusreka singine Sunjo Yesus Kristus tuku kume tuku sanjri tomba tingywaig nga ye riron pasa saningen.

<sup>22</sup>Kile ye Yerusalem kambim tuku Tukul Guwanje sanjri tinga ye sayumba minit. Ka Yerusalemŋge ame manjau ye mbolŋge prowamngat ta ye gilai. <sup>23</sup>Nane ye ndalekuwaig sulumba rar sunjo tam tuku ma ngakmba mbolŋge Tukul Guwanje sayate ta ndo ye kila. <sup>24</sup>Yije mine mayewam tuku ye idus ndawet. Sunjo Yesus nu piro sina te ke suluwam tuku ndo iduset. Kuate nu tanjo ake sinan make patika muskil kile-tidingate pasa mayenu ta kukliwam tuku ye piroket.

<sup>25</sup>Ye tane ngamukŋge liken sulumba Kuate nuje gageu kulatkate wam tumtingen ta tane ye manj kanjerye nda ta ye kila. <sup>26</sup>Ta tuku ye tane satinjet. Tane afu ngisikumba ndeta ye tuku mbar kuga. Tangine mbar. <sup>27</sup>Kuate tuku nzali tanjo dubikam tuku ta ngakmba satinjen. Ye inum kusre ndawen. <sup>28</sup>Tangine manjau kurauka Kuate dubi mayewap. Tane Sunjo Yesus tuku mbal kulatkam tuku Tukul Guwanje tane patikina. Ta tuku tane nuje sipsip kame nyamagan magenu ningap le nyuwaig. Nane nuje mbal mayok kambim tuku Sunjo Yesus nu kumna.

<sup>29</sup>Ye tane kusreki le age nguikok afu tane ngamukŋge promba Sunjo Yesus tuku sipsip mape ndaka ngajo siglikamngag ta ye kila. <sup>30</sup>Tane ngamukŋge mbal afu mata tinga Sunjo Yesus tuku mbal nane dubikuwaig nga Kuate tuku pasa tumba biye mbilmba satinngamngag. <sup>31</sup>Ta tuku tane kuraukap. Yar kenmba ye tane ndoŋ minmba furir ki mindek riron pasa tingmba tane tuku malmbi ngakmba minen. Ye tuku manjau ta gilai ndangap.

<sup>32</sup>Ye tane Kuate tuku wai mbolŋge patiket. Nunje tane make patika muskil kile-tidinge tingina wam ta biye mayewap ta tangine wamdus sanjri tingwa le ngumnenga Kuate tuku mbal ngakmba ndoŋ tane mage minmba minamngag. <sup>33</sup>Ye tane ndoŋ minmba tane tuku agan ndende ko ndametiŋ kilam idus ndawen. <sup>34</sup>Ye yije waimbi piroka ndametiŋ kilmba ye ndoŋ minnaig mbal turmba agan ndende kumumbi piyaningen ta tane kila. <sup>35</sup>Ye Yesus tuku pasa ande idusmba yije piro karenmbi mbal afu sanjri kugatok turkam tuku manjau ta tumtingen. Nu tenjenmba

sakina. Ande nu agañ ande tinit ta ne sunḡomba gare ndanate. Ne agañ ande tumba ande ake tuwit ta nyaro ta luka nañe mbol kuwa le ne gare sunḡonamḡgat ḡga sanḡgina.

<sup>36</sup>Paulus nu sake denḡpurmba nu dagol tidronḡa nane ndonḡ Kuate yabañna. <sup>37</sup>Yabañ suluna le nane ḡakmba nu bagailmba malmbinaig. <sup>38</sup>Paulus nu tane mañ ye kañḡerye nda ḡgina tukunu nane nu tuku ninan sunḡonaig. Tanḡamba nane numindemba tumba wañ tugum pronaig.

### Paulus Yerusalem kambim tuku wañ poḡgina

**21** <sup>1</sup>Sine nane kusreka wañ poḡga pakarka kumba Kos nuy proḡeñ. Tanḡe tinḡa kumba ka mafena le Pos nuyḡge ibeñ kageñ. Tanḡe mañ tinḡa kumba ka Patara proḡeñ. <sup>2</sup>Pro tanḡe wañ ande Finisia kambim bafuna le ta poḡga kageñ. <sup>3</sup>Sine kumba ka Siprus nuy kañḡermba wai ḡaiñam kumam limba ka Siria ma mbol kumba ka Tirusḡge ibeñ kageñ. Wañ ta Tirus tuku agañ ndende kilna tuku.

<sup>4</sup>Ka tanḡe ibeñ ka Yesus dubinaig mbal kile-siglika nane ndonḡ kusem ndindo mingeñ. Nane Tukul Guwañge wamḡdus niñḡina le Paulus Yerusalem nda kuwa ḡga peumba ḡgailkinaig ta <sup>5</sup>ait kumuñḡina le sine Yerusalem kambim saka tinḡigeñ le Yesus dubinaig mbal nañḡine pino kiñḡ turmba sine mindeka tumbrañ sunḡo kusremba kilim ka piyal proḡeñ. Pro tanḡe sine ḡakmba dagol tidronḡa Kuate yabañmba sine nane kapeneñḡigeñ sulumba <sup>6</sup>sine wañ poḡḡigeñ le nane luka tumbrañ kinaig.

### Agabus dir pasa ande Paulus tuku sakina

<sup>7</sup>Sine Tirus kusremba ka Tolemesḡge ibeñ kageñ sulumba Yesus dubinaig mbal kaiyeniñmba nane ndonḡ mara ndindo mingeñ. <sup>8</sup>Mafena le sine mañ kumba ka Sesareanḡe ibeñ kageñ. Sesareanḡe Yesus tuku pasa kukliwanu tanḡo Filipus te-silika nu ndonḡ mingeñ. Nane buk aposel kame turnḡgam tuku tanḡo 7 madiniñḡinaig ta nu nane tuku ande. <sup>9</sup>Filipus nu kulim kame bailkamba tanḡo kugatok. Nane Tukul Guwañge pasa sanḡganu le ismba kile-mayokka minanu.

<sup>10</sup>Sine Filipus ndonḡ mara afu mingeñ le tuan tanḡo ande nyunu Agabus Yudeanḡe prona. <sup>11</sup>Promba Paulus tuku let tumba nuñe wai kupe ndaleka sakina: Tukul Guwa nu teñenmba sakate. Let te tuku miro tanḡo Yerusalemḡge Zu mbal afu nu teñenmba ndaleka kasomok mbal tuku wai mbolḡge palmbimḡgaig ḡgina. <sup>12</sup>Tanḡakina le sine nane ḡak mingeñ ta pasa ta ismba Paulus nu Yerusalem nda kuwa ḡga sarsarmba peugeñ kande <sup>13</sup>nu ndek sasiñḡina: Tane ndañam saka ye tuku malmbika wamḡdus piti seryade. Ye Yerusalem ka le nane afu ye muliñtumba wandekḡge pilwaig ndeta maye. Yesus tuku ḡga ye baleyuwaig le kumam tuku ye kuru kuru ndaket ḡgina. <sup>14</sup>Tanḡakina le sine Paulus tuku wamḡdus te-ibeñe fugumba sakigeñ: Kuate tuku nzali mayok kuwa ḡḡigeñ.



### Paulus nu Yerusalem pronā

<sup>15</sup>Mara afu kuganaig le sine Yerusalem kambim tuku kuaneka tingga kageŋ. <sup>16</sup>Sesareanu tira kame afu sine mindeka kumba ka Nason tuku wande mbolŋge minam tuku progeŋ. Taŋgo ta nu Siprusnu. Nane abo abo pasa mayenu kuklinaig le nu mbilka Yesus tina. <sup>17</sup>Sine Yerusalem progeŋ le Yesus tuku mbal nane gare-gareka sine kaiyesinginaig.

<sup>18</sup>Mafena le sine Paulus ndoŋ Yakobus sota kageŋ. Nu tugum promba gabat kame ŋakmba Yakobus ndoŋ minnaig le kaŋgerkigeŋ. <sup>19</sup>Paulus nu nane kaiyeningina sulumba nuŋe piro mbolŋge Kuate nu kasomok mbal ŋgamukŋge wam ke likina ta kumumba kubeu ningina le <sup>20</sup>nane nu tuku pasa ismba Kuate tuku nyu te-dunginaig sulumba sanaig: Tira, Zu mbal gudomma nane Yesus tuku pasa mayenu ismba son ŋgade. Nane Moses tuku tukul mata kulat mayede. <sup>21</sup>Neŋge pasa ande saninganu ŋga afu sakade le iseg. Zu taŋgo kasomok mbal ŋgamukŋge mine likade ta nane Moses tuku tukul pasa kusreka naŋgine kiŋo kame tuku ŋgaro pike ndaka singine mbuŋ kame tuku maŋau dubi ndakap ŋga ne saninganu ŋgade le iseg. <sup>22</sup>Ne tumbraŋ suŋgo mbol prowat te nane ŋakmba pasa isamŋgaig. <sup>23</sup>Ta tuku sine wam ande sakube le ne kumuwa. Singine taŋgo bailkamba nane piro ande kam tuku Kuate pasa saŋgrinu tunaig. <sup>24</sup>Ne taŋgo bailkamba ta ndoŋ ulendika atrau agaŋ kilam tuku ndametin ninga. Ninga sulumba Moses tuku tukul ta dubimba kule pismba ŋgaro minyaŋga tane atraukap. Taŋawap sulumba nane gabat kugerkuwaig. Ne Moses tuku maŋau taŋamba ka le nane kaŋgermba sanuŋgaig: Siŋka nu Moses tuku maŋau dubimba kate. Sine pasa isgeŋ ta yabri pasa ŋgamŋgaig. <sup>25</sup>Kasomok mbal Yesus tuku son ŋgade ta nane tukul afu dubikam tuku sine waŋe ande buk kuyargeŋ. Nane afu naŋgine mbara kanunu atraukade ndem ta nda nyap. Ndarenu nye ndakap. Agaŋmor ŋinfok pipkade le ndare nda prote ta nda nyap. Tane taŋgo pino ndoŋ fare fare une ndakap. Sine taŋamba pasa kuyarmba niŋgigeŋ ŋga Paulus sanaig.

<sup>26</sup>Gabat mbal taŋamba Paulus wam pagunaig le nu kumba taŋgo bailka ta ndoŋ ulendikina. Mafena le nu nane ndoŋ Moses tuku pasa dubimba kule pismba ŋgaro minyaŋginaig. Minyaŋginaig sulumba kusem wande mbol kumba nane pris sanaig: Sine kule pismba minmba ka mara 7 mbolŋge sine agaŋ kilmba probe le sine ŋakmba tuku Kuate atrauka ŋginaig.

<sup>27</sup>Nane taŋamba ka ait 7 patukina le Asia kilke mbolok Zu afu Paulus nu Zu mbal tuku kusem wande sinamŋge minna le kaŋgernaig. Nane Paulus kaŋgermba biye timba taŋgo pino Paulus tuku gubra tuwaig ŋga wika saninginaig: <sup>28</sup>Zu mbal, sine tursingap o. Taŋgo te ma ŋakmba mbolŋge nu sine Israel mbal singine kusem wande te singine tukul pasa

ta ḡakmba nu nuḡe pasambi ḡaigo siglikate. Kile nu Grik afu kilmba sinam te kumba wande kutur mbilmbilde ḡginaig. <sup>29</sup>Pasa sakinaig ta tugunu teḡenmba. Nane buk Paulus Efesus taḡgo ande nyunu Trofimus ndoḡ Yerusalemḡe kaḡgerkinaig. Kaḡgerka Paulus nu Trofimus tumba kusem wande sinam kambinu ḡga idusmba minnaig.

<sup>30</sup>Kile Yerusalem ḡakmba pinder-pindermba Paulus biye timba didika te-kilimnaig le nane afu kusem wande malaḡga sunaig. <sup>31</sup>Nane Paulus balewam saka minnaig le Rom kame mbal tuku gabat suḡgo Yerusalem mbal ḡakmba kame bunaig ta ismba <sup>32</sup>nu pitik ndo kame gabat afu kame mbal ndoḡ kilmba pinderka nane tugum pronaig. Pronaig le nane Paulus panḡta minmba kame gabat suḡgo nuḡe kame mbal ndoḡ kaḡgerka nane Paulus kusrenaig.

<sup>33</sup>Taḡanaig le kame gabat nu Paulus muli armbambi ndalekuwaig ḡga afu sanaḡgina sulumba nu maḡgurkinaig mbal ta kusnanaḡgina: Taḡgo te ima. Nu ame wam mbarna ḡga kusnanaḡgina le <sup>34</sup>nane ḡgumbeyumba pasa gabat yimyam kile-mayokkinaig.

Kame gabat nu pasa gabat ise tidiḡgam kumuḡ kuga tukunu kame mbal nane Paulus tumba naḡgine wande suḡgo mbol kuwaig ḡga sanaḡgina le <sup>35</sup>nane ndek nu tumba ka naḡgine wande mbol kambim tuku mbili poḡgam bafunaig le nane gudommba pro nu balewam sakinaig tukunu kame mbal Paulus waimbi tumba te-duḡga tumba wande poḡginaig. <sup>36</sup>Taḡanaig le nane gudommba kame mbal dubika Paulus balewap ḡga wikaraumba saka minnaig.

### Paulus nu Zu mbal tugumḡe pasa kuklina

<sup>37</sup>Nane mbili poḡga wande sinam kambim bafunaig le Paulus nu Grik pasambi kame gabat kusnana: Ye pasa ande ne sanam kumuḡ e ḡgina. Taḡakina le nu lafumba sana: i ... Ne Grik pasa kila? <sup>38</sup>Ailfu Isipnu taḡgo ande gabat sugo kile-ibenḡkam tuku taḡgo ḡaigonu kuasmbi 4,000 kame bagi ḡak ma baknu mbol kina ta ye ne taḡgo ta ḡga idusit ta kuga ḡgina le <sup>39</sup>nu lafumba sana: Ta yeḡge kuga. Ye Zunu. Yiḡe ma tugu Silisia. Yiḡe tumbraḡ suḡgo Tarsus. Ye taḡgo pino maḡgurkaig si pasa afu sanaḡgam kumuḡ e ḡgina le <sup>40</sup>nu wokina le Paulus nu wande ta tuku mbili mbolḡge tiḡgina sulumba nu wai te-duḡga nane peuniḡmba minna le minin-maninnaig le nu ndek Hibru pasambi nane sanaḡgina:

**22** <sup>1</sup>Ye tuku mam kame yiḡe tira kame tane ye tuku pasa isap. Ye wam ande mbar ndawen ḡgina. <sup>2</sup>Paulus nu Hibru pasambi sanaḡgina le nane ismba ḡakmba miḡge tukulmba amtiḡga minnaig.

<sup>3</sup>Kile nu maḡ sakina: Ye Zu taḡgo. Yiḡe ma tugu Silisia. Yiḡe tumbraḡ Tarsus. Ye kiḡo fudiḡndo Tarsus kusremba Yerusalemḡe minen. Minmba ka suḡgoka Gamaliel tugum prowen le nuḡge siḡgine mbuḡ kame tuku tukul ḡakmba ye tumyina le kila pile mayewen. Tane tukul

dubika wamdus sangrinu Kuate tuwig tanamba ye mata tanawen. <sup>4</sup>Ye Yesus dubinaig mbal kilmba bale farmba tango pino bige tidingga kilmba ndaleka muli wandeknge patike liken. <sup>5</sup>Pris mbal tuku gabat kame Israel pasa pilewanu sugo ngakmba ye manau ken ta nane kila. Nane ye piro ta kam tuku Damaskusnge tira kame kilam tuku waje kuyarmba sinaig. Sinaig le Yesus dubinaig mbal bige tidingga ndaleka kilmba pro tenge piti ninggam tuku ye Damaskus kambim saka ndek kan.

<sup>6</sup>Ye ka Damaskus patuwen le ki mbilam bafuna le samba mbolnge bulu sungo ande mayok ka ye kiljayina le <sup>7</sup>ye kuru-kuruka kilke mbolnge ndeken. Tanawen le minge pasa ande ye sayina: Saulus, Saulus, ndanam tuku ne ye tumba nayo silyate ngina le <sup>8</sup>ye pasa ta ismba kusnawen: Sungo, ne imange ngen le nu man ye sayina: Ye Nasaretu tango Yesus ne ye nayo silyate ta ngina. <sup>9</sup>Tango kame ye ndon minnaig ta nane bulu ndo kanjernaig. Pasa Yesus ye sayina ta nane ise ndakinaig.

<sup>10</sup>Kile ye nu sawen: Sungo, ye ndani ngen le nu lafumba sayina: Ne tinga Damaskus tumbran sungo mbol si kumba sinje mina le tango ande ne tugum promba ne pirokam tuku Kuate buk ne pilna ta sanamngat ngina. <sup>11</sup>Bulu sungo ta ye tuku am tina tukunu mambil fuguwen le tango ye ndon kagej ta ye waiwaiyumba ka Damaskus tumbran sungo mbol promba tanje minen.

<sup>12</sup>Tango ande nyunu Ananias nu tanje minna. Nu Kuate kumnemnge minmba tukul ngakmba dubikina. Zu mbal Damaskusnge ngakmba nu tuku saka minnaig. <sup>13</sup>Nu ye tugum promba sayina: Tira, ne man am purfewa ngina kande am purfena le mambilmba nu kanjeren.

<sup>14</sup>Kile nu ye sayina: Singine mbut kame tuku Mbaranje ne nu tuku wamdus kila palmbim tuku nu tuku piro tango purfenu kanjermba nu tuku minge isam tuku nu ne madinina. <sup>15</sup>Ne wam kanjerka pasa isna ta ne ma ngakmba mbolnge lika saka le nane iswaig. <sup>16</sup>Ne dal ndaka Yesus tuku piro tuku sanjri tomba tinga kule pisne ta le Kuate nu ne tuku une saukamngat nga sayina.

<sup>17</sup>Ijgumnenga ye luka Yerusalem prowen sulumba ye kusem wande sungo mbolnge yabanmba kinatanu sukmba <sup>18</sup>Sungo Yesus kanjeren le nu ye sayina: Ne pitik tinga Yerusalem kusremba kua kaye. Ne tenge ye tuku pasa kukliwa ta nane ise nda ngina le <sup>19</sup>ye ndek nu sawen: Sungo ye mbulit. Ye buk kusem wande ngakmba mbolnge ne son nginaig mbal kilmba ngusniymba mulij kilmba wandeknge patike liken wam ta Yerusalem mbal ngakmba kila. <sup>20</sup>Ne tuku pasa kukliwanu tango Stefanus nane nu balemba ndare kutuwe tunaig le ye nane tuku tawi kulatka nane kanjerka wam ta mayede ngen wam ta mata nane kila ngen kande <sup>21</sup>nu ye sayina: Kuga. Ne tinga le kukulni le ma masken kasomok mbal tugum kanjat nga sayina ngina.

<sup>22</sup>Nane Paulus tuku pasa ismba maninkinaig ma ma kasomok mbal tugum kambim tuku ngina le nane wikaraumba sakinaig: Tango

te ηayonu. Balewap le kumwa ηga wikaraumba sakinaig. <sup>23</sup>Nane wikaraumba nanjine tawi kilmba kuilkuilηga tuptup roka bareηmba minnaig le kame gabat sunjo nu ndek kame mbal afu sanijina: <sup>24</sup>Nane ndaηam taηjo te tuku gubra sunjo tade. Nu tumba sinjine wande sunjo te sinamηge mulimbi ηgusap le nu pasa tugu ηakmba sakuwa le isbe ηgina.

<sup>25</sup>Nane ndek nu tumba ηgusam tuku kupe wai didike likinaig le Paulus nu kame mbal tuku gabat ande nu patukηge tij minna ta sana: Ye Rom taηjo. Tane ye tuku pasa te-ti ndamba ηgusyam kumuη kuga ηgina le <sup>26</sup>kame mbal tuku gabat nu pasa ta ismba nu kame gabat sunjo tugum kumba sana: i ... Ne taηjo si nane ndaηwaig ηga sanijgat. Nu Romnu ηgina le <sup>27</sup>kame gabat sunjo pro Paulus kusnana: Ne Rom taηjo e ηgina le nu au ηgina. <sup>28</sup>Taηakina le gabat sunjo nu Paulus sana: Nane ye Romnu taηjo ηguwaig ηga ndametij sunjomba Rom mbal ninjen ηgina le nu sana: Yiηe piro tambi Rom nyu te ndaken. Ye ina sinam mayok kan ta ye Romnu ηgina.

<sup>29</sup>Nane Paulus ηgusam bafunaig mbal pasa ta ismba ηakmba pastaηga nu kusrenaig. Kame gabat sunjo Paulus tuku tugu ise timba ye nu ηgusam tuku ndalekit ηga nu mata wamdus fulilkina.

### Paulus nu gabat sugo tugumηge pasa kuklina

<sup>30</sup>Mafena le kame gabat sunjo ndaηam Zu mbal Paulus tumba pasa mbolηge te-tinaig ηga nu tugunu isam tuku idusna. Taηamba nu kame mbal afu Paulus ndalekinaig tuku muli kukliwaig ηga sanijmba nu pris gabat mbal Zu mbal pasa pilewanu sugo ηakmba kile-maηgurka Paulus tumba nane ηgamukηge te-tina.

**23** <sup>1</sup>Nu Zu mbal tuku gabat sugo fumble tidiηga ndek sanijina: Tira kame, ye kiηo fudiηndo minmba Kuate am mbolηge mbar ande ke ndaken kile minet ηgina. <sup>2</sup>Nu taηamba sakina le pris gabat sunjo Ananias nane afu Paulus tugumηge tij minnaig ta nu tuku miηge katwaig ηga sanijina.

<sup>3</sup>Taηakina le Paulus ndek nu sana: Ne yabri taηjo. Ne sinjine tukul dubimba ye pileyam iduste ta ndaηam ne tukul lukamba ye katyam tuku sakate. Kuate ne mata katnamηgat ηgina. <sup>4</sup>Taηaka sana le nane afu Paulus tugumηge tij minnaig ta nu sanaig: Ne Kuate tuku pris sunjo tumail pante ηginaig le <sup>5</sup>nu sakina: Tira kame, taηjo te nu pris sunjo ta ye gilai tukunu taηamba sawit. Kuyar pasa tejenmba sakate. Tangine gabat sunjo ande pasa ηayonu sa ndawap ηgate ηga sanijina.

<sup>6</sup>Gabat sugo sugo minnaig ta nane afu Farisi afu Sadusi ta Paulus nu idusna sulumba nu wika sakina: Tira kame, ye Farisi taηjo. Ye Farisi mbal tuku fat. Kumanu mbal maη tiηgam tuku ye iduset. Ta tuku tane ye tumba pasa mbolηge palgig ηgina. <sup>7</sup>Nu taηamba sakina le kile Farisi

mbal Sadusi mbal ndonj munju tulinginaig le mangurkinaig mbal nane pur arnaik. <sup>8</sup>Ta ndanjam? Sadusi mbal nane tenjenmba idusde. Tanjo kummba manj abonje nda. Enjel kame guwa mata nda minig nga idusde. Farisi mbal nane aganj kame ta njakmba son njgade. Ta tuku nane munju purkinaig.

<sup>9</sup>Tanjamba nane sungomba wikaraumba munju tulinga Farisi mbal afu nane Kuate tuku pasa biteknganu nane tinga sakinaig: Tanjo te sine nu mbolnje mbar ande nda kanjereg. Guwa andenje ko enjel andenje nu pasa tuna inde nginaig. <sup>10</sup>Nane munju tulinga minnaig ma ma gubra suk suk nda niingina le kame gabat sunjo nu kuru-kuruka nane Paulus piraibka balebekaig nga kame mbal saniingina le nane nu didika tumba nanjine wande sunjo mbol kinaig.

<sup>11</sup>Ait ta furir Sunjo nu Paulus tugum promba sana: Ne kuru kuru ndaka sanjri tinga. Ne Yerusalem tumbrajan sunjo te mbolnje ye tuku nyu te-mayokmba saniingat tanjamba ndo ne Romnje mata ye tuku nyu te-mayokamngat ngina.

### **Zu afu Paulus balewam tuku pasa katnaig**

<sup>12-13</sup>Mafena le Zu tanjo kuasmbi 40 limba mangurka Paulus balewam tuku wamdus sunjo pilnaig sulumba nane Kuate am mbolnje pasa sanjrinu sakinaig: Sine Paulus balemba ndo manj nyamaganj kule nyamngig nginaig. <sup>14</sup>Tanjamba nane pris gabat mbal Zu mage mage tugum kumba saniinginaig: Sine pasa sanjrinu Kuate am mbolnje sakigig. Sine Paulus balemba ndo manj nyamaganj tumba nyamngig ngigig. <sup>15</sup>Ta tuku tane pris mbal Israel pasa pilewanu sugo ndonj kame gabat tuku pasa palpe. Paulus nu te promba pasa afu tane ndonj manj kile-tidingam tuku nu sawap. Nane afu nu mindemba ilwaig le ndinnje nu balewamngig nginaig.

<sup>16</sup>Paulus kulim nuje tuku kiyo nu nga nuje balewam sakinaig ta isna sulumba nu kame mbal tuku wande sunjo sinam kumba nga nuje kila sana le <sup>17</sup>nu ndek kame gabat ande wika sana: Tanjo mo te tumba tanjine gabat sunjo tugum kaye. Nu pasa ande njak ngina.

<sup>18</sup>Nu tanjo mo ta tumba gabat tugum kumba sana: Muli tanu tanjo Paulusnje tanjo mo te ne ndonj pasa ande sakam tuku sayat le tumba ne tugum prowet ngina le <sup>19</sup>kame gabat nu waimbi biymba te-yamokmba kile saya le isi ngina. <sup>20</sup>Tanjakina le nu ndek kame gabat sunjo sana: Nane Zu mbal mangurka pasa ndindo katmba sakaig le isit. Indole ne Paulus kukula le pasa pilewanu mbal tugum kumba pasa afu manj kile-tidingam tuku ne yabrinamngig. <sup>21</sup>Ne nane tuku pasa ismba kumu ndawa. Nanjine tanjo 40 limba nane ndinnje kuirka Paulus balewam tuku tair minamngig. Nane Kuate am mbolnje pasa sanjrinu sakinaig: Sine Paulus balemba ndo manj nyamaganj kule nyamngig nginaig. Kile

nane kuaneka Paulus balewam saka ne tuku pasa ndo tairnga minig ngina. <sup>22</sup>Tanjaka sana le kame gabat sunjo ndek nu sana: Pasa sayate te ye nu sawit nga ande sa ndawa ngina. Tanjamba wam pagumba kaye ngina le nu kina.

<sup>23</sup>Kile kame gabat sunjo nu kame gabat armba wika sanikina: Tale kame mbal 200 hos ponu tuku 70 turmba kilmba Sesarea kambim tuku kuanekap. Tanjo 200 tui njak mata tane mindeka kambim tuku saningap. Tanjamba furir ait 9 mbolnge njakmba kile-mangurkap sulumba <sup>24</sup>Paulus tumba hos mbolnge pilmba nu te-ngamumba kulat mayemba gabat sunjo Feliks tugum kape ngina. <sup>25</sup>Kame gabat sunjo nu tanjamba nale wam paguka waje ande Feliks tambim tuku tejenmba kuyarna.

<sup>26</sup>Gabat sunjo Feliks kaiye.

<sup>27</sup>Zu mbal nane tanjo te biye timba balewam bafunaig le nu Romnu tanjo nginaig le ye pasa ta isen sulumba kame mbal afu kilmba kumba ka Zu mbal ngamuknge te-luka ten. <sup>28</sup>Nane ame wam tuku tanjo te tumba pasa mbolnge palmbim bafunaig le ye tugunu isam tuku nu tumba ka nangine pilewanu mbal tugumnge te-tiwen. <sup>29</sup>Ye nane tuku pasa gabat isen ta nu balewam tuku ko mulingtam tuku kanjer ndawen. Nu Zu mbal tuku tukul afu lukakina ta tuku ndo nu tumba pasa mbolnge pilnaig. <sup>30</sup>Ailfu Zu mbal nu balewam tuku pasa katnaig ta andenge kite ye sayat le ye pitik ndo kame mbal kukulninget le nu tumba ne tugum prode. Zu mbal afu Paulus tuku gubra njak ta nane ndek kumba ne ndonj te-tiwam tuku saninggen.

Not ndo.

Ye Klaudius Lisias.

<sup>31</sup>Kame mbal nu tuku wam pagu pasa kumumba furir Paulus tumba kumba ka Antipatris tumbraj sunjo mbol pronaig. <sup>32</sup>Mafena le kame mbal luka nangine wande sunjo mbol Yerusalem kinaig le hos njak mbal ndo Paulus mindemba tumba Sesarea kinaig. <sup>33</sup>Kumba ka Sesarea promba Paulus tumba gabat sunjo Feliks wai mbolnge pilmba waje turmba tunaig. <sup>34</sup>Nu waje ta yaika burkina sulumba nu ndek Paulus kusnana: Ne anikok ngina le ye Silisianu ngina. <sup>35</sup>Tanjakina le nu sana: Nane ne pasa mbolnge pilnaig mbal te prowaig le ye ne tuku pasa te-tiwi ngina. Tanjamba nu kame mbal saningina le Paulus tumba Herodus nu wande sunjo pilna ta sinamnge pilmba kulatkinaig.

### Paulus nu Feliks tugumnge pasa kuklina

**24** <sup>1</sup>Paulus nu mara 5 Sesareange minna le pris sunjo Ananias Zu mbal tuku tanjo mage mage turmba Yerusalemnge ndek Sesarea pronaig. Tanjo ande pasa te-tiwam tuku kila sunjo njak nyunu Tertulus nu ndonj pronaig. Pro gabat sunjo tugumnge nane Paulus tumba pasa mbolnge pilnaig.

<sup>2</sup>Gabat sunġo ta Paulus wikina le Tertulus nu Paulus mbarna nġa teŋenmba sakina: Feliks siġġine gabat sunġo, ne kilke te kulat mayete le sine kame kugatok mineġ. Ne maŋau nġaigonu afu kaŋgerka kile-tidiŋġa maŋau kitek magenu tumsingit. <sup>3</sup>Ta tuku sine Zu mbal ma nġakmba mbolnġe ne tuku sakeġ. <sup>4</sup>Ye ne tuku ait puram idus ndawet. Ye pasa fagnu ndo ne isam tuku sanamġit.

<sup>5</sup>Taŋgo te nu maim maim tugu. Nu ma nġakmba mbolnġe Zu mbal tetkate le nane nġgamuknġe kame pulukate. Zu afu siġġine maŋau kusrekade le sine nane Nasaretu nġeg ta nu nane tuku gabat minit. <sup>6</sup>Ta ndo kuga. Nu sine tuku kusem wande sunġo kutur pile tambim bafuna le sine nu biye tigeŋ. Nu biye timba siġġine tukul maŋau mbolnġe nu tuku pasa pileŋġam sakigeŋ ta <sup>7</sup>kame gabat Lisias nu pro nuŋe kame mbal saningina le nane sine tuku wai mbolnġe nu tumba kinaig. <sup>8</sup>Sine nu tuku pasa nġak mbal sine ne tugum promba pasa te-tiwam sasiŋġina. Nuŋe mbar nġakmba sakeġ te ne nu kusnawa ta sanuwa le isamġat nġa Feliks sana le <sup>9</sup>Zu mbal afu Tertulus turmba pasa tugu ndindo Paulus tuku sakinaig.

<sup>10</sup>Taŋakinaig le gabat sunġo Feliks gabatmbi saka nġina le Paulus ndek nu sana: Gabat sunġo, ne yar gudommmba sine Israel mbal tuku pasa pileŋġate. Ta tuku ye yiŋe pasa ne isam tuku piti kugatok sanamġit. <sup>11</sup>Ye Kuate tuku nyu te-duŋġa nu mbariŋam tuku Yerusalem prowen ta mara <sup>12</sup>kuganaig. Ne nane afu kusnaniŋġa ta pasa ndui ta isamġat. <sup>12</sup>Yerusalem kusem wande sunġo mbolnġe ye ande ndoŋ pasambi muŋġu tulingen le kaŋger ndanaig. Kusem wande foŋfoŋ ko tumbraŋ sunġo sinamġe taŋgo pino sisiŋniŋġanu wam ta mata ke ndaken. <sup>13</sup>Ye mbaranu pasa ta nane tugunu te-mayoke fugude.

<sup>14</sup>Nane pasa ande ne sanaig ta son. Yesus tuku maŋau yabrikanu nġgade ta ye nu dubimba maŋau tambi sine tuku mbuŋ kame tuku Kuate mbariŋet. Ye tukul pasa tuan taŋgo tuku kuyar turmba son nġet. <sup>15</sup>Zu mbal nane taŋgo magenu nġaigonu kumwaig le Kuatenġe kile-tidiŋġamġat nġa idusde ta ye mata taŋamba iduset. <sup>16</sup>Ta tuku ye mara mara Kuate am mbolnġe taŋgo pino am mbolnġe maŋau tiŋreknu kam tuku ndo idusmba matuk tukulket.

<sup>17</sup>Ait kuenu ye Yerusalem kaŋger ndamba ailfu ndo yiŋe mbal turkam tuku ye ndametiŋ kilmba Kuate atraukam tuku prowen. <sup>18</sup>Ye Kuate atraukam tuku nġgarosu minyanġa ka kusem wandeknġe minen le nane ye kaŋgeryinaig. Ye taŋgo gudommmba ndoŋ zigna minen le kaŋger ndayinaig. Asianu Zu afu pro taŋge ye te-silikinaig ta <sup>19</sup>nane kile aniŋġe minig? Nane ye tuku pasa nġak ndeta pro ne tugumġe sakuwaig.

<sup>20</sup>Ye Zu mbal tuku pasa pilewanu sugo tugumġe pasa kukliwen ta taŋgo kame teŋge minig ta nane isnaig. Nane ye tuku pasa ande isnaig ndeta kile sanuwaig. <sup>21</sup>Ait ta ye nane nġgamuknġe wika saken: Kumanu

mbal maŋ aboŋga tinuŋgaig ngen. Ta tuku nane ye pasa mboŋge pilnaig inde ŋga Feliks sana.

<sup>22</sup>Feliks nu Yesus dubinaig mbal tuku maŋau buk kila pilna tukunu nu nane tuku pasa te-ibeŋmba saniŋgina: Taŋaig. Kame gabat suŋgo Lisias te prowa le ye tane tuku pasa te-tiwamŋgit ŋgina. <sup>23</sup>Taŋakina sulumba nu kame mbal tuku gabat sana: Tane Paulus tumba kumba kulatkap. Nu suŋgomba tukul ndamba nuŋe gulab afu nu turam tuku peu ndaningap ŋgina.

<sup>24</sup>Ait afu kuganaig le Feliks nu piyo nuŋe Drusila ndoŋ luka pronaik. Piyo nuŋe nu Zunu. Feliks nu Paulus wikina le nu nale tugum promba Kristus Yesus tuku saŋgri tomba tiŋgam tuku wam sanikina. <sup>25</sup>Maŋau tiŋreknu nzali ŋaigonu towam tuku Kuate nu sine ŋakmba pilesiŋgam tuku maŋau ta ŋakmba sakina le Feliks nu kuru-kuruka Paulus sana: Ye ait ande mayenu kaŋgermba ndeta ne maŋ wikamŋgit. Kile ne kaye ŋgina. <sup>26</sup>Feliks nu wamdus ande tina ta teŋenmba. Paulus tuku ndametiŋ ande ake didika tumba nu muli wandekŋge paskam idusmba nu mara gudommba Paulus wika nu ndoŋ pasa-pasakanu.

<sup>27</sup>Yar armba kugana le Porsius Festus nu Feliks tuku ma tina. Feliks nu nuŋe piro kusremba Zu mbal nu nzaliwaig ŋga Paulus muli wandekŋge kusrena le minna.

### Paulus nu Festus tugumŋge pasa kuklina

**25** <sup>1</sup>Festus nu piro tugu pilna le ait keŋmba kinaig le nu Sesarea kusremba mbumba Yerusalem kina. <sup>2</sup>Nu kumba ka Yerusalem prona le pris gabat mbal Zu taŋgo nyu ŋak nane pro Paulus nu mbarna ŋga Festus sanaig. <sup>3</sup>Paulus nu pro Yerusalemŋge pasa te-tiwa ŋga nane nu sarsarmba minnaig. Nane Paulus tumba kuwaig le ndinŋge balewam idusmba taŋamba nu kusnamba minnaig le <sup>4</sup>Festus nu nane saniŋgina: Kuga. Paulus nu Sesareaŋge muli wandekŋge minit. Ait afu kugawaig le ye mata ndek kaŋgit. <sup>5</sup>Tane taŋgine taŋgo nyu ŋak ŋak ye ndoŋ kumba ka nziŋge tane Paulus tuku pasa ŋak ndeta nu tumba pasa mboŋge palpe ŋgina.

<sup>6</sup>Festus nu Yerusalemŋge mara 8 ko 10 kuganaig le maŋ luka Sesarea ndek kina. Zu mbal afu mata nu dubimba ndek kinaig. Mafena le Festus nu pro pilewam tuku mbili mboŋge minyoka afu saniŋgina le Paulus tumba pronaig. <sup>7</sup>Tumba pronaig le Zu mbal Yerusalemŋge ndek kinaig ta nane Paulus te-ŋgamumba mbar maŋau sugo afu kanu ŋga sakinaig ta tugu biteŋge fugunaig.

<sup>8</sup>Kile Paulus nu nane tuku pasa lafumba sakina: Ye Zu mbal tuku tukul ko kusem wande suŋgo ko Sesar tuku nyu mboŋge mbar ande ke ndaken ŋgina. <sup>9</sup>Taŋakina le Festus nu Zu mbal nu nzaliwaig ŋga nu Paulus sana: Ne mbumba Yerusalem kaye le ye ka ambeŋge ne tuku pasa te-tiwi e ŋga



kusnana kande <sup>10</sup>Paulus nu sakina: Ye mbumba Yerusalem kine nda. Rom gabat sugo pasa pilewanu wande noten. Tenje ye tuku pasa te-tiwap. Ye Zu mbal tugumnje mbar ande ke ndaken ta ne mata kila. <sup>11</sup>Ye tanjo njonu mbar ande kumba ta ye kumam kumuŋ. Zu mbal nane yabri pasa ndo sakade. Ande nu ye tumba nane tuku wai mbolnje palmbim kumuŋ kuga. Ye Sesar tugum kumba pasa te-tiwam tuku iduset njina.

<sup>12</sup>Tanjakina le Festus nu ka nuje gabat kame ndon pasata nu Sesar tugum kuwa e ko nda kuwa nga saka nane tuku wamdus ismba pro Paulus sana: Ne Sesarnje ne tuku pasa iswa nga sakat not ndo. Ye ne kukulni le Sesar tugum kanjat njina.

### **Mandor Agripa nu Festus tugum prona**

<sup>13</sup>Mara afu kuganaig le mandor Agripa piyo nuje Bernise ndon gabat sunjo kitek Festus kaiyewam tuku pronaik. <sup>14</sup>Nale nu ndon tanje minnaig ma ma Festus nu Paulus tuku Agripa sana: Ailfu gabat sunjo Feliks nu kambim nga tanjo ande muli wandeknje kusremba kina. <sup>15</sup>Ye mbumba Yerusalem kan le pris gabat kame Zu mage mage tanjo ta mbarna nga sayumba lafu njonu tawe njinaig le <sup>16</sup>ye nane saningen: Sine Rom mbal tuku manau tanjo ande mbarte le ande nu pasa mbolnje pilit ta nale kumu kumu tinja pasatade. Nu tuku pasa ismba ndo lafunu tuweg njen. <sup>17</sup>Nane ye ndon te pronaig ta ye dal ndaken. Mafena le ye pasa pilewam tuku mbili mbolnje minyoka saningen le Paulus tumba pro sine ngamuknje te-tinaig. <sup>18</sup>Tanjaig le nu pasa mbolnje pilnaig mbal nane tinja Paulus nu mbar sunjowanu sakinaig le mbar ande njonu kanu nga idusen ta ye kanjer ndawen. <sup>19</sup>Nane Paulus ndon nanjine manau tuku wamdus purkinaig. Tanjo ande nyunu Yesus kummba man tinjanu sakina le nane nu nda tinjina nga nu tuku gubra tinaig.

<sup>20</sup>Ye nane tuku pasa te-tiwam tuku ndin inum kanjer ndamba nu ka Yerusalemnje pasa te-tiwa nga sawen ta nu mbulna. <sup>21</sup>Nu muli wandeknje minmba Rom gabat Sesarnje nu tuku pasa isam tuku sakina. Ta tuku nu muli wandek sinamnje minwa le ndin ande kanjermba nu kukuli le Sesar tugum kuwa nga minde minet nga Agripa sana.

<sup>22</sup>Kile Agripa ndek Festus sana: Ye mata tanjo ta tuku pasa isam nzaliyate njina le Festus nu sakina: Ata. Indole ne isamngat njina.

<sup>23</sup>Mafena le Agripa nale Bernise ndon nakile tawi magenu silika mindepiye mayemba mangur ma mbol pronaik. Kame mbal tuku gabat sugo sugo Sesarea nyu njak mbal mata pronaig. Nane njakmba mangurkinaig le Festus nu afu kukulningina le Paulus tumba pronaig. <sup>24</sup>Pronaig le Festus nu sakina: Mandor Agripa, tane njakmba tenje minig mbal tane isap. Tanjo te kanjerap. Zu mbal Yerusalemnje afu tenje nane njakmba mara mara minje fetka tanjo te njonu balewa nga sayumba minig ta <sup>25</sup>ye nu balewam tuku mbar ande kanjer ndawen. Nu gabat

sunjo Sesar tugumnge pasa te-tiwam sayina tukunu ye nu kukuli le Sesar tugum kuwa nga idusmba minet ta <sup>26</sup>ye tanjo te ame wam mbarna ta singine gabat sunjo saki le iswa. Ta tuku mandor Agripa tane njakmba nu tuku pasa isap nga nu wikit le te prowat. Sine njakmba nu tuku pasa ismba nu ame manau mbarna ta kila pilmba ye Sesar tuku waje ande kuyaramngit. <sup>27</sup>Ake kukuli ta mayenu kuga. Nu mbarna ta turmba kuyaram tuku nga Agripa sana.

### Paulus nu Agripa tugumnge pasa kuklina

**26** <sup>1</sup>Kile Agripa nu Paulus sana: Ne naje wam kube saka le sine isbe ngina. Tanakina le Paulus nu pasa tugu palmbim nga wai kuitka sakina: <sup>2-3</sup>Mandor Agripa, Zu mbal tuku mine manau ta ne kila. Ta tuku Zu mbal nane ye mbaranu nga sakade ta ye ne tugumnge sakam tuku gareyate. Ye tuku pasa te mbule ndaka isa.

<sup>4</sup>Ye Yerusalemnge yije mbal ndonjo kijo ndo minmba ka sungoken. Zu mbal njakmba ye tuku mine kila. <sup>5</sup>Ne nane kusnani nga le ye Farisi tuku manau dubiken ta sanamngai. O buk nane wam ta kila minnaig. Sine Farisi mbal sine Zu mbal njakmba lini ngmba tukul pasa dubikam tuku matuk tukulkeg. <sup>6</sup>Kuate nu kumanu mbal tingamngai nga singine mbun kame saningina wam ta ye sungomba iduset. Ta tuku ye pasa mbolnge minet.

<sup>7</sup>Sine Zu mbal tugu 12 njakmba ki furir pasa ta idusmba Kuate mbari ngmba alonu tair nga mineg. Ye alonu ta kanjeren nga saket. Ta tuku Zu mbal ye tumba pasa mbolnge pilnaig. <sup>8</sup>Ndanjam tane Kuate nu kumanu mbal kuagnekam kumu ng kuga nga idusde?

<sup>9</sup>Ye mata Nasaretnu tanjo Yesus tuku piro Yerusalemnge njayo silimba ye wam mayewet nga idusen. <sup>10</sup>Pris gabat mbal nyu sinaig le ye nu tuku mbal mulij kilmba wandeknge patiken. Afunge nane pasa mbolnge kile-tidinga baleningam sakinaig ta ye mata woken. <sup>11</sup>Kusem wande mbolnge nane Yesus tuku nyu njayo siliwaig nga piro karenj ninggen. Nane afu kua kinaig le ye gubra kagli firka nane dubika kasomok mbal tuku tumbra ng sugo yimyam mbolnge sota liken.

<sup>12</sup>Mara ande pris gabat mbal ye Yesus dubinaig mbal bige tidingam tuku nyu sinaig le ye Damaskus kambim tuku kan. <sup>13</sup>Ye ndin dubimba kumba ka ki mbilam bafuna le samba mbolnge bulu sungokanu ki tuku bulu limba mayok kina sulumba mbal ye ndonjo kagenj ta njakmba kilnjasingina. <sup>14</sup>Kilnjasingina le sine kilke mbolnge ndek tiri-turugenj le minge pasa ande Hibru pasambi sayina: Saulus, Saulus, ndanjam tuku ne ye njayo siliyate. Ne baflo tanan naje nzali dubite le naje kulat tanjonge katnate le rar kamuste ngina le <sup>15</sup>ye nu kusnawen: Sunjo, ne imanje ngen le nu man sayina: Ye Yesus ne njayo siliyate ta. <sup>16</sup>Kile ne tinga. Ne ye tuku piro biymba wam kanjerkat te afu manj tumni le wam njakmba ta nane afu saningam tuku

ye ne tugum mayok kat. <sup>17</sup>Ye ne kukulni le Zu mbal kasomok mbal tugum kanġat. Nane ne ŋayo silinam iduswaig le ye ne turni le ne ŋayo siline nda. <sup>18</sup>Ne nane wamdus purfeu serniŋga le ma make tuku maŋau kusremba bulu mbolŋge prowam tuku ne kukulnet. Nane Satan tuku saŋgri ŋakmba kusreka Kuate tugum kuwaig le nu nane tuku une sauke niŋguwa le nane Kuatenge madiniŋgina mbal ndoŋ ulendikamŋgaig. Ta tuku ne kukulnet ŋga sayina.

<sup>19</sup>Mandor Agripa, ye samba mbolŋge pasa sayina ta ye dubi mayewen. <sup>20</sup>Ye amboŋga Damaskus mbal tugumŋge pasa kuklimba nane ŋgamuŋgal biye mbilmba naŋgine maŋau ŋaigonu kusreka Kuate dubimba maŋau kitek ta tuku alonu kile-mayokkuwaig ŋgen. Ŋgumneŋga ye Yerusalemŋge Yudea ma tugu ŋakmba mbolŋge kasomok mbal turmba ŋgamukŋge pasa ndui ta kuklimba saningen. <sup>21</sup>Wam ta tuku Zu mbal nane ye kusem wandekŋge minen le ye biye tiyumba baleyam sakinaig.

<sup>22</sup>Baleyam sakinaig ta mara mara Kuate ye turyumba ka kile turyate le tane nyu ŋak mbal nyu kugatok ŋgamukŋge pasa kukliwet. Moses tuan taŋgo ŋakmba wam prowam tuku buk sake likinaig ta ndo kuklimba saket. Ye pasa kise sa ndaket. <sup>23</sup>Pasa ta teŋenmba. Kristus nu rar sunġo tuwa sulumba kumanu mbal ti ndaŋguwaig le nu amboŋga tinuŋgat. Taŋawa sulumba nu Zu mbal kasomok ŋakmba kilmba bulu mbolŋge patikamŋgat ŋga Agripa sana.

<sup>24</sup>Paulus nu taŋamba sana le Festus nu kuenġka sakina: Paulus, ne itulu ŋginŋankate. Ne waŋe burka kila sunġo tina tambik ne itulu ŋginŋankam bafute ŋgina le <sup>25</sup>nu lafumba sakina: Gabat sunġo Festus, ye taŋgo itulu ŋginŋankade taŋaŋ kuga. Ye pasa purfeŋnu tugusek ndo saket. <sup>26</sup>Mandor Agripa, ye pasa saket te ŋakmba ne kila. Ye wam kubeu tiŋget te kuirka pro ndanaig. Ne o buk isna. Ta tuku miŋge bulokmbi ne sanet. <sup>27</sup>Ye ne kusnanet. Ne tuan taŋgo kame tuku kuyar son ŋgate e? Ne son ŋgate ta ye kila ŋgina.

<sup>28</sup>Taŋakina le Agripa nu sana: Ne ait fagnu ndo pasa sayate ta mbolŋge ye pitik ndo Kristen mayok kinet ŋga ne iduste e ŋgina le <sup>29</sup>Paulus nu sana: Ne tane ŋakmba teŋge minig tane pitik ndo ko gitmba mbilka ye minet teŋen mayok kambim tuku ye Kuate sunġomba yabaŋet. Ye muliŋtanu minet teŋenmba minap ŋga idus ndawet ŋgina.

<sup>30</sup>Taŋakina le mandor Agripa gabat sunġo Festus piyo nuŋe Bernise nane taŋge minnaig mbal ŋakmba tiŋginaig. <sup>31</sup>Tiŋga mayok ka naŋgine naŋgine saka ismba taŋgo te kumam tuku ko muliŋtam tuku wam ande kaŋger ndagig ŋga saka kinaig. <sup>32</sup>Kumbaŋge Agripa nu Festus sana: Taŋgo te Sesarŋge nu tuku pasa te-tiwam tuku sakina. Kuga kande kile paska pitaiwet kande ŋgina.

### Paulus nu Rom kuwa ŋga kukulna

**27** <sup>1</sup>Gabat kame nane Paulus waŋ poŋga Itali kilke mbol kuwa ŋga nu muliŋ kilanu taŋgo afu ndoŋ kilmba kame gabat ande wai

mbolŋge patikinaig. Kame gabat nyunu Yulius. Nane Sesar tuku kame mbal. Ye Lukas nane ndoŋ kan. <sup>2</sup>Waŋ inum Asia ma tugu mbolŋge kundu mindek ibeŋ ka kambim bafuna le sine poŋgigeŋ. Waŋ ta Adramitium tumbraŋ sungo mbolŋge minna tuku. Masedonia taŋgo Aristarkus nu Tesalonikanu nu sine ndoŋ kageŋ.

<sup>3</sup>Sine kumba mafena le Sidon tumbraŋ sungo mbolŋge ibeŋ kageŋ. Tumbraŋ taŋge Yulius nu Paulus mbolŋge wam mayemba nuŋe gulab kame afu sotuwa le turwaig ŋga sana le sine kageŋ. <sup>4</sup>Luka pro waŋ poŋga kumba bubre tumailamŋge prona le sine bubre kua ka Siprus nuy ŋaiŋam kumam limba kageŋ. <sup>5</sup>Kumba ka Silisia le Pamfilia ma liniŋmba ka Lisia ma tugu tumbraŋ sungo Miranŋe ibeŋ kageŋ le <sup>6</sup>taŋge waŋ inum Itali kilke mbol kambim bafuna le kame gabat nu waŋ ta te-silikina le sine ŋakmba waŋ ta poŋga kageŋ. Waŋ ta Aleksandria tumbraŋ sungo mbolŋge minna tuku. <sup>7</sup>Kumba ka bubre fare fare prona le sine minde bada sunŋoka gitmba ka Nidus tumbraŋ sungo patugeŋ. Pakarka kambim tuku bubreŋge tukulsingina le sine kumba ka Kreta nuy ndinam kumam kumba piyal make make kageŋ. <sup>8</sup>Piyal make dubimba minde bada sunŋoka kumba ma ande nyunu Kundu Mayenu taŋge ibeŋ kageŋ. Ma ta tugumŋge tumbraŋ sungo ande nyunu Lasea minna.

<sup>9</sup>Zu mbal nyamagaŋ kusrekanu ait sungo buk kugana le sine dalka mingeŋ tukunu Paulus nu bubre sungo tiŋgam tuku ait prote ŋga nu ndek nane saniŋgina: <sup>10</sup>Taŋgo kame, sine waŋ poŋga maŋ kambim bafube ta sine piti ande te-silinunŋig. Agaŋ ndende waŋ ŋak sine taŋgo turmba ŋgisinunŋig. Ye taŋamba kamusmba saket ŋgina kande <sup>11</sup>kame gabat taŋgo nu Paulus tuku pasa nda isanu sukmba waŋ kulat taŋgo waŋ miro nale tuku pasa ndo ismba dubina.

<sup>12</sup>Sine Kundu Mayenuŋge mingeŋ ta bubre ait mbolŋge mine mayewam kumuŋ kuga tukunu nane gudommba kambim saka sine Feniks kine tumbe ŋginaig. Feniks nu nuy ta tuku kundu ande. Ma ta bubre kua ka mine mayewam kumuŋ. Nane taŋge bubre ait kugawa ŋga tairŋga minam sakinaig. <sup>13</sup>Bubre taleu fudiŋmba fitna le ariya kile sine kab ŋga saka aŋga didika Kreta nuy make make kageŋ.

<sup>14</sup>Sine kumba dir kageŋ le Kreta nuy kumamŋge bubre sungo ndekina. Bubre ta nyunu Duŋe Yawan. <sup>15</sup>Ndeka waŋ kaduna le sine waŋ mbilmba yalbim fugumba taŋaig ŋgigeŋ le bubreŋge sine mbitisingina le kageŋ. <sup>16</sup>Sine kumba ka ka nuy ande fudiŋndo nyunu Kauda ndinam kumam kumba make make kageŋ ta minde bada sunŋoka diŋgi ŋgisikikat ŋga te-mbolmba waŋ mbolŋge pilgeŋ sulumba kageŋ. <sup>17</sup>Diŋgi te-mbolmba waŋ fetkikat ŋga nane ŋgirpenu muli kareŋnumbi kuse likinaig. Afrika ma paranu mbolŋge waŋ ndiŋkikat ŋga kuru-kuruka lai kile-ibeŋkinaig le bubreŋge waŋ mbitina le kageŋ. <sup>18</sup>Bubre yu sungo tiŋga sine kilmba kulisokŋga ka mafena le waŋ bulkam tuku agaŋ ndende afu yu

pankinaig. <sup>19</sup>Kumba ka maŋ furirmba mafena le naŋgine waimbi waŋ tuku agaŋ afu pankinaig. <sup>20</sup>Kageŋ ka ait afu ma dabuka pa guwa tiŋgina le sine ki mbai kaŋger ndakigeŋ. Bubre yu suk suk nda tiŋga sine kilmba kublisiŋgina le sine wamdus mayenu pro kinaig le ŋgisikamŋgig ŋgigeŋ.

<sup>21</sup>Nane ait kuennu isukuse ndakinaig le Paulus nu nane ŋgamukŋge tiŋga saniŋgina: Taŋgo kame, tane ye tuku pasa ismba Kreta nuy mbolŋge mingene kande sine piti teŋen te-sili ndaka waŋ mbolŋge agaŋ ŋakmba kumumbi minig kande. <sup>22</sup>Tane wamdus fulil ndaka saŋgri tiŋgap. Sine taŋgo ŋakmba ŋgisike nda. Waŋ ndo ŋgisikamŋgat. <sup>23</sup>Ye Kuate tuku taŋgo ye nu mbariŋet tuku. Furir nu eŋel ande kukulat le pro ye sayat: <sup>24</sup>Paulus ne siŋka gabat suŋgo Sesar tugum kaŋgat. Ne kuru kuru ndaka. Kuate nu ne turnuwa le ne mbolŋge nane ŋakmba mine mayewamŋgaig ŋgina. <sup>25</sup>Ye Kuate tuku saŋgri tomba tiŋget. Nu pasa sayat ta kumuwaŋgat. Ta tuku tane wamdus fulil ndaka saŋgri tiŋgap. <sup>26</sup>Bubreŋge waŋ mbitiwa le nuy ande mbol prowamŋgat ŋgina.

<sup>27</sup>Kusem armba kugana le furir ait ta sine Adria yu mbol fare fare pinderka kumba furir ŋgamu waŋ tuku piro mbal sine kilke ande patuweg kande ŋga idusmba minnaig. <sup>28</sup>Taŋamba nane ndek muli agaŋ ande pitinu ŋak yu butonu katesewam tuku bukŋga didika burka 40 mita taŋaŋ kaŋgeraig. Maŋ dirdirka kumba bukŋga didika burkinaig ta 30 mita. <sup>29</sup>Waŋ tuku piro mbal mbuŋ mbolŋge waŋ fetkikat ŋga waŋ pine mbolŋge aŋga bailkamba pankinaig sulumba ma purfewa ŋga yabaŋmba minnaig.

<sup>30</sup>Kile waŋ tuku piro mbal kua kambim saka aŋga afu waŋ ndumor mbol pankam kineŋ ŋga diŋgi kuklimba yu mbol pilnaig le <sup>31</sup>Paulus nu kaŋgerka kame mbal naŋgine gabat turmba saniŋgina: Nane si waŋ kusrewaig ta tane ŋgisinuŋgaig ŋgina. <sup>32</sup>Taŋakina le kame mbal diŋgi tuku muli pike pugurkinaig le ake faitka kina.

<sup>33</sup>Mafewam patukina le Paulus nu nane isukuswaig ŋga sarsarniŋmba saniŋgina: Tane kusem armba ŋgisinu tuku wamdus fulilka nyamagaŋ afu tugusemba nye ndakinaig. <sup>34</sup>Tane nyamagaŋ afu kilmba nyap ŋget. Nyamagaŋ ta taŋgine ŋgarosu saŋgri pilewam tuku. Sine kume nda. ŋakmba mage minamŋgig ŋga saniŋgina. <sup>35</sup>Nu pasa ta sakina sulumba nu bret afu kilmba Kuate gare pasa tuna sulumba nane ŋakmba am mbolŋge fetfetmba nyina le <sup>36</sup>nane wam ta kaŋgermba wamdus bulkinaig le nane mata nyamagaŋ afu kilmba nyinaig. <sup>37</sup>Sine waŋ mbolŋge mingene mbal ta 276. <sup>38</sup>Nane ŋakmba isukusnaig sulumba waŋ bulkuwa ŋga wit ŋakmba kilmba yu pankinaig.

<sup>39</sup>Mafena le ma ande kaŋgermba ŋginŋganka kundu ande kaŋgermba sine ka siŋge ibeŋ kambim tagobe ŋginaig. <sup>40</sup>Nane ndek aŋga ŋakmba muli pike pugurka kusreka ulum muli kuklinaig sulumba kile ndumor mbolŋge lai ta kuklimba te-duŋga piyaŋge ibeŋ kambim tuku kageŋ.

<sup>41</sup>Kageŋ ka yu tongel tinganu ma ta mbolŋge waŋ ma paranu poŋga ndiŋkina le yu mbalo sugo sugo tinga waŋ pine kumam katnaig le fetkina. <sup>42</sup>Fetkina le muliŋ kilanu mbal ibeŋ ka kua kubekaig ŋga kame mbal nane bale farkam bafunaig le <sup>43</sup>kame mbal tuku suŋgo nu Paulus turam tuku idusmba nane tuku wamdus muku serniŋgina. Taŋamba nu sine ŋakmba sasiŋgina: Tane kage kila mbal ambolŋga patenŋa kageka kape. <sup>44</sup>Tane kage gilai mbal ail baŋ ko waŋ tuku ail isu afu kilmba kageka kape ŋgina le sine ŋakmba kageka kumba ka piyalŋge kumumbi promba ibeŋ ka tabek kageŋ.

### Paulus nu Malta nuy mbolŋge minna

**28** <sup>1</sup>Sine ŋakmba kumumbi tabek kageŋ sulumba nuy ta nyunu Malta ŋginaig le isgeŋ. <sup>2</sup>Yamban mbal nane sine kulat magekinaig. Sawe piymba murke suŋgo prona le nane pa dikŋga sine pa likam tuku sasiŋginaig. <sup>3</sup>Sine pa likmba minmba Paulus nu pa afu kilmba maŋgurka pa mbolŋge patikina le kame mbeŋ ande pa kamusmba mayok ka Paulus wainu make ndiŋna. <sup>4</sup>Taŋana le Malta mbal nane Paulus tuku wai mbolŋge mbeŋ kuikŋga minna le kaŋgermba naŋgine naŋgine ndek sakinaig: Nu tango balewanu tango. Yu mbolŋge ŋgisi ndakat ta kile nuŋe mbar tuku mbeŋŋge makewat ta kile kumamŋgat ŋginaig. <sup>5</sup>Taŋakinaig le Paulus nu ndek wai pareŋ-pareŋna le mbeŋ pa mbolŋge ndekina le nu maye minna.

<sup>6</sup>Kile Malta mbal nane nu tuku wai fulilkamŋgat e ko nu am purwa le ndekamŋgat e ŋga idusmba nu kaŋgermba minnaig. Taŋamba idusmba minnaig ta Paulus tuku ŋgaro mbolŋge maŋau ande mayok ndakina le nane wamdus mbilmba sakinaig: Nu mbara ande ŋginaig.

<sup>7</sup>Nuy ta tuku gabat suŋgo Publius. Sine nu tuku kilke patumba tabek kageŋ. Publius nu sine kilmba mara keŋmba nu sine kulat magekina.

<sup>8</sup>Ait ta mbolŋge Publius tuku mam nuŋe nu guaze suŋgo ŋak minna. Nu ŋgaro pa tinga pinem ndare ŋak kumba minna le Paulus nu tugum kumba Kuate yabaŋmba wai nu mbolŋge patikina le mayekina. <sup>9</sup>Mayekina le nuy ta tuku guaze mbal afu isnaig sulumba nane Paulus tugum pronaig le nu nane wakeikina le ŋakmba magekinaig. <sup>10</sup>Magekinaig sulumba nane maŋau gudommmba sine mbolŋge ke likinaig. Taŋamba ŋgumnenŋa kambim bafugeŋ ait mbolŋge sine agaŋ ndende kugatok ta kumumbi kilmba sine siŋginaig.

### Paulus nu Rom kina

<sup>11</sup>Aleksandria tumbraŋ suŋgo tuku waŋ ande bubre mindemba Maltanŋe minna. Naŋgine mbara suŋgo Sus tuku kiŋo armba kanunu wakeika waŋ ndumor mbolŋge patikinaig.

Tambun keŋmba kuganaig le sine waŋ ta poŋga kageŋ. <sup>12</sup>Kageŋ ka Sirakusŋge ibeŋ ka mara keŋmba tanŋe mingeŋ. <sup>13</sup>Tanŋe tinga pikir-

pakarka Regiumnge iberj kagej. Tanje ait ndindo mingerj le bubre ande sine ngumnemnge tingina le sine bubre ta sumba pinderka kumba ka furirmba mafena le sine Puteolinge iberj kagej. <sup>14</sup>Tumbraj sunjo ta mbolnje Yesus tuku mbal afu kanjerkigej le sine nane ndoŋ minam tuku sasiŋginaig le sine kusem ndindo nane ndoŋ mingerj. Tanjamba maŋ tingja ndinmba ka Rom tuku tumbraj foŋfoŋ mbol progej.

<sup>15</sup>Romnje Yesus son nginaig mbal sine tuku pasa ismba afu ka sine Apias tumbraj maŋgurkanu ma mbolnje kanjersiŋginaig. Afu nane ka ma ande nyunu Badbaid Keŋmba mbolnje kanjersiŋginaig le Paulus nu nane kanjerka Kuate gare pasa samba ngamunggal bulkina. <sup>16</sup>Sine Rom progej le Rom tuku gabat kame Paulus tumba muliŋtanu tanjo tanaj pile ndaka wande ande mbol pilmba kame tanjo ndindo nu kulatkuwa nginaig.

### **Romnje minnaig mbal pasa mayenu isnaig**

<sup>17</sup>Mara keŋmba kuganaig le Zu mbal tuku gabat kame Romnje minnaig ta Paulus nu nane kile-maŋgurka saniŋgina: Tira kame, Zu mbal afu Yerusalemnge ye tumba pasa mbolnje pilmba Rom mbal tuku wai mbolnje pilnaig. Ye siŋgine mbuŋ kame tuku tukul ande luka ndawen. Siŋgine tanjo inum mata ŋayo sili ndawen. <sup>18</sup>Rom mbal ye tuku maŋau pileŋga ye baleyam tuku mbar inum kanjer ndamba ye paska pitaiwam tuku sakinaig. <sup>19</sup>Sakinaig ta Zu mbal sanjri tingja Rom mbal tuku pasa pitainaig. Ta tuku ye ndin ande kanjer ndamba Rom gabat Sesarnje ye tuku pasa te-tiwa ngen. Ye yiŋe Israel mbal pasa mbolnje patikam idus ndawet. <sup>20</sup>Sine Israel mbal tanjo ande pro siŋgine muskil kile-tidiŋge siŋgam tuku tairngeg. Ye tanjo ta tuku saka minet sulumba muli wandeknje minet. Ye tane ndoŋ pasatam tuku wike liken ta tugunu not ngina.

<sup>21</sup>Tanjakina le nane nu sanaig: Yuda mbal ne tuku maŋau ta tuku waje afu kuyarniŋmba sine kila sa ndasiŋginaig. Afu te prode ta mata ne mbaranu ŋga sa ndakade. <sup>22</sup>Ma ŋakmba mbolnje Nasaretnu tanjo Yesus tuku mbal maŋau ŋayonu dubide ta ndo sakade le iseg. Ta tuku sine ne tuku wamdus isam nzalisiŋgit nginaig. <sup>23</sup>Tanjamba nane nu ait ande tunaig.

Ait ta kumungina le nane gudommba pro nu minna wande ta mbolnje maŋgurkinaig le Paulus nu maratukuk pasa kuklimba minna le ki ka butungina. Nu Kuate nuje gageu kulatkate wam ta tugunu te-mayokmba nane Yesus kila pilmba son nguwaig ŋga nu Moses tuan tanjo ŋakmba tuku kuyar tugunu biteknga saniŋgina. <sup>24</sup>Tanjana le nane afu pasa ta ismba son nginaig le afu nane talakinaig. <sup>25</sup>Nane wamdus pur yimyamka kambim bafunaig le Paulus nu pasa ndindo tuturmba saniŋgina: Tukul Guwanje tuan tanjo Aisaia wamdus tuna le nu siŋgine mbuŋ kame pasa ande saniŋgina ta nu mbar ndana. <sup>26</sup>Nu tejenmba sakina.

Ne Israel mbal tugum kumba saniŋga:

Tane pasa isamŋgaig ta tugunu katesewe nda. Tane wam afu  
kaŋgerkamŋgaig ta alonu kaŋger tiwe nda.

<sup>27</sup> Mbal te nane tuku ŋgamuŋgal tukulok.

Nane kilba tukulniŋgig. Nane am tukulok minig.

Kuga ta nane ammbi alonu kaŋgermba kilbambi tugunu ismba  
wamdus puluniŋguwa le ŋgamuŋgal biye mbilmba ye tugum  
prowaig le wakeikamŋgit. *Aisaia 6.9-10*

Aisaia nu taŋamba kuyarna ŋgina.

<sup>28</sup> Paulus maŋ lato saniŋgina: Zu taŋgo, ye tuku pasa te ise tiwap. Kuate  
nu taŋgo tuku muskil kile-tidinge niŋgit pasa mayenu ta kasomok mbal  
tugum kinit. Nanenŋge pasa isamŋgaig ŋgina. <sup>29</sup> Taŋamba saniŋgina le Zu  
mbal nane wamdus pur yimyamka kualeyauka sili-silinaig.

<sup>30</sup> Paulus nu yar armba Romŋge wande miro taŋgo piya tumba minna  
sulumba afu nu tugum pronaig mbal ta ŋakmba kilmba <sup>31</sup> Kuate nuŋe  
gageu kulatkate pasa ta saniŋmba Sunŋo Yesus Kristus tuku nane ŋakmba  
saniŋmba tumniŋgina. Ande nu peu ndana.

Son.